

Ev 88


no 202 :

R. 28

7/26

C. 24

C. 8





LIBER

DE CONSCRIBEN-
DIS EPISTOLIS, AC

de progymnasmati, seu præexercita-
tionibus Oratorijs cum singulis tum cu-
iusque generis Epistolarum, tum sin-
gulorum progymnasmatum
exemplaribus.

Auctore Bartholomæo Bravo
è societate Jesu.



Cum Privilegio ad decennium.

SEGOVIAE,

Excudebat Petrus Rhemensis.

M. D. XCI.

celleio deli. Honorario. Reliquia. 1690

E Go Aegidius Gonzalez Davila
Prouinciarū societatis Iesu Toleti,
& Castellæ Visitator, potestate ad id
mihi facta à Reuerendo admodum Pa-
tre Claudio Aquaviva Præposito no-
stro Generali, facultatem concedo Pa-
tri Bartholomæo Brauo eiusdem Socie-
tatis, vt typis mandare possit librum de
Conscribendis Epistolis, ac Præexer-
citationibus Oratorijs. In quorum fidē
has litteras manu nostra sub scriptas,
figilloque nostro munitas dedimus Se-
goniæ vigesimo octauo die Augusti
anni 1590.

Aegidius Gonzalez.

Librum de conscribendis Epistolis, & de
 Praeexercitationibus Oratorijs, auctore
 Patre Bartholomæo Brauæ Societate Iesu
 ex supremi Senatus iussu diligenter vidi. &
 accuratè perlegi nihilque in illo est, quod vel
 Catholicæ religioni, & communi omnium vti-
 litati videatur obistere: vel quod nõ possit
 humanarum literarum studio insudantibus
 maximoperè prodesse. In conuentu D. Phi-
 lippi Ordinis D. Augustini. Matriti Anno
 1590. die verò 16. mensis Maij.

Fr. Gabr. Pinelo.

Summa del Priuilegio.

Dlo Priuilegio el Rey Don Philippe nuestro
 Señor al Padre Bartholome Brauæ de la Cõ-
 pafia de Iesus, paraq por espacio de diez años
 nadie sin su licencia pueda imprimir, ni vender
 el libro de Conscribendis Epistolis, & de Praeex-
 ercitationibus Oratorijs, so pena de perder la
 impressiõ que hiziere con los moldes, y apá-
 rejos della: y mas incurtir en pena de cinquenta
 mil maravedis por cada vez que lo contrario
 hiziere. En el Aranjuez a 19. dias del mes
 de Mayo de 1590. años, ante el secretario Juan
 Vazquez.

A ; IN

IN LIBRVM DE
CONSCRIBENDIS
EPISTOLIS,
PROOEMIUM.



*Epistolas conscribendi facultas
quanti momenti sit, ipse earum
quotidianus vsus satis ostēdit.
Litterarum enim bono cum ab-
sentibus loquimur, res nostras cum illis com-
municamus, nostros quibus volumus inti-
mos animi sensus aperimus: ac denique quod
ipsius vocis, ac linguae munere prestare non
possumus, id ipsarū beneficio consequimur.
Adde, quod hoc scribendi genus eiusmodi
quidem est, in quo cuiusque prudentia, atque
ingenium maximè cernitur. Cum enim Epi-
stola breuitatē amet, habet hoc omnino, ut si
quidem inanis, contemnēda planè sit; si ve-
rò aptis sententijs, commodisq̃ue conspersa,
eò magis scribentis ingenium, prudentiamque
commendet, quò plura paucioribus commodè,
elegantèrque dicantur. Itaque qui eloquen-
tia stu-*

tie studuerunt, sequē ad scribendi studium
contulerunt, non minus in hoc genere, quā
in quouis alio sibi elaborandum existima-
runt. Qua tota de re & si multa quidem à
multis præcepta traduntur, nos tamen ex
multis pauca collegimus; sed quæ ad id ip-
sum, quod propositum est, assequendum, sa-
tis esse videantur. Cū præsertim hunc la-
bare præcepta colligendi, quantuluscūque
ille est, puerorum, atque adolescentum præ-
cipue causa susceperimus; quos non tā præ-
ceptis obruendos, quā instruendos, iuuan-
dosque putamus. Ergo postquā pueri Grā-
maticæ artis fundamēta iecerint, atque octo
eius partium constructionem probè cogno-
uerint, cū iam ad stylum videātur idonei;
tum nulla ratione vtilius, atque commodius
primum ad eloquentiam gradum facient,
quā conscribendis Epistolis vario, atque
dissimili à præceptoribus argumento propo-
sito acerrimè ingenium exerceāt. Vbi iam
non solum de recta ipsarum partium ora-
tionis constructione, sed de singulorum

etiam verborum proprietate, atque elegantia,
sententiarumque concinnitate laboret. Atque
ita ut nullum omnino verbum in oratione
ponant, cuius usum vel Ciceronis auctorita-
te, vel classici alicuius auctoris comprobare
non possint; vel certe ab optimo, atque ele-
ganti praeceptore audierint usurpari. Quod
si pari & praeceptoris industria, & pue-
rorum cura, atque studio hic labor suscipiatur,
dubium non est, quin magno cum fructu bre-
ui quidem tempore, ad Oratorias exercitatio-
nes pueri, orationesque componendas tradu-
ci possint. Nos vero ut & praeceptorum iu-
uaretur industriam, & puerorum laborem
minueremus, singula cuiusque generis Epi-
stolarum exemplaria praeceptis ipsis adieci-
mus: quarum eiusmodi argumenta confir-
mamus, quae ipsi pueri faciliè perciperent,
quibusque ad eiusmodi alia ex cogi-
tanda iuuantur.



DE CONSCRIBEN-
DIS EPISTOLIS
BREVIA QVAEDAM
PRAECEPTA.

Quot sint Epistolarum genera. Cap. 1.



T si Epistolarum genera multa sunt, tamen ad duo quaedam capita referri possunt: quorum alterum morale, negotiale alterum appellari licet. Quidquid enim Epistolis tractari solet, id profectò vel à negotio ducitur, vel ab officio. Negotiales igitur Epistolas dicemus eas, quæ negotium continent: ut quæ aut de nostrarum rerû, aut alienarum, aut ipsius denique Reipub. statu eos, ad quos mittuntur certiores faciunt. Ad quod genus illæ quôq; referri possunt, in quibus de re aliqua aut quaeritur, aut disputatur. Tunc enim consulentis, ac deliberantis negotium

A 4 agitur;

De conscribendis

agitur; siue cùm ille sapientes viros
per litteras consulit; siue cùm hi in-
terrogati respondēt. Morales verò
eas appellabimus Epistolas, quæ nō
à negotio, sed omnino ab officio
materiam petunt: quibus aut bene-
uolentiæ, & amoris, aut humanita-
tis, aut alicuius deniq; virtutis signi-
ficandæ causa multùm vti, frequen-
terque solemus. Tertium quoddā
genus ex vtroque mixtū reperitur:
cùm causæ, scilicet, quæ nos ad scri-
bendum adduxerūt, partim morales
sunt, partim negotiales; quæ quia
rarò euenit, vt equè graues sint, quæ
res in Epistola plus habebit ponde-
ris, eadem ei nomen tribuet. Neque
verò longitudo spectāda est, vt vtra
Epistolæ pars pluribus tractetur, in-
de Epistola nomen accipiat: sæpe
enim fiet, vt multa, quæ ad negotia-
lem rationem pertineant, confera-
mus in pauca: in nostra verò aut ope-
ra, aut

ra, aut industria amico deferenda, in dolore, lætitiæque significanda sumus longiores: sed illud ipsum, cuius præcipuè causa adducimur ad scribendū, siue multis, siue paucis verbis tractetur, Epistolas facit aut negotiales, aut morales. Atque illud quidē inter morales Epistolas, & negotiales interest; quòd illæ suis se plerunque finibus continent; neque ad negotia tractanda, quæstionesque disputandas excurrunt: hæc verò ita versantur in negotio, vt de morali etiam genere aliquid assumant: non quia necessitas cogat, sed quia ipsa ratio ita postulare videatur. Nam siue ad amicū scribas, illius negotia feliciter esse confecta, siue planè desperata: siue in eum locum adducta, vt eis tu aliquam nauare operam possis; simul tibi aut lætādum erit, aut dolendum, aut aliquid etiam pollicendum; ne amici officium neglexisse videaris.

A 5 Fecit

De conscribendis

Fecit hoc Cicero tum in multis suis Epistolis, tum maximè in ijs, quæ sunt in primo libro familiarium ad P. Lentulum; quæ cum negotiales fere omnes sint, eis tamen morales sententias frequenter admiscet.

In quo genere eloquentiæ versentur

Epistola. Cap. 2.

E Pistola simplici argumento, simplici que stylo contenta esse debet: atq; ita, ut quotidiani sermonis cōsuetudinem imitetur. Cum enim ob eā potissimū causam totū hoc scribendi genus inuentū sit, ut, quæ coram cū amicis familiariter agere non possumus, eadem cum ipsis absentibus per litteras cōmunicemus, quotidianis quidem verbis, familiarique sermone Epistola texenda est. Quod ipsum apertè Cicero in Epistola ad Pætum ac festinè satis ostendit. Quid tibi ego, inquit, videor in Epistolis? nonne plebeio sermone agere

agere tecum? neq; enim semper eodem modo. Quid enim simile habet Epistola aut iudicio, aut concioni? Quin ipsa iudicia non solemus omnia tractare vno modo: Epistolas vero quotidianis verbis texere solemus. Itaque Epistolam Cicero imaginem quandam esse vult quotidiani, plebeiique sermonis. Sed interdum tamen & grauiiores sententias in Epistola, & maiorem elegantiam, concionatamque verborum desiderari, quam in quotidiano sermone, fateamur, necesse est. Nam & accuratiùs scribere cogimur, quam loqui: & ad eiusmodi personas mittuntur sæpe litteræ, vt necesse quidem sit, tum sententiarum dignitate, tum elegantia verborum paulum se attollat oratio. Cum enim ad principes viros, cum ad grauissimū aliquē Senatū Epistola mittitur, quis neget eā abhorrire debere à vulgari, tritoque sermo-

sermone? Quin & ipse Cicero, qui
tātō opere in Epistolis quotidiani ser-
monis similitudinem amat, indulget
interdū ingenio, atque Epistolas ita
cōtexit, vt maior in eis, quā quoti-
dianus sermo patiatur, vel verborū
copia, vel sententiarū splendor appa-
reat. Quid enim illa ad Luceium Epi-
stola de sui Consulatus historia sepa-
ratim componenda, quam idem ip-
se Cicero bellam vocat, aut commu-
ne habet, aut vulgare? Quid illa ad
Dolabellam? qua ei de sublata co-
lumna, & ijs, qui eā Cæsari mortuo
tanquam Deo infero erexerant sup-
plicio affectis gratulatur? Illa verò
ad Lentulum, vbi causam exponit,
cur cum inimicis in gratiā rediisset,
quam est & crebra sententijs, & co-
piofa verbis? Iā in ea, in qua M. Brū-
tus Ciceronem accusat, quòd sup-
pliciter nimis, ac demissè ad Octa-
uium scripisset, quid tandem quo-
tidia-

Pam. lib. 5
episto. 14.
libro. 9.
episto. 14.

libro. 1.
episto. 9.

tidiano sermoni simile reperitur? Habuit nimirum Cicero rationem temporis, habuit rationem personarum, atque earum rerum, de quibus agebat dignitatis: & vsq; eò progressus est, quò ipsa cum ratio, prudētiaque ducebat. Quem nos quoque in hoc scribēdi genere ducem sequi debemus: est enim eiusmodi, vt immodicè ac temerè si fiat, fastidium pariat, & in reprehensionem incurrat; si modicè, & loco delectet sine satietate, & laudem assequatur.

Quot sint Epistolæ partes: & quid in singulis præstandum. Cap. 3.

Conscribēdis Epistolis nullus ordo præscribi potest, qui necessario seruari debeat: neque enim omnes vno conficiuntur modo: sed pro personis, ac rebus Epistolarum forma mutatur. Qui verò styli gratia hoc scribēdi genere exercentur,
Episto-

De conscribendis

Epistolam in quatuor partes diuidere possunt; exordium, propositionem, confirmationem, epilogum. Exordio, eius, ad quem scribimus, apta sententia beneuolentiam capta mus. Propositione; quid ab eo maximè velimus, breuiter significam⁹. In confirmatione, rationes afferuntur, quibus amicum vel cōsolamur, vel hortamur, vel monemus; vel aliquid demū ab eo contendimus. Epilogo Epistolam claudimus; in quem omnium argumentorum, ac rationū cōfirmationis breuissima summa cōfertur. Exemplo esse pōtest illa Ciceronis Epistola libri quarti familiariū nona, cuius initium est: Et si per paucis ante diebus. Item ea, quæ in libro sexto sexta ipsa est, atque incipit. Vereor ne desideres officium meum.

Quid

Quid in exordio seruandum sit.

Caput. 4.

QUod ad exordium attinet, liberrima quidem est in Epistolis exordiendi ratio; præsertim cum ad eos scribimus, qui ita nobis amicitia sunt, amoreque coniuncti, ut inter nos, atque illos officiorum commemorationem non modo non necessariam ullo aut negotio, aut tempore, sed etiam superuacaneam putemus: quos ea voluntate, atque animo iam nos esse perspeximus, ut non minori curæ res illi nostras esse, quam nobis cognouerimus: quique nostra consilia ita audituri sint, ut credant, æque nos de illorum salute, ac de nostra laborare. Cum vero ad aliquem scribendum est, cuius vel beneuolentiam captare; vel conciliare gratiam, opus erit; tunc ab ea re duci debet exordiū, quā gratissimā illi fore existimabimus. Quare necesse est, ante
quam

De conscribendis

quàm scribere incipiamus Epistolā,
eius, ad quem scribimus, naturam,
ingenium, ac mores considerare, ani-
mōq; perpendere. Aliquādo enim
ad gratiam conciliandam plurimū
valebit, si nostrorum, atque illius pa-
rentum amicitiam, ac necessitudinē
repetamus: aut si nostra cum illo pri-
mæ adolescentiæ communia studia
commemoremus. Si, cū aliquid im-
plorandum est, eius humanitatem in-
omnes, beneficentiamq; laudemus.
Interdum etiam, si nostram in scri-
bendo negligētiam accusemus, qui
hoc litterarum officium tam illi de-
bitum, seriū præstiterimus. Captari
etiam poterit benevolentia, aut etiā
augeri, si ex felici aliquo eius rerum
euentu magnam nos cepisse lætitiā
ostēderimus. Si cū ille vel nostra,
vel nostrorum causa quicquam fece-
rit, magnam illi nos grati animi signi-
ficationem demus; quasi magnum
aliquod

aliquod beneficium in nos ipso con-
tulerit. Denique pro dignitate & re-
rum, & personarum ipsa nos prudē-
tia, necessitasque docebit, vnde po-
tissimum Epistolę initium ducamus.

*Quid in confirmatione seruandum
sit. Caput. 5.*

DE propositione nihil est præci-
piendum, præter quàm quod res
ipsa loquitur; debere eam esse bre-
uissimam. In confirmatione, cùm di-
uersæ sunt, variæque sententiæ, cu-
randū est diligenter, & eas aptè con-
nectere, & ex alijs ad alias commo-
dè, vniusteque transire: quod quidē
ita facere nō vulgaris ingenij est. In
quo mirus est Cicero, qui trāitioni-
bus vtitur quàm aptissimis: vt illæ
sunt. Si hæc lōgiora fortalsè fuerunt,
quàm necesse fuit; illa, quæ maiora
sunt, breuius exponam. Item: Sed
hæc consolatio leuior, illa grauior.
Item. Quando quid tibi permitte-

B

retur,

episto. 1.
libro. 6.
fam.
episto. 3.
libro. 6.

De conscribendis

episto. 10.

libro. 4.

episto. 2.

libro. 12.

episto. 9.

libro. 1.

retar, cognouisti, quid mihi placeat, puto te scire oportere. Item. Atque hæc domestica: quid illa tandem popularia? Item. Sed hæc tolerabilia, illud non ferendum, quod est, quod vno anno Consulem filium suum futurum putet, &c. Huius geris multa sunt apud Ciceronem, quæ diligens eius imitator obseruabit.

Quid in epilogo seruandum sit.

Caput. 6.

QUod ad rationem litteras claudendi attinet, præter id, quod supra diximus, illud quoque animadversione dignum est: præclare quidē & commodē solere Epistolam officio terminari: vt si in eius extremo dicas, aliquid te amici causa diligenter curaturum; aut in officio, amoreque permanfurum; aut eiusmodi aliquid, quod amorem præ se, ac beneuolentiam ferat. Facit hoc sæpe Ciro, vt ad Lentulum. Nostram fidem omnes,

episto. 1.

libro. 1.

omnes, amorem tui absentis præsen-
tes tui cognoscent. Quam sententiã
in pluribus primi libri familiaribus
Epistolis alijs atque alijs verbis ex-
pressam reperiēs. Et ad Curionē. Il-
lud profectō cognosces; mihi te ne-
que chariorē, neq; iucundiorē esse
quenquã; & Epistola consequenti.
Hoc quod attigi, nō feci inflāmandi
tui causa, sed testificādi amoris mei;
& ad Appiū. Hoc ad te scripsi libe-
rius fretus consciētia officij mei, be-
neuolentiãq;, quam à me certo iudi-
cio susceptam quandiu voles con-
servabo. Plurimas hui⁹ generis clau-
sulas apud Ciceronē inuenies: à quo
omnia, quæ ad hanc artem spectāt,
petenda esse existimo: quiquidem
hoc scribendi genere vel vnus ex-
celluit, vel omnes, qui in eo excel-
luerunt, longo intervallo superauit:
quē qui studiosè legerit, & quæ in
eo sunt eximia, quæ quidem ad hoc

episto. 3.
libro. 1.

episto. 3.
libro. 3.

De conscribendis

artificium, atque prudentiam pertinent, diligenter expendere, neque ad exordiendā, neque ad terminandā, neque ad totam denique concinnandā Epistolam ullis præceptis magnopere indigebit. Sed quoniā non omnium est eius artificium notare, atque ingenio assequi; de singulis Epistolarum generibus, aut certè de ijs, quæ vñtatiōra quidem sunt, & ad exercenda ingenia magis accommodata, brevia quædam præcepta trademus: quibus etiam tyronibus muniamus viam ad idem artificium faciliùs & cognoscendum, & imitandum.

De singulis Epistolarum generibus. Caput. 7.

Cum omnes Epistolæ ad tria capita, ut diximus, referri possint; negotiale scilicet, morale, atq; mixtum; quæ negotiales quidem sunt, nullis videntur præceptis indigere:

tot

tot enim erunt Epistolarum formæ,
quot negotiorum: earum autem or-
do is, quæ negotia ipsa postulabunt.
Quis verò est tam ineptus, qui, ut
amicum doceat, quo in statu res vel
suæ, vel alienæ sint, quomodo item
res aliqua gesta sit, præcepta requi-
rat? Iam verò morales sententias quæ
sæpe huiusmodi Epistolis intexi de-
bent, loco, & aptè ponere, pruden-
tiæ magis, atque ingenij, quam artis
est. Restat ergo, ut de ijs, quæ ad mo-
rale genus spectant, priuatim aliquid
præcipiamus: nam quæ mixtæ sunt,
ex qua parte morale genus attin-
gunt, huc etiam referri debent. Ver-
santur autem in hoc genere Episto-
læ, quibus laudamus, aut vitupera-
mus aliquid; vel ex postulamur cum
aliquo; aut nos ipsos purgamus, vel
suademus, aut dissuademus;horta-
mur, monemus, consolamur, peti-
mus, commendamus amico aliquem;

De conscribendis

pollicemur, gratulamur, iocamur
denique animi causa; de quibus sin-
gulis dicendum est.

De Epistola laudatoria. Cap. 8.

IN Epistolis laudari solent interdū
personę, vrbes, regiones, resque
alię huius generis multę. Ducitur au-
tē personę laus à triplici bonorū ge-
nere; fortunę scilicet, corporis, atq;
animi. Fortunę bona sunt, natio, pa-
tria illustris, parentes, ac maiores vir-
tutis, ac dignitatis commendatione
clari honores, maximarū opū pos-
sessio, atque eiusdē generis alia. Cor-
poris verò, formę venustas, ac digni-
tas, integrę vires, bona valetudo:
atque alia id genus. Animi autem
bona virtutes sunt, egregia facta, ac
bonarum artium studia.

Vrbes laudantur à conditore, à
naturaloci, à cęli temperatione, à
templis, ab alijsq; ipsarū vrbiū orna-
mentis, monumentisq; maiorum. Sed
pręci-

præcipua tamē laus à civiū virtute, honestisq; moribus, à præclaris legibus, & institutis petenda est. Quod idem de regionum laude dictum sit.

Virtutes, atq; honestę artes ab ijs bonis, quæ ab ipsis proficiſcuntur, laudē accipiūt: quę illis cōtinētur locis, quę in Epistola suasoria tractantur.

De Epistola vituperatoria. Cap. 9.

Vituperatio, quę in Epistolas etiā interdum cadit, ijsdem omnino locis constat, quibus laus; versis tamen in contrarium. Itaque qui personam aliquā vituperare velit, à malis fortunę, corporis, atque animi argumenta desumet. Quod idē de cæteris rebus, quę laudari possunt, intelligendum est. Rarō autem contingit, vt tota Epistola, aut laudatione, au vituperatione constet. Solet autem huiusmodi argumentū nonnunquam occurrere; vt cū rogati ab amico, quidnā de homine aliquo

De conscribendis

nobis bene noto sentiamus, illius nos, siue honestus ille sit, siue secus, vitam, atq; mores explicamus. Aut ipsi ultro ad amicum scribimus, qualis aliquis sit, vt eius aut amicitia sibi conciliet, aut familiaritatem fugiat.

De expositulatoria Epistola. Cap. 10.

IN ea Epistola, per quam cum aliquo expostulamus, quod nos, famamue nostram, aut verbis, aut re aliqua laesa sit, aptum erit exordium, si dixerimus; mirari nos vehementer, cum nobis tam insignem iniuriam intulisse, quem ne minima quidem in re non modo non violauimus; sed officijs etiam aliquando prosecuti sumus. Aut si in amicorum numero illum semper habuimus, deceptos nos esse dicemus, qui eandem amicitiae fidem seruari ab eo, atque coli putabamus, quam nos integram semper inuiolatamque seruauimus. In propositione, quid nobis delatum sit vel dictum

dictum ab eo, vel factum referemus. In confirmatione, argumenta adducemus, quibus moueri nos, dicam⁹, quo minus verum illud esse existimemus; quòd falsa confingere, virū minimè deceat, sapientē præsertim, nobilem, honestatis cultorē, qualē semper illū esse cognouim⁹. Quòd si amicitia intercedant vincula; non credere nos affirmabimus, nullam ab eo amicitia habitam esse rationem; cū ab amicis violari fidem, nemo probus non maximum crimen semper esse duxerit. Vbi addere licebit & nostra in illum merita, & spem, quā ille nobis gratificādi sæpe ostenderit non obscure. In epilogo hominem rogabimus, vt ad nos rescribat; vt ex eius tandem litteris, quo ipse in nos animo sit, perspicere possimus; atque iisdem mendacij conuincere obtrectatores, qui eos rumores inuidiæ fortasse causa dissiparūt.

TRiplici ratione expurgare nos alijs solemus. Aut enim quę nobis obijciuntur crimina falsa esse ostendimus; aut in quo accusamur, id nos bono fecisse animo confirmamus: aut eius suspicioni occurrimus, quem arbitramur, à nobis neglectum esse officium, suspicari. Exordium in huiusmodi Epistolis quęremus ad captandam beneuolentiã aptissimum pro nostra, & eius ad quem scribimus dignitate, pro qualitate item criminum. Necesse est enim, eius offensus sit animus, cui nos purgare, nostraque probare facta oportere ducim⁹. Itaque ab amore, nostraque in illum obseruantia, si personę dignitas ferat, commodè ducetur initium: vt si dicamus, nos grauitè dolere, eum à nobis offensum esse, quę semper dileximus, & obseruauimus: nescire nos, quo nam
fato

fato nostro fiat, cui plurimum debeamus, ei nos ne gratos quidem videri potuisse; cum erga omnes grati semper & curemus esse, & habeamur. In propositione breuiter attingemus quæ nobis obiecta sunt crimina; quibus singulis respondendum nobis esse dicemus. In confirmatione si ut falsa sunt crimina diluenda, ab iisdem locis, & personis, vbi, & quibuscumque res gesta esse dicatur, argumenta sumemus: ut si aut in eis locis nunquam nos fuisse, aut cum eis nunquam egisse, aut si vnquam, non tamen tunc temporis, ostendamus: itemque ab alijs circumstantijs, prout res ipsa postulare videatur. Si verò neque personæ; neque loci argumenta suppeditent; plurimum iuuabit, si veteris amicitie coniunctionem, mutuam inter nos studia, atque officia comemoremus; neque tam nos inconstantes, aut etiam amentes esse, ut cuius amicitiam tam studiosè

diosc̃ semper coluerimus, idquẽ no-
bis magnæ gloriæ esse duxerimus,
nunc repentẽ sine vlla causa rescin-
damus. Quod si adhuc de nostro in
se animo dubitet, eum licet, experia-
tur; nos quidem certos esse, futurum
vt in amicitia, amoreque pristino
constantissimos nos fuisse reperi-
at. Sin vero concedenda erunt crimina,
tum rationes afferentur, quibus do-
ceamus, ea nos bono fecisse animo:
quæ quidem rationes eẽdẽ esse pos-
sunt, quas modò cõmemorauimus.
Veniã præterea deprecabimur; id-
quẽ nos facere dicemus illius huma-
nitate fretos, atque clementia. Nos
quidem vt homines per impru-
dentiam esse lapsos; illius verò sa-
pientiẽ esse, ei ignoscere, qui & cri-
men fateatur suum, ab humano po-
tius errore, quàm ab improbitate
profectum; & nihil se eiusmodi cõ-
missurum in posterum profiteatur.

Epi-

Epilogus magnam habebit amoris significationem, magnam ostendet in officio, ac beneuolentia permanendi voluntatem. Tertia purgationis ratio faciliior est: ut cum nostram scribendi tarditatem excusamus, quod aut morbo impediti fuerimus, aut negotijs, occupationibusque districti; aut ad aliquid aliud præstandum non nobis voluntatem, sed facultatem defuisse confirmamus. Quæ verò impedimenta fuerint, ea scribenti materiam suppeditabunt.

De suaſoria Epistola. Caput. 12.

IN Epistola Suaſoria curamus id amico persuadere, quod oportere illum facere existimamus. In hac autem Epistola, quod idem de tribus consequentibus dictum sit; arrogantiam quasi scopulū vitare debemus: atque ita aut suadere, aut hortari, aut monere, aut consolari alios, ut tamē eorū consilio, atque prudentiæ multū tribuisse

tribuisse videamur: significemusq;
 amore nos magis ductos nostra con-
 silia exposuisse, quàm quòd ijs indi-
 gere illos putàremus: nisi ad eum
 scribamus, apud quem tantum ipsi
 valeamus auctoritate, vt nulla in-
 dando consilio, quancunque ratio-
 nē in eam⁹, timeatur offensio. Capta-
 bimus ergo beneuolentiā à nostro
 in illū amore, & voluntate. Propo-
 nemus deinde quæ persuadere illi
 volumus. In cōfirmatione ab his fon-
 tibus argumenta petemus: honesto,
 vtili, facili, necessario. Magnā enim
 vim adfert suasio, cū rem, quam
 amico suademus, honestā esse dici-
 mus, cū virtute coniunctā, tali viro
 dignā, quæ deniq; magnā illi paritu-
 ra sit gloriā. Cū deinde ostendim⁹;
 magnas secum vtilitates afferre; ma-
 gnos ex ea fruct⁹ percipi posse. Præ-
 terea rem esse eiusmodi, quæ facilè,
 aut non magno negotio obtineri
 queat.

queat. Postremò ita necessaria, vt si
eà aut suscipere, aut præstare nolit,
vel dedecus, vel infamia, vel magna
aliqua incòmoda necessariò illi sub-
beunda sint. Augeri poterunt argu-
menta à circumstantijs locorù, tem-
porum, rerum, & personarum, quæ
in ipsa re occurrèt. Est & illa præcla-
ra suadendi ratio, cù refellimus ea,
quæ id ipsum, quod amico persuade-
re cupimus, dissuadere eidem posse
videantur. Fecit hoc Cicero elegan-
tissimè in Epistola ad Marcellum:
vbi dum reditum illi in patriam sua-
det, quæ idem ipsum reditum dissua-
dere videbantur diligentissimè co-
natur refellere; quod quidem præ-
clarum quoddam est suasionis ex-
emplum. Claudemus denique Epi-
stolam magna quadam amoris signi-
ficatione, vt quæ inde initium du-
xerit, tota ab amore profecta esse
videatur. Quod ad dissuasionem at-
tinet,

epist. 9
libro 4

De conscribendis

tinet, iisdem locis vti licebit, quibus in suasionem, in contrarium prorsus mutatis.

De hortativa Epistola. Caput. 13.

E Pistola, quæ ad hortandum valet, superiori simillima est: habere tamen debet maiorem vim, & acrimoniam ad commouendum eius animum, quem hortamur vel ad virtutis studium, vel litterarum, vel militiam sequendam, vel defendendam patriam, vel etiam religiosam vitam sectandam, aut ad aliquid demum præclarum, & excellens. Itaque præter quatuor illa loca Epistolæ suasiuæ petere licebit argumenta ab expectatione hominum: ut si dicamus, omnes in illum oculos habere coniectos, magnumque aliquid ab eo semper expectasse. Et quia plurimum ad hortandum valet, si laudes eum, quæ hortere, eius laudabilis ingenium, atque naturam ad id, ad quod excitare
eum

eum velis, aptissimā. Superiora præ-
 terea eius facta, laudem ab ipso par-
 tam cōmemorabis, quibus quasi cu-
 mulum gloriæ deesse dicēs. Is vt ac-
 cedat, diligenter illi esse elaboran-
 dum. Quo argumento vsus est Cice-
 rō ad Plāncum elegantissimē. Item
 ab æmulatione æqualium ducere li-
 cebit argumenta: ne patiarur se ab
 ijs, qui minūs valent aut ingenio, aut
 industria, laudis gloria superari. Et, si
 quidem, res ita postulet, à commise-
ratione, vt si dicas: multos ex eo pē-
 dere, vt fratres, sorores, aut etiam pā-
 rentes ipsos, qui valde sperant, illius
 ope suam aliquando miseriam leua-
 tum iri; ipsam denique patriā, cuius
 salus eius virtute nitatur; ne tantum
 dedecus suscipiat, vt desertos patia-
 tur esse eos, quos iuuare & possit, &
 debeat. Addere licebit illustrium vi-
 rorum exempla, qui eodem institu-
 to vitæ, ad quod illum hortamur, ma-
 gnā

epistol. 5.
libro 10.

De conscribendis

gnam sunt gloriā consecuti: aut etiā
miseros eorum casus, qui illud con-
tempserunt. Claudemus Epistolam
per deprecationem pro nostro in il-
lum amore, pro veteri nostra ami-
citiā, pro eo, quanti decus, pietatē,
religionem facere debeat.

De Epistola, qua ad monendum

valet. Caput. 14.

HOc litterarū genere amicos sui
officij cōmonemus: vt aliquod
vitium corrigant, aut quid illorum
facere interlit, docemus. Hic quan-
tum apud eos auctoritate va-
leamus, quos, vt vitij aliquid corri-
gant, monemus, cognitum, perspe-
ctūque nos habere necesse est; quo
item in nos illi sint animo, quanta
beneuolentia, & amore: quæ si de-
sint admonitione supersedēdū erit.
Quotus enim quisque est, qui sua vi-
tia æquo animo audiat? ad aliquod
verò egregiū factum excitari, multi
magnæ

magnæ etiam laudi sibi ducunt. Debet igitur tota Epistola magnam habere amoris significationem; à quo quicquid profectum est, in bonâ ferè partem accipitur. Loci, vnde argumenta sumemus, iidem erunt, qui sunt suasionis. Quibus addere licebit eorum exépla, qui admoniti vitia correxerunt. In epilogo petem⁹ ab amico, si res, atque personarum ratio ita ferat, vt nos quoq; ipse admoneat, si quid in nobis reprehensione dignum animaduernerit. Huc etiam pertinet, cùm amicum monemus, vt sibi valetudinique suæ consulat; vbi amor indisertus esse non potest: itaque is materiam satis copiosam suppeditabit. Huius generis aliquot Ciceronis Epistolas reperies libro. 16. familiarum ad

Tironem.

De

De conscribendis

De Epistola consolatoria. Cap. 15.

Plurimum valet ad consolandum
societas ægritudinis: index enim
benevolentiae dolor est. Quare in
consolatoria Epistola, optimè initiū
ducitur à significatione nostri dolo-
ris ex eius incommodis, ad quē scri-
bimus. Quod fecit Cicero in Episto-
lis ad Titium & Fabium; & Sulpitius
ad Ciceronem, dum illum de Tul-
liolæ obitu consolatur, Deinde ab
his locis rectè institui potest conso-
lacio. A communi hominum nascen-
di conditione: vt si dicamus, ea nos
legenatos esse, vt plurimis afficia-
mur incommodis; neque deberē il-
lum propriam, & præcipuam condi-
tionem postulare, aut communē re-
cusare. A communi etiam fortuna:
vt si dicamus, eius incommoda ad
omnes, aut ad plurimos pertinere.
A mali breuitate: si ostendamus, nō
illū diu in miserijs, quas patitur ver-
saturum.

episto. 16.
& 18. li. 5.
epistol. 3.
libro. 4.

faturum. Ab spe remedij, vt si rationes ostendantur, quibus eius incommodis subueniri possit: quod magnum doloris leuamen esse solet. A conscientia rectè factorum: vt si dicamus, nihil ei dolendum esse in eo, quod sciat nulla sua culpa esse commissum. Ab opinione hominum de illius fortitudine, eximiaque virtute in malis tolerandis: itaque monebimus, ne committat, vt de præclara illa existimatione sui apud sapientes viros aliquid amittat. Ab utilitate, à laude, & honestate, quæ in illius malis tolerantia insit, si id fortiter, atque sapienter ferat. Ab aliorum exemplis, qui in eiusmodi casibus se viros fortes summa cū laude præbuerunt. Denique vt det operā, ne cū omnia in eo sint animi ornamenta, hoc vnum homines desiderare videantur. In epilogo nostram illi operam, studium, & quicquid industria, con-

De conscribendis

filio auctoritate valebimus, libenter pollicebimur. Est etiam illa præclara consolandi ratio, cum singulis rationibus, quæ dolore afferre amico possunt, ita occurrimus, ut eas ipsas consolationis loco ponamus. Fecit hoc Cicero ad Torquatū scribens in exilio versantem: cui ijsdem ipsis rebus carere, quas ille cum magno dolore desiderabat, magnæ illi consolationi esse debere diligenter ostendit, & ingeniosè.

De Epistola impetratoria. Cap. 16.

AD impetrandum id, quod petimus, captata beneuolentia, requiruntur, his locis commodè uteremur. Si ostendamus, rem esse facilem, posse quæ ab eo, à quo petimus, minimo negotio præstari. Rem esse honestam, ex qua ipse magnam gloriam consecuturus sit. Si ostendamus præterea, quanto nos eius rei consequendæ studio teneamur: præfertim

sertim si ille aliquo nobis beneficio deuinctus sit: quantam etiam impetrādi spem habeamus; quā qui ostendit, eo ipso facilius impetrat: suam enim laudem agi existimat is, a quo petimus, cum de se bene existimari videat: vereaturque ne liberalis, atque humani præclarum nomen amittat. Multum etiam valent ad impetrandum eius merita, cui aliquid petimus. Gratificādi denique studium vel nostrum, vel alterius; quo epistola concludi aptè potest.

De commendatitia Epistola. Cap. 17.

Commendatitiæ litteræ pro negotiorum varietate, varias quoque partes, easque modò plures, modò pauciores habent: sed vsitata & quasi legitima, cum aliquid, aut aliquem commendamus, tria sunt: Commendationis causa, rei narratio, memoris animi, & gratæ voluntatis vel ab eo qui commendatur,

De conscribendis

Vel à nobis etiam ipsis promissio,
Commédationis causæ esse possunt
vel amicitia cum eo, quem commen-
damus, aut etiam cum ipso, ad quem
scribimus: vel rei magnitudo, si non
persona, sed res commédatur; & po-
testas, auctoritasque eius, cui litteræ
mittuntur. In narratione rei æquitas
simul potest ostendi, & necessitas
eiusdem consequendæ. Tertio loco
addere etiam oportebit laudes eius,
quem commendamus: vt is per se
dignus esse videatur, cuius causa ea
in re maximè claboretur.

De gratulatione, Cap. 18.

CRatulatio tres plerunque partes
habet. Primò enim amico gratu-
lamur de honore, bouoie aliquo
adepto. Deinde bene ei precari so-
lemus. Postremò eundem exhorta-
mur ad rem susceptam cum laude ge-
rendam. Exordiri igitur aptè possu-
mus à voluptate, quâ audito nuntio
animò

animo percepimus; deinde nostrę letitiae rationes addi possunt, cur nos in eo præcipuè lætemur: quæ vel à nostro in illum amore, vel ab amicitia, quæ nobis cum illo est, vel à meritis denique, quæ in nos ille contulerit, duci possunt. Præcābimur præterea Deum immortalem, ut eum illi honorem fortunet. Ad exhortationem valent illa, quæ superius in Epistola hortatoria tradidimus. Hæc planè rationem secutus est Cicero ad Curionem,

episto. 7.
libro. 1.

De gratiarum actione. Cap. 19.

EPISTOLA ea, per quam gratias agimus, qui aliquid nostra causa fecerit, in quatuor partes aptissimè dividi potest hoc modo. Si dicamus primò, non frustra nos eius causa aliquando laborasse, si quid nos aliquando ipsius causa præstitimus; quod eū dicimus, illud etiam ostendimus, illud nos officium fuisse debitum.

Deinde si benignitatem eius laudaverimus, qui plus reddidit, quam accepit. Tertiò si dicamus eius operã, quam in ea re posuit, pluris à nobis fieri, quam rem ipsam, quam adepti sumus, quòd à tali viro quòd ex vera amicitia fuerit, virtute quæ profecta. Postremò si magna grati animi significatione remunerandi promptam voluntatẽ ostenderimus. Hæc Cicero rationem servavit in Epistola ad Ap. Pulchrum. Quòd si nulla nostra merita præcesserint, ideo ampliores illi gratias deberi à nobis dicemus. Benignitatem secundo loco extollemus, quæ bene de omnibus mereri velit, etiam de ijs, qui pro meriti nihil sunt.

episto. 13.
Nro. 3.

De Epistola officiosa. Cap. 20.

ET si superiores omnes Epistolæ officiosæ ferè appellari possunt, quòd officij amicorũ sit, amicis vitiis suadere; eosdem hortari, mone-

re, consolari, alijs tuendos iuvādo-
ne commendare; tamē hoc loco of-
ficiosam Epistolam appellamus eā,
per quam nostra studia, operam, &
quidquid præstari à nobis potest
amico pollicemur. Cuius exordium
duci potest vel ab amore, vel alæ-
titia, quā cepimus, oblata illa occa-
sione, in qua aliquid nos eius causa
efficere possimus, ac nostrā illi vo-
luntatem ostendere; vel etiam à do-
lore, si in re aliqua tristi nostro ille
auxilio, operaque indigeat. In re-
liqua Epistola aptè commemorari
possunt rationes, quibus nos offi-
cium illud præstare, atque illius cau-
sa vehementer laborare debeamus:
ut merita eius erga nos, amicitia
nostræ vetustas, eiusdem dignitas,
quæ, si deessent reliqua, satis qui-
dem esset, ad cuiusvis animum com-
mouendum, nedum amicissimi ho-
minis, eiusque studio sissimi claude-

De conscribendis

mus Epistolam prolixa quadā eiusdem officij pollicitatione.

De Epistola iocosa. Cap. 21.

Solent interdum amici salibus, festiuisque iocis in Epistolis uti, vel molestias leuandi, vel etiam ingenij, & acuminis causa. Rarò tamen contingit, vt tota Epistola iocosa sit; sed eiusmodi ioci, atq; sales ex ipsis vel rebus, vel personis, de quibus agitur, deducuntur, & aptè, ac festiuè litterarum sententijs admiscuntur. Huius generis multę sunt epistolę apud Ciceronem: vt nihil esset, quod ad eloquentiæ laudē pertineret, in quo nō eius eximium eluceret ingenium: vt illę sunt, quę libro septimo familiarum leguntur ad Trebatium, & quę ad Pætum libro nono.

De vsa locorum. Cap. 22.

Qui necessitate compulsus litteras conscribit, is natura ipsa duce, ac magistra, rhetorum præcepta fere

ferè non desiderat: quanuis etià tum non minimùm natura ipsa iuuari arte posset. Qui verò styli gratia componendis epistolis ingenium exercet, cum oportet locos, qui in singulis epistolarum generibus notàtur, commentatione, atq; meditatione paratos, expeditosq; habere: vt in eis, cùm scribendum illi sit, peruestigare faciliè, & inuenire possit, quid dicat. Illud tamen animaduertiendũ est: non ex omnibus semper locis, quos notauimus, rationes, atque argumenta esse necessariò desumèda. Nam cùm tam varia sit & rerum natura, & personarum, fiet interdum, si ex omnibus cuiusque generis eruantur argumenta, vt rationes ipsæ minus inter se cohæreant, vt etiam pugnare sæpe videantur. Quare diligenda sunt ea loca, quæ & personis, & rebus conuenire magis videbuntur. Et quidem ad consolandum, aut hortan-

De conscribendis

hortandum, ad aliquod eiusmodi litterarum genus, satis interdū erit, si ab vno, aut altero loco rationes sumantur: vt ab honesto, à recta conscientia, ab aliorum exemplis. Adde quod cū in Epistola magnopere laudetur breuitas, si omnia loca persequaris, & quæ in singulis inuenies, exponas, longissimam Epistolam sæpe, vel potius volumen conficies, quod fastidium potius legenti assērat, quā illius vel dolori medeatur, vel animum excitet ad id, quod persuadere illi velis. Quæ in re, vt in reliquis omnibus quæ ad hanc artem spectant, optimus magister esse potest Cicero, in quo non minus prudentia in hoc genere, quā sermonis elegantia petenda est. Sed vt qui scripturus sit Epistolam; facilius inuenire possit in Cicerone, quid in quouis Epistolarum genere imitetur,

tur, indicem subscribendam duximus Epistolarum, quæ in singulis generibus versantur. Ex quibus aliquæ quidem totæ sunt eius generis, cui subijciuntur, aliæ verò magna ex parte, aliæ denique si non multa, aliquid tamen habent, quod id genus attingant. In quibus vniuersis quæ præcepta de conscribendis Epistolis tradidimus, alia quidem in alijs dispersa reperies.

INDEX

INDEXEPISTOLA-
RVM CICERONIS,
quæ in quoque genere versantur,
ex libro familiarium Epi-
stolarum.

Epistola negotiales.

EGO omni officio epist. 1. lib. 1. Idibus epist. 2.
De omnibus rebus. 8. eiusdem lib.
Non potuit epi. 15. lib. 2. Magno dolore. epi. 16.
Accipio. epist. 4. lib. 4.

Epistola Morales.

Laudatoria.

NULLÆ sunt apud Ciceronem Epistolæ, quæ
totæ aut in laudatione, aut in vituperatio-
ne versentur: colligi tamen multa possunt ad
laudem ex Epistolis commendatitijs, & ex ijs.
Cannius epist. 6. l. b. 9. Et si. 14.
Hic mem. epist. 5. lib. 12. Si vales epist. 13.

Expostulatio.

SI vales epist. 1. lib. 5. Et si. 5. Si tu. 7. eiusdẽ lib.
Mior epist. 27. lib. 7. Litteras. epist. 13. lib. 11.

Expurgatio.

PERINCENDÆ epist. 9. lib. 1.
Tu vide. epist. 10. lib. 2. Raras. 13. eiusdem li.
Cum meum factũ. epist. 6. lib. 3. & 7. & 8. & 10.
eiusdem libri.
Si tu. epi. 2. lib. 5. Non oblivione. 7. quomodo. 16.

Antea, epist. 11. lib. 6. Non ea res. 13. eiusdem li.

Amoris quidam, epi. 27. lib. 7.

Antonius epi. 17. li. 10. Nūquā 13. Minime 31. & 41.

Lupus epi. 5. lib. 11. iam. 13. Nondum. 27.

Magnam 18. eiusdem lib.

Quod extremum, epi. 18. lib. 12. Ita 30.

Noli purare, epi. 2. lib. 14.

Quod & Resp. epi. 5. lib. 15. Longior. 18.

Suasoria epist.

ET si eo, epist. 7. lib. 4. & 8. & 9. & 10. eiusd. li.

Et si mihi, epist. 19. lib. 5.

Caninius epi. 2. li. 9. Si vales. 9.

Nihil post epi. 16. lib. 10.

Dissuasoria.

Rursum studium epi. 3. lib. 2.

Maculam epist. 10. lib. 6.

Si inter est epi. 25. li. 10. Lectis 16.

Hortativa epist.

Quamquam epi. 1. li. 1. Epistolarum 4.

Solicitus epist. 12. Officium 18.

Accepi, epi. ultima lib. 4.

Nep ea res, epi. prima. li. 6.

In omnibus epi. 14. lib. 9.

Et si, epist. 14. lib. 9.

Cum ipsum epi. 5. lib. 10. & 5. & 12. & 13. & 19.

& 10. eiusdem lib.

Lupus epist. 5. lib. 11. Cum 7. Et si 15.

Finem epist. 1. lib. 17. Ego nullum 24.

Monitio.

Dederam, epist. 21. lib. 6.

Parsa, epist. lib. 9. 11.

De conscribendis

Consolatio.

Gratul. epist. 2. lib. 2.

Vehementer epist. 3. lib. 4. & epist. 5. 13.

Quasquam. 13. li. 5. & 16. & 17. & 18. & vltima
eiusdem lib.

Et si epist. 1. lib. 6. & 2. & 3. & 4. & 5. & 6. & 11. &
14. & 15. & 21. eiusdem libri.

Petito.

7m epist. 2. & 3. lib. 3.

Litteræ epist. 4. lib. 5. Si valet. 9. Coram. 11.

Quid tibi. epist. 7. li. 6. Si auli. 17.

L. Timotheo. epist. 14. lib. 13.

Gratulatio.

Hæc negotia. epist. 5. lib. 2. Sera. 7. & 6.

Vix. epist. 9. lib. 3. & 11. & 12. lib. 4.

Gratulor. epist. 12. li. 6. & 13.

Si valet. epist. 7. li. 12.

Gratulor. epist. 13. lib. 13.

Te & epist. 4. lib. 15. & 8. & 9. & 12.

Gratularum actio.

Talles. epist. 5. lib. 3. quasi 13.

Gratissime epist. 4. lib. 10. Immortales. li. 12.

cetero. 24.

Non concedam. epist. 18. lib. 13. Licet. 17.

Quantæ epist. 11. lib. 15.

Commendatitia Epist.

Aulo Trebonio. epist. 1. lib. 13.

Nondum. epist. 6. lib. 2. Marco. 14.

Cum. epist. 9. lib. 9.

Vide. eni. 5. lib. 7. Silij. 11.

Caus. epist. 13. lib. 9.

Pet.

Permagis. *epist. 6. lib. 11. & 17. & 22. & 29. eiusdem libri.*

Quam status. *epist. 6. lib. 12. Sivalis. 12. Coint. 11. Q. Tarnus. 26. & 27. & 29. eiusdem libri.*

Et si non satis. *epist. 1. lib. 13. & omnes scilicet epistolae eiusdem libri.*

Qua idem. *epist. 10. lib. 15.*

Pollicitatio.

Quantum. *epist. 8. lib. 5.*

Ego quanti. *epist. 10. lib. 6.*

Meum studium. *epist. 2. lib. 13.*

De meo. *epist. 19. lib. 10.*

Iocose.

Cum enim. *epist. ultima lib. 1.*

In omnibus *epist. 6. lib. 7. & 7. & 8. & in reliquis quae consequuntur ad Tacitum aliquid, scilicet ioci admiscetur.*

Delectantur. *epist. 15. lib. 9. Reliquae item ad Patrum aliquid leporis habent & ioci.*

ET si ex his Ciceronis epistolis multa sunt documenta possunt, ad alias epistolas conscribendas, ac praecepta, quae superius tradimus exerceada; tamen quia in eis arripita quibusdam fortasse erit obscurior, exemplaria cum iniquis generis epistolarum adicienda putauimus, in quibus artificium facile appareat, quibusque ad hoc scribendi genus facilius adulescentibus inuolatur via.

EXEMPLARIA CV
IVS QVE GENERIS

Epistolarum, in quibus tra-
ditæ artis præcepta
servantur.

Generis negotialis exemplum.

Argumentum Epistolæ.

Cornificius Papirio negotia quædam commen-
dat, ea, his litteris ostendit, optare se breviter
eo. fieri, suaque plurimum interesse.

Cornificius Papirio. s. D.

CVM superioribus diebus nostra
tibi negotia commēdabā, per-
spiciebam planē, quantum tibi onē-
ris imponerē, quantū ipse molestiæ,
solicitudinisque susciperes. Sed ne-
que in ista vrbe quisquam erat, cui
rem tantam committere possem, &
credere, neque si esset, committerē,
quin te prius monuissem, remque to-
tam tecum cōmunicassem : in cuius
offen

offensionem venturum me non dudubitabam, si te in columi, alterius potius implorassẽm opẽ, quàm tuã. Memini enim te ita sæpe dicere solitum; veræ amicitiaẽ fructũ eum esse vel maximum, cũ, quibus ipsi rebus interesse non possumus, diligẽtiæ nostræ vicariam amicorum fidẽ supponiturus. Quod nisi à te edoctũ ita fecissẽm, atque hoc me fructu priuissẽm, erat sanẽ quòd ius veteris nostræ amicitiaẽ violatum à me suspicari iure posses. Quare cũ sciam, hoc te in nos animo esse, ne num quidem verebor, si quid occurrerit, quod ad nostram causam pertinere putem, id ad te quamprimum deferre, & ad cæteras molestias, quas in ea tractanda quotidie hauris, adiungere. Ac nunc quidem illud mihi videbatur ad rei conficiendæ celeritatem non parum interesse; si Brutum adiutorem in causa, fauterem quẽ habere-

De conscribendis

mus: cuius auctoritatem, intellexi,
apud iudicē valere plurimū. Quē
cū tā multis beneficijs dēunctum
teneres, non dubitabam, te ab eo,
quicquid velles, obtinere facile pos-
se. Hominem igitur cōueniens, &
pro tua prudentia, nostras partes ut
agat, hortaberis; si ita & expedire no-
sit causæ, neque contra tuam esse
dignitatem iudicaueris. Caue enim
putes, quicquā me velle, quod alie-
nam sit a tua dignitate, vel quod ali-
quo tuo inconvēniente facturus sis.
Nihil enim mihi aut honestum, aut
vale futurum est, quod vel existis-
sationem tuam aliqua ex parte la-
dere, vel obesse commodis videat-
ur. Sed hoc mihi venit in mentem,
cū optarem, rem aliquantō bre-
uius expediri quā, ut nūc qui-
dem se habet, speramus cōfici pos-
se. Quæ si ad Calendas Ianuarias cō-
fecta non sit, prospicio iam animo,
quanta

quanta meis molestiis fiet sollicitu-
dinis, & acerbitatis accessio. Quod
quia videre te etiam intelligo, ne-
que minus te nostra causa, quā nos
ipsos laborare, facerem impuden-
ter, si noua aliqua commendatione
vterer. Itaque cum te rerum nostra-
rum actorem, propugnatoremque
mihi propono, omnem sollicitudinē
penitus a iudicio atque in tua admira-
bili sapientia, singulari industria, cu-
ra, ac diligentia, ex, quod caput est,
amore nostri, benenolentiaque con-
quiesco; cum ea mihi de te semper
promiserim, quæ ab amicissimo ho-
mine, sapientissimo, rerūq; peritissi-
mo expectari debeant. Domesticis
omnibus salutem imperties meo no-
mine. Vale.

Alterum negotialis Epistolæ exemplum.

A R G. Papius respondet superioribus Corni-
cii litteris, & quomodo iudex negotia expedie-
rit, nobiles quosdam viros, qui Cornelio Corni-
cii aduersario tacerent, impedimento fuisse con-
firmat.

De conscribendis

Papirius Cornificio. S. D.

Nisi certus essem, meam erga te voluntatem cognitam tibi esse, planeque perspectam, dicerem pluribus, quantum his diebus tua causa laborarim; quantam curam, diligentiamque adhibuerim; ut rem ad Calendas Ianuarias conficerem, ad exitumque perducerem; quod ita gratum tibi fore superioribus litteris ostenderas. Et quidem si rei æquitatem consideres, vix nos negligentiae suspicionem, crimenque vitabimus, qui rem tam æquam tam longo tempore non obtinuerimus: si verò, quibus cum certandum nobis, pugnandumque fuerit, animaduersitas, mirum tibi fortasse videbitur, tandiu nos tam acre cum potentissimis, gratiosissimisque aduersarijs sustinere certamen potuisse.

Noli

Noli enim putare , nobis aduersari Cornelium , qui si vt causæ suæ æquitati diffidit , potentes quosdam , quorum gratia , atque opibus niteretur , non haberet ; nunc nos non laboraremus . Sed quod per leges , & iura se consequi minime posse planè cognouit , id potentia fretus , & gratia per vim , & iniuriam , obtinere se posse confidit . Itaque habemus aduersariam nomine quidem Cornelium , re tamen vera principes huius ciuitatis ; quos ille ita sibi deuinxit , vt non minus ipsi Cornelij causa laborarent , quam si sua , non illius causa ageretur . Quorum gratia non ideo solum nos vehementer oppugnat , quòd nobis ipsi aduersantur , sed quod eorum quoque studia , qui nobis sauerent , & potuerunt , & debuerunt ; magno opere debilitarunt . Qui dum se no-

bis amicos esse venditant, operam
que, & operam polliceantur, vereri
se tamen eorum animos offendere,
quos nominari non est necesse,
non obscure testantur. Vt vere af-
firmare possim, vnam in nostra cau-
sa pro nobis equitatem facere, &
nostro vero aduersario contra æ-
quitatem ipsam stare omnes, qui
in ciuitate plurimam possunt, par-
tim eundem aperte, partim autem
obscurius. Et tamen, mihi crede,
magna in spe sum fore vt poten-
tiam improbitas infringatur, plus-
que ins valeat, & veritas, quam
aduersariorum vis, & iniuria. Ma-
gna est enim æquitatis vis, ma-
gna iustitiæ, quæ si opprimatur
interdum, emergat tamen aliquan-
do, & appareat necesse est. Quæ
fortasse ratio ipsius iudicis animum
impulit, vt ad æquitatem iam de-
labi videretur. Illud quidem certe
faci

facile mihi persuadeo, optimè al-
lumi, è reque nostra sentire; quo-
minus autem ante hoc tempus se
nobis equum præbueris, è vero-
que sensu iudicarit, coniunctio-
ne familiaritatis, & amicitie, cum
ijs, quos aduersari nobis significa-
uit, impeditum fuisse. Quam ille, ut
quidem ex quodam eius sermone
conijcere potui, dissoluet potius,
quàm corrupti iudicii iudabit infamiam;
quàm, si aliter iudicarit, ac sentire se fa-
tis ostendit, vitare non poterit. Ego
quidè dabo operam, ut intelligat, qui
de ipsius iudicio aliquando iudicet,
non de futurum meq; vade sperare, si
minus eo Pretore cū maxima ipsius
gloria rem obtinuerimus, fore ut
aliquando ius nostrum cum sum-
ma eiusdem infamia consequamur.
Tu fac bono animo, fortique fisi
neque te tam inuidorum frangat in-
probitas, in desperationemque im-
pellat,

pellat, quàm equitas ipsa confirmet,
& in summam causę obstinendę in-
ducat spem. Illud, credo, non expe-
ctas tibi vt pollicear, nihil à me præ-
stari posse vel industria, vel opera,
vel labore, quod mihi minus studio
se suscipiendum putem tua causa,
quàm si mea in eo salus ageretur,
tanta enim tua in me merita constāt,
vt cum vitam ipsam pro te profu-
dero, vix ea tibi persoluisse videar.
Vale.

Generis moralis exemplaria.

Epistole laudatorie

exemplum.

ARG. Rogatus Trebatius à Planco, quid de
Curiolis vita, moribusque sentiret, vt aut illam,
si vir honestus esset in suam amicitiam recipe-
ret, aut si animus probus, sui illum congressu pro-
hiberet, Curiolam laudat à triplici honorum ge-
nere: eumque Planci amicitia dignum esse con-
firmat.

Tre-

Trebatius Planco. S. D.

Familiaris noster Hieronymus tuas mihi litteras reddidit, quæ quò fuerunt longiores, eò maiorem mihi voluptatem attulerunt. Sic enim velim existimes, longissimas quasque tuas litteras, eas mihi iucundissimas semper esse. Voluptatem verò, quam legendis illis percepi, mirum in modum auxit ea clausula, qua petis à me, ut te doceam, quid de Curione clarissimo viro, qui ex hac urbe nuper in istam commigravit, quid de eius vita, atque moribus sentiam: ut quoniam is amicus tibi esse ceperat, cā famam, quam de illo quorundam improbitas excitavit, si falsa esset, reprimeres, eiusque obrectatorem improbitatem frangeres; si vera coniunctionem gratiæ, & familiaritatis, quam cum eo iam haberes, prorsus dirimeres. Quod ego

Exordium
ab amore1104A
1104BPrepositio.
110.

cum

cum tua tum etiam Curionis causa
libenter faciam : eius , quia id pro
nostra amicitia ; & tanti viri me-
ritis erga me facere debeo : tua
quia si hominem benevolentia , &
amore complectaris , spero eam ti-
bi coniunctionem inuendissimam
fore . Ego sic existimo ; eos , qui
falsos de Curione rumores dissipa-
runt , eius & gloriæ , & nobilita-
ti inuidisse : atque ut illustriores
ipsi videantur , viri clarissimi no-
men obscurare , eius laudibus of-
fundere tenebras voluisse . Est enim
ortus nobilissimis parentibus , avis
maioribus , qui ut nobilitatis , sic
etiam virtutis laude floruerunt , qui-
que maximis sunt in Republica per-
functi muneribus . Quorum am-
plissima fortuna , atque opes cum
ad Curionem hereditatis iure per-
uenissent , in eorum ipse virtutis
potius , quam fortunarum heredi-
tatem

Abenit
fortunæ.

tatem venire multò sibi gloriosius
 esse duxit. Itaque ex tam amplo
 patrimonio ea sibi solùm reserva-
 vit; sine quibus nobilissimus vir,
 nec vitam ducere, aut satis honestè
 vivere non posset; reliqua in mile-
 rorum hominum inopiam subleuan-
 dam liberalissimè contulit. Satis
 hæc tibi esse deberent, ut Curio-
 nem tibi probarem: ex quibus, at-
 que ex ipsius hominis facie, mo-
 destiaque vultus singulari facile tu
 eundem posses reliqua eius animi or-
 namenta conijcere. Sed tamen ut
 studiis, atque diligentis sermo-
 nibus maleuolorum resistas, qui vi-
 ro honestissimo, ac probatissimo ob-
 trectant, eximias eius virtutes, non
 quidem omnes, quod neque patitur
 litterarum breuitas, neque si patere-
 tur, præstare ipse possem, paucis at-
 tingam. Atque ut præteream eius
 humanitatem, urbanitatem, iucundi-
 tatem.

A bonis
 corporis.

A bonis

A bonis
 animi.

A bonis
 animi.

A bonis
 animi.

tatem.

A doctri-
na.

A pruden-
tia.

A beni-
gnitate.

tatemque sermonis; quæ quanta in eo sint, non dubito quin expertus ipse iâ sis. De singulari illius doctrina illud tantum dicam; habere eum inferiores multos, superiorem reminem, qui cum eo cûparari possint; esse perpaucos. Nam excellenti; summoque ingenio, quo Deus Opt. Max. Curionem ornauit tantacius accessit industria, ac diligentia, vt mirandum non esset, si vel mediocritate ingenij eam fuisset doctrinæ laudem assecutus. Prudentiam verò & à natura ipse admirabilem accepit, & eandem ille anxio multo maximarum rerum vsu, in quibus est summa cum laude versatus; auxerunt ipsæ litteræ, quæ illum omnium exemplorum, atque omnis vetustatis peritissimū effecerunt. De ipsi? verò nō modò in suos, sed etiam in alienos charitate, ac benignitate. quid attinet dicere; cū eam satis eiusdem ingen-

egentissimos homines profusa liberalitas declararit? Quam & prædicant ij, in quos beneficus ipse fuit, & cæteri huius vrbis ciues admirantur; & quæ illæ apud nos tantæ virtutis reliquit monumenta eius memoriam immortalem omni posteritate conseruabunt. Iã ea virtus, quæ vt est cæterarum virtutum firmissimum fundamentum, sic eas facillè continet: qua qui munitus est, non ea solum quæ superbis animis magna, expetendaque videntur, sed seipsum quoque negligit, atque contemnit: quâta in eo sit, quàm studiosè ab eo diligenterque colatur, vel ex eo facillè inteliges, quòd hæc omnia ornamenta, atque animi dotes ita sui despectione contexerit, vt etiam locum dederit ijs, quibus nunquam placuit verum decus, & gloria, vt tam falsos de se rumores disseminarent; eamque infamiae notam, & quod ac libentiani

Ab animi
summissi-
one.

De conscribendis

Epilogus.

mo sibi subeundam putarit. En tibi Curionis maximarum virtutum imaginem non expressi, sed adumbravi; quæ tamē nō dubito, quin te alliciat, & capiat, magnosque in te amores excitet sui. Quare si in hac vita, atque moribus tantā inherere maculā, atque labem non posse indicaueris, quantā Curionis famæ, atque nomini invidi homines inurere voluerunt, eas tu causam omni studio, voluntateque suscipies: & cuius illi laudes malevolentia, ac liuore obterere conati sunt, easdē tu prædicatione augebis, atque illustrabis tua. Par enim est, ut qui honestatem semper colueris, honestissimū hominem defendas, atque ornēs. De quo hoc tibi polliceor, si eū tibi in amicitia, atque amore deuinxeris, maiore fidē, probitate, & in te amando, colendoque constantia futurum esse neminem. Vale.

Vitæ peritoria Epistola exemplum.

610

II

AR-

ARG. Cum Lentulus amicum suum Valerium cum Messino scelerato homine iniisse amicitiam cognouisset, Messini genus, & perditos mores explicat, ut eius amicitiam Valerius dirimat, eumque domo sua prohibeat.

Lentulus Valerio. S.

Valde sollicitus erā, quid ageres, quomodo te haberes tu, tuique omnes, cum litteras tuas accepi humanitatis, beneuolentiæque plenissimas, quæ me de tuarum rerum statu, quemadmodū quidem cupiebā, docuerunt. Cætera iucundissima, illud per iniquo animo legi, quod ais; Messinum perditissimum hominē à nostra vrbe propter summa eius scelera expulsū & à te hospitio exceptū, & amicitia tibi valde esse coniunctū. Ignarus scilicet, ut mihi persuadeo, qualis eius vita fuerit, quales mores sint, quam turpes, ac feri, istū tibi hominem adiunxisti. Quæ si audieris ex me, non dubito quin cum tu tuis adibus extrudendum putēs, quem vrbis incensibus sui cines

*A malis
fortunæ.*

indignum iudicarunt. De cuius genere, moribusque si queris, cum ipse sit infimo loco natus, non modò familiam suā nihil nobilitavit, sed etiā obscuriorem reddidit: ut licet parentes eius summa egestate probi tamē fuerint, flagitiosi existimētur: quòd nemo putet tam perditum filium ab honestis parentibus procreari, aut educari potuisse. Fortunarum autē, copiarumque tātum habet, quantū ab honestissimis ciuibus, ab ornatissimis ædibus, a locupletissimis, religiosissimisque templis potuit eripere; nisi hoc etiam, quod facile crediderim, nimia iam illius intemperantia, & luxuries profusa consumpsit.

*A malis
corpulis.*

Te autem miror qui cum os hominis intrerere, cum impudentissimos oculos, ac perfricatam illam frontē considerares, cū totius denique corporis figuram inspectares, non aliquam ex tot, tantisque signis scele-

rati eius animi coniecturâ ceperis. Non arbitror, te iam expectare, dū ^{A malis} dicam, quibus se ille artibus à pueri- ^{a niam.} tia, quibus studijs dederit, ac discipli- nis, qui ne primis quidem litterarū rudimentis imbutus est: qui præceptorem habuit Titionem quendam gladiatorem turpissimum hominem ac sceleratissimum nostrę ciuitatis. In cuius ille schola, vel omnium potius flagitiorum, ac turpitudinū officina cum diu versatus esset, discipulus tantus euasit, ut idem postea corruptor iuuentutis præceptor extiterit. Nihil dicam iratus, nihil in illum incensus odio, à quo nulla sumus priuati leſus iniuria: sed dicā, amore, ac beneuolentia commotus tui: ne tam prauī hominis consuetudo, vsusque domesticus aliquam tuo nomini labem aspergat. Nihil, mihi crede, per multos annos in hac vrbe commissum est sceleris, cuius ille nō solū

De conscribendis

Epilegus.

particeps, sed etiam auctor fuerit.
Quod si isti⁹ hominis facinora, atq;
flagitia, quæ nota quidem omnibus
sunt, scire velis, faciliè ex Theophi-
lo cognosces, què ideo ad te misi, ut
omnia tibi ille enarraret, ego paucio-
ra epistolæ committere; atq; ita rem
agerem & cautius, & providentiùs.
Hic te rogare pluribus, tuæ ut existi-
manopi famè q; còsuleres, nisi quod
feceris, per imprudentià te fecisse,
arbitraret. Istius igitur hominis ami-
citià præcides potius, quàm oppor-
tunà, liquà eiusdem dirimendæ oc-
casionè expectandam putabis. Ad
tuam enim laudem multù interesse
video, ut omnes intelligant, se tibi
Messinù insinuassey cognitù nūquā
placuisse. Quod si feceris, & hono-
ri, & fortunis tuis consultum erit.
Theophilum ad me quamprimum
remittes, cuius opera est mihi valde
necessaria. Vale, nosq; amā ut soles.

Expo-

Expostulationis exemplum.

A R G. Audierat Pomponius, amicum suū Metellum, falsos quosdam de se rumores dissipasse: qua de re cum eo expostulat: quod tamē ita esse, ut ad se delatum esset, quo minus credat, nō nullas rationes affert. Petit in extremo, ut rescribat Metellus, & quam illud sit verum, falsumve ostendat.

Pomponius Metello. S.

E T si ex nulla re tantam soleo ca-
pere animo voluptatem, quan-
tam ex meorū officiorū consciētia,
quibus si quādo pari gratia non re-
spondetur, non molestē admodū fe-
ro: illud tamē nescio, quo animo fer-
ri possit, ab eo ipso negligi me, &
violari, cuius ego amicitia maximi
semper fecerim; ad quē etiā ornādū
non minimum studia nostra, consi-
lia, industria, atque opera value-
runt. Et quidem Metelle, quod ad
amicitiam attinet, sic illam ego in-
tegram, inuiolatamque seruari, ni-
hil ut coniunctius exillimarem esse
posse, quā te mihi. *Studia vero*

Exordiu
à suis me-
ritis in a-
micum.

Argo?

De conscribendis

nostra, & si non tantum mihi sumo,
ut ea te in tā excelso, atque illustri
honoris loco cōstituissē confirmē,
tamen facile concedēt omnes, iisdē
aduersantibus, nemini mirum futu-
rum fuisse, si in inferiori gradu cō-
stitisses. Quare mirari satis non pos-
sum; quid sit, quod tantopere tuum
a me animum ab alienarit, quem ti-
bi semper amicissimum, tuarumque
rerum studiosissimum esse cognoue-
ris. Sic enim multi detulerūt ad me,
solere te interdum, postquā ab ista
vrbe discessimus, nos in circulis ro-
dere, ac maledico dente carpere,
multaque in nostram vitam maledi-
cta cōiungere. Quod cū audissem,
primō quidem vehementer cōmo-
tus sum: idem tamen cū sedatiore
animo eādē illa, quę delata erant,
cogitassē, teque moresque tuos,
ac veterem amicitie nostrę conuin-
ctionem mihi proponerem, persua-
dere

Propo-
si.

Confirma-
tio.

dere mihi non poterā, in tam honestam vitam tā turpe facinus cadere: amicitiam tam longo tēporis intervallo, tam multisque officijs confirmatam labefactari potuisse. Quis enim vnquam probus, mecum in se loquens sepe dicebā, honestę amicitię vinculū sine causa rumpere nō maximū dedecus existimauit? Quis virili grauitate pręditus falsa cōfingere nō turpissimū esse duxit? Quis virtutis, & honestatis cultor honesti nominis gloria quenquā spoliare voluit? Atqui nemo mihi amicitia coniunctior quā Metellus; nemo neque vir grauior, neque honestior cognitus vnquam est. Quod si in realiqua deliquissem, vel per imprudentiam eius animum offendissem, tamen prę clara illa sua prudentia, qua semper excelluit, meū crimen lenasset potius quā probris me ac maledictis insectatus esset. Quid

quæris? tantū apud me harū rerū cogitatio valuit, vt illis iam succensere quasi falsis accusatorib⁹, qui paulo antea meū in te animum non nihil concitassent. Nā & si illorum auctoritas; quæuis facile mouere posset, mea tamen tuæ singularis prudentiæ, atque virtutis opinio eorū auctoritatē facile vicit. Quare si ita est, vt spero; in amicitia te veteri, amorēque nostri pristino permanere: da operā, vt ad me quā primum scribas; vt ex tuis litteris & à quib⁹ ipse sim deceptus intelligā, & quod tua non parui interest; multis, qui te iā perfidiæ insimulant ex veteribus amicis, fidei tuæ constantiā agnoscant. Tu, velim, tibi persuadeas, me in amicitia, & amore, quo in te semper fui, constantissimē permanere, & permansurūque quādiū voles. De tua verō voluntate erga nos tuas ppe diē litteras exspecto. Vale.

Epilogus.

Ex-

Expurgationis exemplum.

ARG. Respondet superiori Epistolæ Metellus,
& quod sibi obijcitur falsum esse confirmat.

Metellus Pomponio. S.

Reditæ sunt mihi tuæ litteræ,
quas ad me proximè misisti: quæ
me dupliciter affecerunt. Nam cum
eas acceperissem, eam primò volupta-
tem cepi, quam solco, quoties lites-
ras tuas video: easdem verò cum le-
legere cœpisssem tanto sum dolore
perculsus, ut ex animatus pene con-
ciderim: vixque illas præ nimio sen-
su longo tēporis spatio crebra in-
termissione perlegerim. Caue eni-
putes, quicquā me unquam tristius
audivisse; quicquam mihi acerbius
fuisse delatum. Scribis enim nuncia-
tum tibi esse, nos in circulis tuo no-
mini, famæque detrahere. Quod tā
insigne mendacium si unde profe-
ctum esset, simul adscriberes; tuis

ego litteris respondere, tibi que, & omnibus satisfacere facilius possem. Quod licet mihi per gratū accidisset, in eo tamen sapientiam tuam vehementer laudo, qui vel hoc ipso pro uideris; ne quem in amicitia retinere velles, is etsi iusta de causa cū sceleratis hominibus inimicitias susceperet. Sed quo tandem dolore affectus is fuerit necesse est, qui cū nihil vnquam magis optarit, quā vt eum tu gratissimum erga te esse cognosceres, improborū inuidia, atq; scelere factum esse videat, non modō vt non gratus, sed improbus etiā ac perfidus existimetur. Et quidem si quis est, qui virorum illustrū, qualem te esse, nemo est, qui non prædicet, amicitias & studiosē appetat & diligēter colat, is ego sum. Sic enim semper censeui, tot vnūquenque præcones habere suæ laudis, quot præclaros, & excellentes viros
amore

amore sibi, amicitiaque deuinxerit. Cuius igitur amicitiam omni ratione aucupandam putarem, si constituta inter nos, confirmataque non esset, eam adeptus, nulla mea fidei, constantiaque ratione habita, sine causa rescinderem? Aut ergo amens ipse sum, planeque desipio, aut nihil eiusmodi commitendum mihi fuit, quod tuum animum posset offendere. In quo mihi deesse, à meque ipso deficere viderer potius, quam honori, atque laudi aduersari tuę: quę tam illustris est ipsa per se, ut nullius odio, ac maleuolentia aut obscurari possit, aut minui. Plura in hanc sententiam dicerem, nisi tuam epistolam ita clausisses; meas te propediem expectare litteras indices constanter meę. Quare aut hæc satis sunt, si vlla orationi nostrę habenda fides est aut si meum probare animum epistola mea non poterit, ne his quidem tam multa opus fuit.

Ego

Epilogus.

Ego vero, qui, quo in te animo sim, conscius mihi sum, & qui mei sermones de te saepe fuerint, & quā honorifici, testificari plurimos posse certò scio, facile patiar vniuersos ciues nostræ vrbis constantiæ meæ testes citari. Sūma igitur illa sit, vt nostrum tu animum experire cū voles; quem nihil certe immutatum reperiēs: aut ex eā quidē parte, quod hac tam insigni malenolorum iniuria, atque improbitate magnus eidē amorī tui, quem augeri vix possē credere, cumulus accesserit. Vale.

Epistola S. a sororia exemplum.

A. R. G. Sander Papius Lepido, vt cū parente suo redeat in gratiam, à quo dissidere illum ex eiusdem Lepidi familiarū litteris cognouerat.

Papius Lepido, S.

Exordiu
à sua in
Lepidum
auferit a
te.

SI quantum tuus nostri singularis amor apud te semper valuit, tantum hoc tempore auctoritas nostra valeret, sperarem, me id à te meis litteris

litteris impetrare facile posse, quod si concedas, non minus tibi gloriosum, quam mihi gratum, iucundumque futurum, certo scio. Sed spero tamen te ita facturum, ut plus etiam, quam debeat, mea apud te valeat auctoritas; ne quid de tua in me beneuolentia, atque amore imminutum esse videatur. Me mi Lepide, ut tuarum maximarum virtutum commemoratio delectat: sic angeret vehementer, si quid in tam honesta vita existeret aliquando, quod eius splendorem vel minimum obscuraret. Quod ne accadat, cum incredibilis meus in te amor, timere me cogit; tum hoc tempore multo magis vereor, quod ex tuorum litteris intellexi, te a parentis tui viri optimi voluntate dissidere: Quod & si pro tua in illum perpetua obseruantia, eximiaque pietate satis mihi persuadere non potui, tamen & commodus valde

De conscribendis

tum illo nuncio, & meum esse statui,
quam primum ad te litteras mittere, qui-
bus tibi persuaderem, si quid est tua
culpa commissum, quod pareris tui
animum offenderit, totum id corrigas,
& cum eo redeas in gratiam. Sin vero
magna aliqua causa intercesserit, ut
ab illo dissentires, tamen cogites, sic
de te homines iudicaturos, ut om-
nem in te culpam conferendam putet.

Ab hont-
sto.

Atque illud primum cum animo tuo con-
sidera; nihil esse, quod filios æque
ornet, atque commendet, ac diligentem
in parentes cultum, pietatem, & obedi-
tiam. Quæ virtus tantum adolescenti-
bus decus affert, & ornamentum, ut si
illa adsit, quæ in eis vitiosa sint faci-
le obruat: si contra eadem desit, ceteræ
virtutes non appareant. Et quidem te,
mi Lepide, & si ceterarum virtutum
semper commendatione claruisti, ta-
men in ista tanta apud omnes gratia,
atque laude tua præcipue in parentes
pietas,

pietas, quæ visa omnibus semper est
admirabilis, collocatur. Quare si ta-
lis esse vis, qualem te perpetuò esse
iam inde à pueritia animo statuisti,
& qui te diligimus futurum esse spe-
ramus; hoc est virtutum omnium cul-
torem, hæc eadem virtus, quæ tuæ
laudis fundamenta iecit, atque ere-
xit, eamdem ipsa perficiat necesse est,
ad summumque deducat. Illud etiā Ab vtili.
cogitare debes: quàm pendeat à pa-
rente tuo vitæ tuæ rationes, in quo
omnes spes ornamentorum tuorum
positæ, atque locatæ esse debet: quæ
vtrum offensum, ac iratum; an verò
beneuolum, tuæque laudis studio-
sum habeas, multum quidem inter-
est, vel ad summos honores, quos pe-
tis consequendos, vel ad sempiter-
num dedecus suscipiendum. Etenim
istis tuis præclaris conatibus si pater
tuus fauceat, quid efficere auctoritate
possit, & gratia, profectò vides: idē
F si te

si te desertura à se. patiatur esse,
 propter neglectam à te pietatem,
 ad quem tandem tibi confugien-
 dum putas? Reuoca igitur te, at-
 que ad te ipsum redi: & cum hac
 cogitaris, non dubito quin factum
 tuum reprehendas, desque operam
 diligenter, vt parentis tui animum
 omni ratione lenias tibi que resti-
 tuas: præsertim cum multa ille si-
 gna iam dederit, (quod ex iisdem
 tuorum litteris facile intellexi) ani-
 mi erga te mitigati. Quæ parentis
 tui indulgentia tuam multo ma-
 gis pertinaciam condemnabit; si
 quod ille tua causa velle se osten-
 derit, id tu obstinatione quadam
 animi repudiaris. Sed mihi iam vi-
 deor in te monendo oratione vt
 longiore, quam necesse est, resque
 ipsa postulat. Quid enim opus est
 monere filium, parentes vt amet,
 & obseruet; qui ab ipsa natura amo-

A facili.

A necessa-
rio.

ris legem habet animo inscriptam,
 quæ prius deleri non potest, quàm
 ipsa sit immutata? natura? Quare
 quod aliquando allatura est ipsa dies,
 vide, per Deum immortalem, quan-
 to tibi erit gloriosius, consilio id
 ante capere: neque expectare dum
 ipsum tibi tempus partam superiori
 ætate pietatis laudem eripiat. Illud
 verò cuiusmodi sit, iam credo, pla-
 nè ipse perspicis, postquam primi
 illi animi impetus resederunt: eius
 te vnum amorem abijcere, quem
 omnes boni propter excellentem
 eius virtutem admirabili quadam
 benevolentia complectuntur. A
 cuius voluntate si dissideas, om-
 nium in te civium odia conuer-
 tes; quibus nemo, qui parentem
 tuum oderit, charus esse potest. Sed
 hæc multò melius tibi iam suadet ip-
 sa ratio, persuadebitque si illam au-
 dies, quàm nostra vel oratio potest,

A perso-
 na paren-
 tis.

Epilogus.

De conscribendis

vel auctoritas. Quoniam tamen intelligo, solere te meas litteras libere legere, nō sum veritus, ne si hoc tempore longiores darem, aliqua te afficerent molestia. Tuas ego expecto quotidie, ex quibus cognoscā, quantum ipse profecerim; vel potius, quod ego de eximia tua prudentia, præstantique virtute valde spero, quam nō fuerit necessaria nostra suasio. Itaque me interim ad gratulationem comparabo, vel quia id, quod à te petimus, nostra causa, vel quia tuo iudicio multò antea, & voluntate feceris. Vale.

Exhortationis exemplum.

ARG. Cælius Sulpitium exhortatur, ut pergat in litterarum cursu, in quo cum longius proficisset studio militiæ incensus arma cogerabat, litterarumque studia relinquere deliberabat.

Cælius Sulpitio. S.

Accepi tuas litteras, quas mihi reddidit vir honestissimus fra-

ter

ter tuus: quibus ais, velle te litterarū
 studia relinquere, ac militiæ nomen
 dare: quod tuum consiliū à me pro-
 bari non solū cupis, sed etiam pe-
 tis. In quo primū agnosco multis
 antea in rebus satis mihi perspectum
 amorem tuum, qui nihil decernere,
 nisi ex meo consilio, consitueris:
 deinde magnam mihi spem afferūt
 ipsæ tuæ litteræ, fore vt, qui ex mea
 sententia pendere se dicat, meis faci-
 le cōsilijs acquiescat. Ego verò Sul-
 pitii te non moneo solū, verū etiā
 hortor, vt teneas eum vitæ cursum,
 quē, sicuti ego existimo, Deo opt.
 max. duce ingressus es. Video equi-
 dem, quō tua mens, animusque spe-
 ctet; qui cū laudis, & gloriæ cupi-
 dus semper fueris, eam longē positā
 arbitratus, si istam studiorum rationē
 sequaris, compendariā viam que-
 ris, quæ te breviori spatio ad optatū
 finem deducat. Sed quando vnus te

Proposi-
tio.

Ab hene-
Ab:

De conscribendis

mouet, atque incitat laudis amor, non ea tibi quærenda via est, quæ breuior esse videatur, sed quæ faciliior sit, & certior ad gloriam. Quare nulla planè res est, mihi crede, quæ magis nomen tuum amplificare possit, quàm studia ista optimarum artium, quæ feliciter inchoasti, in quibusque iam diu summa cum laude versaris. Quod si tu bellicam laudem cum doctrinæ gloria comparare velis, quantum ab hac illa superetur facile iudicabis. Illa enim bellica laus, quæ post maxima pericula, viteque discriminata comparari aliquando solet cum morum feritate sæpe coniungitur; ut quantum vires, & corporis robur honoris afferant, tantum detrahant dignitatis: hæc verò gloria, quæ nascitur ex præclarissimis artium studijs, & sanctissima sacrarum litterarum disciplina, cō est illustrior, quod qui eam assecutus

tus est, ex eodem fonte, ex quo doctrinam hausit, & diuinarum rerum cognitionē, virtutē simul, & morum probitatem existimetur hausisse. Atque hæc quidem ipsa sibi satis est, illa sine huius commendatione aut nulla prorsus est, aut inanis. A facili Habet hoc etiam præclara hæc laudis quærendæ, & comparandæ ratio multo quàm illa commodius: quod illa lateribus, gladiatorijſque lacertis indiget: hæc non tam vires corporis, quàm ingenij, neque tam valetudinis integritatem, quàm mentis sanitatem desiderat. Ergo hanc tu, quem excellenti quodā Deus opt. max. donauit ingenio, affecta etiā valetudine, in otio ac domituæ cōparare faciliè poteris; ad illā ppter belli pericula, varios, incertosque exitus præliorū tā incerta via est, vt mors immatura timenda potius, quàm speranda sit gloria. Iam verò si disciplinæ

militaris, commoda cum doctrinæ,
ac sapientiæ fructibus cōparentur,
quanto interuallo ab his illa vincan-
tur, quis non videat? Nam præter il-
lam animi iucunditatem, quæ nulla
profecto maior esse potest, quæ ex
ipsis rebus in natura reconditis, atq;
abstrusis animo tractandis, cogno-
scendisque percipitur: qua nam via
alia, ut nunc quidē est rerum huma-
narum cursus, ad maximarū opum,
& facultatum possessionem, ad sum-
mos honores facilius pervenitur, &
altissimum gradū dignitatis? Quam
multos hac nostra tempestate ex hu-
mili abiectaue fortuna ad altissimū
honoris locū extulit sapientia, atq;
opibus auxit amplissimis? qui profe-
cto iocerent in tenebris, nisi littera-
rum lumen, ut illorum mentes illu-
stravit, sic etiā noīnina clariora red-
didisset. Quorum quidem exempla
animum tuum confirmare, & ad reli-
quum

Ab exem-
plis.

quum studiorum tuorum cursum in-
 ineitare, inflāmareq; deberent. Pre-
 fertim cum aliter facere tibi iam sine
 summo dedecore non liceat. Quis
 enim te non inconstantia, leuatq;
 accusabit, si cum tot annos in littera-
 rum studio posueris, tot sumptas ie-
 ceris, tantā de te opinionem conci-
 taris, tamen veritas ad extremū om-
 nia, parentisq; tui optimi viri spes,
 atque tuorum civium eludas? Quod
 tu tantum dedecus, quando tam es
 laudis appetens, atque gloriæ, si vi-
 tare velis, in pristina mente persistas
 necesse est. Quod si contētio te, cer-
 tamenq; delectat, si cum hoste con-
 fligere; tibi est aduersaria prompta,
 atque parata incredibilis quædā ho-
 minum expectatio, quam ut vincas,
 omnes quidē debes animi vires, ner-
 uosq; contēdere. Omnia enim om-
 nes à te expectant, quæ ab homine
 clarissimo, atque honestissimo, sum-

A necessa-
 rio.

Ab expe-
 ctatione.

Ab expe-
 ctatione.

A laude.

De conscribendis

Ab amula
tione.

A cōmis-
se ratione

moque ingenio prädito expectari debent. Quæ tibi victoria multò erit profectò gloriosior, quàm omnes bellicæ laudes, atque etiam triûphi esse possent. Quam tu, eo magis conari debes adipisci, quod habes multos clarissimos adolescentes studiorum focios nobilitate fortasse pares, non tamen superiores ingenio, à quibus eadem expectantur, quæ à te ipso, qui si in hac litterarum palestra victores pronunciantur, tibi quæ lauream, palmamque præripiunt, non id tibi erit minus turpe, quàm illis gloriosum. Iam illud, quod extremo loco pono, quanti apud te ponderis esse debet? Te vnum, parente iam tuo senio, atque morbis pene confecto, familiæ tuæ reliquum esse, in quo illa spes suas omnes fixerit, atque locarit. Pone tibi ante oculos, vt præteream ceteros, qui à te vno pendent, sorores tuas præclarissimas

rissimas fœminas, non tam opibus
& copijs ornatas, quàm generis nobilitate, ac virtutis laude conspicuas;
eas tu à te desertas patieris esse, &
in perpetuo squalore, luctuque iace
re? quæ sic existimant: cum te amiserint, simul se maximorum ornamen
torum spem esse amissuras. Quæ omnia cùm ita sint, mi Sulpiti, si quid
apud te mea auctoritas valet, si quid
amor, quo te semper cõplexus sum:
si quid tuorù amicorù studia, paren
tis tui voluntas, sororù etiam tuarù
lacrymæ, te maiorem in modù oro,
atque obsecro pro mea in te perpẽ
tua benevolentia: pro ea spe, quam
non solum tui, sed omnes etiam bo
ni cives de te susceperunt, pro pieta
te, quam parenti tuo, ac familiæ de
bes, vt quã vitæ rationem & proba
sti aliquando, & tua voluntate susce
pisti, eam maxima omnium approba
tione, & expectatione, tuâ etiam
cum;

Epi'ogus.

De conscribendis

cum eximia laude retineas. Quod meum consilium, tibi confirmo, secutum te fuisse, nunquam poenitebit. Te autem ita esse facturum, de tua singulari prudētia mihi facilē polliceor. Vale.

Admonitionis exemplum.

ARG. Lucius vir grauiissimus Balbum adolescentem ludo plus nimio deditum monet, uti se ad meliorem vitæ frugem recipiat.

Lucius Balbo. S.

Exordia
ab amore.

MEum ergo te animum, & amorem in rebus neque exiguis, neque obscuris satis tibi cognitū esse, atque perspectū intelligo. Sic enim statui, ex quo die vir optimus pater tuus ē vita discedens te mihi comendauit, nihil ut in reliquum tēpus tua salute charius mihi esset. Itaque ex eo die nullū prætermissi ten pus de iis, tum quæ ad honorem tuū, dignitatem-

tatemque augendam, tum quæ ad
 animi salutem pertineant aut agendi,
 aut cogitandi. Quod cum semper fe-
 cerim, tum hoc tempore valde sum
 sollicitus tua causa, cum te nostris
 consilijs indigere audiã. Sic enim ac-
 cepi: nimirum te ludo esse deditum, atque
 in eo multum temporis ponere, nulla
 ratione habita dignitatis tuæ. Quã-
 de re illud te mi Balbe ad monen-
 dum putavi: te ut colligas; confide-
 resque quanta cum iactura honoris tui
 in eo vitæ genere versandum tibi sit,
 quod qui secuti sunt malè semper
 apud ciues suos audierunt. Quod
 quidẽ vitium præterquam quod maxi-
 mum per se est, habet hoc etiam, ut sit
 quasi seminarium malorum omnium.
 Respice igitur ante actã tuã vitã, cum
 omnia vnius virtutis momento pen-
 debas; & in quẽ locum veneris con-
 sideratum denique senties, quã tur-
 pe tibi sit, à te ipso defecisse, pla-
 neque

Propo-
sio.A. 10. p. 10.
dnc.

De conscribendis

Ab inutili neque dissentire. Sed quid rogo te, tantopere te delectat in eo, ex quo nullum commodum video, nullam voluptatem, quæ quidem acerbitate careat, percipi posse? Tu tibi optimus es testis, plus te adhuc ex eo molestiæ, & acerbitalis quàm voluptatis percepisse. Quanta verò ex turpi ludo proficiantur incommoda, (prætereo illa quæ animi sunt atque verè censenda mala) si nondum expertus es, multorum profectò civiū rei familiaris facta naufragia docere te facile possunt, quos istius libidinis æstus absorbuit. At eorum scilicet reprehensionem times, qui falso amicitiae nomine se tibi adiunxerūt; si cum te ad ludum inuitarint, eorum voluntati non obtemperes, vel potius libidini serviās. Hoc si ponderis aliquid habere putas: ne tu illius paternæ disciplinæ memoriam ex animo penitus abiiecisti; quæ te
profe-

profectò sic ad honestatem, virtutemque instituit, ac informauit, vt ex ea didiceris vnã virtutem cæteris rebus omnibus anteferre. An verò illi pudore nullo deterrentur, quò minus id à te petant, quod turpissimum est; tu quo minus id concedas, salutique tuæ consulas, pudore aliquo, ac verecúdia impedieris? Quos si semel à te excluderis, atque reieceris, mihi dubium non est, quin cùm se à te neglectos esse videant, tuo te arbitratu viuere facillè patiantur. Dicerem plura amore inflammatus tui, ac de tua salute, commondisque sollicitus; sed neque tua prudentia, qua hæc omnia, atque plurima alia iam videris; neque tuis in me amor, qui te profectò meis consilijs cogeret acquiescere, quando ratio ipsa non impelleret, me in te monendo longiorem esse permittit. Illud tantùm dicam, satis fore consul-

Epilogus.

De conscribendis

consultū & honori tuo, & saluti ani-
mi sempiternę, si & qualis adhuc fue-
ris, & qualis esse debeas, & quid de
te homines expectent, cogitaris. Mi-
hi verò, si quid mea causa velle de-
bes, debes autem, vt minimum dicā,
hoc ipsum quod peto, nihil gratius
facere potes, quā si huic nostro con-
silio, si & fidele, & salutare tibi vi-
deatur, acquiescas. Vale.

Epistolę Consolatorię exemplum.

ARG. Trebians Acilium virum optimū ab
improbis hominibus falsò accusatum, ob eamq;
rem in carcerem coniectum consolatur.

Trebianus Acilio. S.

Exercitiū
à doloris
societate.

Cum mihi renunciatum est de tri-
stissimo tuo casu, tantum dolo-
rem animo percepi, vt nihil vnquā
gravius, molestiusque tulerim. Itaq;
& si pro amicitia nostra, meaque in
te beneuolentia officij mei existi-
mabam

inabam esse, aliquid ad te litterarum dare, quibus leuarem dolorem tuum, tamen in summo meo luctu, quam tibi possem consolationem afferre non reperiēbam. Sed cum mihi veniret in mentem, eum te esse, qui me quondam in causa non dissimili amicissimè monere, sapientissimeque solebas, ut eorum, qui meam salutem affligerent, iniuriam fortiter ferrem; illa eadem, quæ tute mihi proponebas, quibusque tum dolorem meum leniri, leuarique plurimum sentiebam, proponere tibi volui, ut qua mihi tunc utendum esse medicina cœnsumisti, eadem ipse utaris hoc tempore: eamque tuo vulnere, & quia tua est, & quia probatissima illa quidem, libentius adhibeas. Reuoca nunc igitur in memoriam, quod tam libenter usurpare sæpe soles: mortales nos esse, eam lege, & conditione natos, ut plurimis malis, atque incommodis pro-

Stat A
 1000 10
 1000

A commu
 ni. Pleen
 di condi
 tione.

Stat A
 1000 1000

A recta
conscientia.
12.

interdico A
mole in
quod in
A mali
breuitate.

posita sit vita nostra: neque debere
nos eos casus, qui neque prudentia
vlla prouideri, neque vitari consilio
potuerunt, ita iniquo animo ferre,
quasi nihil aduersi nobis vnquam ac
cidere posse putarimus. In quibus
maximum illud certè solatium pro-
bis viris esse solet; si nihil, quare ij
euenerint, eorum culpa commis-
sum est: a qua tu cum tam longè ab-
sis, quam omnes boni & existimāt,
neque obscurè prædicant, tua te re-
cta conscientia & sustentare, & con-
solari debet. A quare illud quidem
satis est, si præsentis doloris conso-
lationem, nisi etiam futuræ volupta-
tis incunditatem petas. Quid enim
esse potest bono viro in commemo-
rando incundius, quam si quid mo-
lestum, atque acerbum sine vlla sua
culpa Christi causa, an ore quæ per-
tulerit. Quo solatii genere eo vtor
libentius, quod valdè sperem, mi-

acer-

acerbissimi casus memoriam tibi bre-
 ni tempore iucundissimam fore. Nā
 & de tua innocentia, non so-
 lum ceteri omnes boni, sed ipse
 etiam iudex opinionem habent, ut
 omnium voluntate, atque iudicio,
 quod ego facile intellexi, absolutus
 ipse iam sis, neque verò tua causa
 ea est, ut licet plurimi salutis tue ad-
 versentur, diutius possis in ista acer-
 bitate versari. Infracta enim intide-
 rum improbitate, patifactisque eo-
 rum consilijs sceleris, atque insidia-
 rum plenis, illorum potentia de-
 pressa, veritas emergat aliquando
 necesse est, atque tui animi intē-
 gritatem ostendat. Quo fiet, ut
 perditorum hominum iniuriæ, qui-
 bus illi existimationem tuam, at-
 que salutem lædere conati sunt, am-
 plitudinem tuam magis illustrent:
 plusque tua in eis tolerandis con-
 stantia prosit ad gloriā, quam sceler-

De conscribendis

Ab opinio-
ne homi-
num.

Ab exem-
plo.

Epilogus.

rata eorum consilia, ac nefaria fratre
des ad aliquid tibi conflandum inui-
dię valuerunt. Quare fac bono ani-
mo, ac fortis sis, quo quia te esse om-
nes existimant, qui prudentiam tuā,
admirabilemque sapientiam cognō-
nerunt, cō maiorem constantiā ra-
tionem habere debes: cuius quidem
fructus, si te ita gesseris, non ad bre-
ue quoddam tempus, sed ad omnem
vitam, vel ad omnem potius æterni-
tatem tibi constabit. Cuius quidem
spe diuinus ille Paulus excitatus, at-
que erectus, cū ligatus vinculis tene-
retur in carcere, molestiam illam nō
solum æquo animo, sed libenti etiā,
ac iucundissimo tolerabat. Atq; hæc
illa sunt, quę ex sapientię tuę augu-
sto fonte consilij egentissimus, &
consolationis quondam hauseram;
quæ non ideo ad te refero, quod il-
lum tibi sitire putē; sed quia fieri po-
test, ut si in istis molestijs paulo con-
turba-

turbatior animo sis, minùs hæc fortasse videas, quàm cum tranquillo, sedatoque animo eadem mihi medicinæ loco proponebas. Quæ autem mea sunt quæq; à me præstari possunt, sunt quidem leuissima, si cum ijs, quæ modo commemoravi, comparentur: sed quicquid tamen studio, fide, operæ, auctoritate valuerò, id omne sic ad te defero, vt si quid ad tuam causam pertinere intellexerò, mea sponte facturus sim: si qua de re admonitus fuero, eam ita suscipiam, vt nihil mihi aut difficile tua causa, aut parum iucundum futurum sit. Vale.

Petitionis exemplum.

ARG. Cornelius petit à Mario, vt eum eruat ex carcere Domitium, quem ob pecuniarum debitionem in vincula coniecerat, eique, quia solvendo non est, solutionis tempus differat.

Cornelius Mario. S.

ET si non multos post dies istuc me venturum putabam, vt dū

G aliqua

Exordia
ab eius
laude à
quo peti-
tur.

Pro-
fatio.

aliqua vacatio à negotijs datur; ex
tuo conspectu, quo egerimè carco;
& ex suauitate consuetudinis tuæ,
qua nihil mihi potest esse iucundius,
fructum eum repeterem, quem, cum
iis esse impicipere solebam: tamē
rei magnitudo facit, ne expectem id
à te corā petere, quod de tua singu-
lari humanitate valde spero, te mihi
etiam absenti concessurum. Domi-
tium hominem virtutis magis, quā
facilitatum opibus instructum, co-
gnoui ex eius filio optimo adoles-
cente paucis ante diebus imperio
tuo coniectum in carcerē; quod pe-
cunias, quas tibi debet, ad diem non
soluerit. Is à me cum multis lacry-
mis petijt, vt quoniam intellexerat,
inter me, ac te plurimas summā ne-
cessitudinis, atque amicitiae causas
interesse, teque velle omnia mea
causa tecum agerem; teque obse-
crarem, vt quando eius pater multis
aspice D affe-

affectus difficultatibus soluendo nō
est, neque ante Kalendas Martias,
vnde pecunias; comparare possit,
habet, solutionis ei tempus ad illum
vsque mensē prorogares. Rogare
te pluribus, ne velis afflictum homi-
nem perdere; si aut ipsius rei aequi-
tas id pateretur, aut etiam non arbi-
trarer, id te ita facere, non minus ad
tuam laudem, quam ad Domitij com-
modum intēresse. Nam & si homi-
nis causa probi, atque honesti, cu-
ius opera multis in rebus vti saepe
soleo, laborare plurimum debeo, &
neminem tamen tanti facio, vt non
omnium commodis, atque utilitati-
bus voluntatem tuam anteponen-
dam putem. Sed cum ille in summa
necessitate nummariā satisfacere ti-
bi cum maximē velit, non possit,
existimabam prudentiā tuę esse, id
tua sponte concedere, quod vt fa-
cias, ipsa te etiam inuitum necessitas

Ab equita-
te rei.

A necessa-
rio.

Ab honesto
sto:

cogit. Quo illud etiā consequeris,
ut hoc beneficium tuum potius exi-
stimetur, quā temporis retinebis-
que eam humanitatis laudem, quam
multi alij grauioribus in rebus ex-
perti sunt. Quare peto à te quā
studiosissimē possum pro coniu-
ctione nostra, amoreque mutuo, ut
qui aliorum inopiam etiam alienis-
simorum multa largiendo solleuare
soleas, huius hominis mihi coniun-
ctissimi, demque bene meriti mi-
seriæ opem feras: non quidem pecu-
nias illi condonando, quod non pe-
tit, sed solutionis tempus differēdo,
quod beneficij loco dari sibi implo-
rat, & flagitat. In quo vides etiā quid
mea quoque intersit, cum ille sic exi-
stimet; omnesque de nostra amici-
tia iudicent; nullā rem tam esse diffi-
cilem, quā à te impetrare non de-
beam. Fac igitur, si me amas, ne quis
hanc nostræ conjunctionis opinio-
nem,

A perso-
na, qui pe-
tit.

Epilegus.

nem, non esse veram suspicari possit. Quod si feceris, ut spero, & quod ipsum consequitur, ut Domitius emittatur è carcere; primùm rem facies profectò te dignā; ipsum deinde hominem tibi in perpetuum devincies, & me nouo, atque maximo beneficio cumulabis. Vale.

Epistola Commendatitia exemplum.

A R G. Pomponius commendat Curio virum & honestum & doctum Ligarium, petitque ab eo, ut illi in collegij petitione faueat.

Pompeius Curio, S.

Ligarius vir honestissimus, qui meas tibi litteras reddet, iam inde à prima ætate sic mihi charus est, ut in eo diligendo ne parētibus quidem eius viuis concesserim; nūc eis extinctis, omnes eius necessarios facile vincam. Nam & puer adhuc magnam mihi spem dedit summæ probitatis, excellentisquæ doctrinæ, & postquam adolescere coepit, sic litterarum studium cum virtutis amore

Exordit
à laude
eius qui
commen-
dat.

Petitionis
ratio.

Aperiq;
petentis.

coninnxit, vt probitate par hone-
stissimis, ingenij, & doctrinæ laude
omnibus suis æqualibus, quibus cū
studia illi erant communia, superior
haberetur. Is ēo animo in istam se vr-
bem confert, vt in qua academia
adolescentiæ suæ ætatem in optimis
studijs consumpsit, ex eadem sua-
rum vigiliarum, atque studiorū fru-
ctum ferat. Eum satis magnam exi-
stimat fore, si in amplissimum colle-
gium quod petit, cooptetur: in quo
suum virtus, atque doctrina domici-
lium collocabit: & ex quo ad maxi-
mos in Repub. honores sit gradus.
Huius hominis tam laudabile stu-
dium, quoniam excitatum iam sua
sponte, mea ipse hortatione inflam-
mari, valde cupio, ne aliter illi res
accidat, atque sperare coepit. Et
quamvis suam doctrinæ, atque vir-
tutis deesse præmium non potest, ta-
men in tanto numero eorum, qui
eundem

eundem honorem petunt; verendum sanè est, ne potentum gratia, virtus, doctrinaque vincat; præsertim si illa stris illa, hæc paulò sit occultior. Quò igitur hæc spectant? ut Ligarium tibi ita commendem, ut commèdari solentij, qui nobis sunt in vita charissimi, & quorum rebus non minùs studeamus quam nostris.

A studio
petentis.

Valde enim mihi persuadeo, facile illum consecuturum quod sperat: & ipsi cupimus, si te habeat & fautorem suæ laudis, & prædicatorem doctrinæ, eximiaque virtutis. Auctoritas enim tua, tuaque probitatis, & æquitatis opinio omnes omniū gratias facile vincet. Quare si præclaris ingenijs delectari soles, si honestis hominibus fauere gloriosum semper putasti, Ligarium suscipe, atque orna, apud quem mihi crede, tui beneficium pulcherrimè collocabis. De quo illud tibi polliceor, ex-

Abbas or-
tate eius
& quo pe-
tit. in quo

Epilogus.
-alutari
-or

illius memoria beneficij tui magnam te voluptatem esse capturum. Ego verò quidquid in eū contuleris, tanti faciam, quanti si mea, non eius causa laboraris. Vale.

Gratulatoria Epistola exemplum.

A R G. Pompeius gratulatur Ligario, quem ex eius litteris cognoverat, in amplissimum collegium esse cooptatum.

Pompeius Ligario. S. R. M.

Exordij
à volupta-
te quam
cepit.

augusti
Gratula-
tio.

POSTQUAM te, ex tuis litteris cognovi, in amplissimū collegiū, quod petebas, fuisse cooptatum, nihil mihi fuit optatius, quam ut tibi per litteras gratularer: quæ facultas cum non daretur, propterea quod rarissimi sunt, qui istuc à nobis proficiiscantur, grauius sanè, moleste quæ ferebam. Nunc tandem occasione scribendi nactus, tibi ita gratulor, ut nemini concedā, qui maiorem ex tua laude lætitiā, voluptatemque perceperit. Qui enim in te amando superiorem ac minē agnoscit, nemini profecto

profectò inferior esse debuit, qui
 tuis bonis letaretur. Neque verò iā
 tua solùm, sed mea etiam causa letari
 debui: cum ex tua & ingenij, & vir-
 tutis gloria maximum ipse fructum
 ceperim; qui ea de te bonis viris sem-
 per promiserim, quæ tu cumulatis-
 sime persolvisti: ut tua maxima gloria
 cum aliqua mea laude non possit no-
 esse coniuncta. Ea verò ut augeatur
 quotidie magis, & opto plurimum,
 & ipsum immortalem Deum precon-
 quam enixè possum. Ea enim de te,
 de tuo ingenio, doctrina, atque mo-
 ribus opinio mihi est, ut valdè sperè,
 si in aliquam Reipub. administrandæ
 partem aliquādo veneris, quod ab-
 esse diu non potest, magnos ex te
 Rem ipsam publicam fructus esse la-
 turam. Atque hinc ego te pluribus
 hortarer, ut vel eorum exemplo,
 qui ex isto collegio amplissimè in
 Republica locum tenent, magna tibi
 propo-

Bene pre-
 catur Li-
 gano.

proponeres, ad summaque contē-
deres: neq; quicquā existimares ho-
noris, & dignitatis alicui esse delatū;
quod nō expectare ipse debeas, nisi
tuos iam ab ipsa pueritia ad veram,
& summam gloriam præclaros im-
petus nossem. Itaque pro meo in te
amore singulari illud tantum dicam;
si te tibi laudis, atque gloriæ æmulū
proposueris, si tecum ipse certaris,
nullū esse tantū in R. p. mun⁹, quod
non facile consecutus sis. Cū præ-
sertim in creandis magistratibus, pu-
blicisque honoribus impertiendis
summa Christianissimi Regis prou-
dentia illa omnino hoc tempore hā-
beat ratio, vt honores optimis, at-
que sapientibus viris delati, non ab
ipsis quæ sit esse videantur. In quo-
rum numero quoniam esse vis, &
omnium quidem iudicio iam diues,
verē virtutis, atque sapientiæ præ-
mio diutius carere non potes. Sed
quo-

quoniam quæ laudis tuæ sunt, ea pro
eximia tua summissione animi mi-
nus libenter audire soles, hoc me at-
tigisse satis sit, quod meus erga te
amor tacere non potuit. Ego verò cu-
pio ad illud usque tempus spiritum
ducere, quo & spem eam, quam de
te ipse concepi, certam, ac verā fuisse,
latari cum tuis, & tibi atq; adeo
mibi ipsi gratulari possim. Vale.

Gratiarum actionis exemplum.

A R G. Papirius Theophilum in magno vitæ di-
scrimine confutum ope, auxilioque servatū:
illi idem Theophilus pro tam singulari benefi-
cio gratus agit.

Papirius Theophilo salutare.

ET si prolixam tuam, beneficam-
que naturam admiratur omnes,
cū tam multi sint qui ex te vberis-
mos liberalitatis tuæ fructus tuler-
int; tamen nemo est, cui id ipsum
plus admirationis, quam mihi ipsi af-
buli
ipsi

ferre debeat. Nam tua quidē in alios
eximia beneficia grati fortasse animi
testimonia videri potuerūt; qui quæ
accepisses cumulātē redderes; aut
certē in eos collāta, à quibus aliquid
gratiæ beneficiorum similitudine ex
pectari possēt. In me verō vt tantum
beneficiū contuleris, neque vlla offi
cia in te mea, neque paræ gratiæ ex
pectatio, neque alicuius denique fru
ctus spes tuum mouere animum po
tuit. Quare huius tuę beneficentię
laus eò maior videri debet, quod fue
rit se ipsa contenta; neque alium in
benefaciēdo fructum spectarit; quā
ipsum benefacere; in quo diuinam
quidem ipsam in homines liberalita
tem, ac benignitatē imitatus es; quæ
vna ad benefaciēdū bonitate, & cha
ritate moueatur. Itaque iam & si tuū
beneficiū tanti facio, quanti mea
apud me salus esse debet, quæ mihi
tua causa restituta est; tamen plurius
illud

illud profectò facio, cùm ex quo ani-
mo profectum sit, mecum ipse con-
sidero: vt non minorem ex tuo isto
tam pręclaro naturę bono, quàm
ex mea ipsius salute voluptatem ca-
piā. Quòd verò ad me attinet, quid
polliceri possim, nò video, cùm vel
ad agendas tibi gratias ne verba qui-
dem suppetant. Sed quando aliter
gratus esse non possum, hoc semper
futurus sum, vt colam tui beneficij
memoriam sempiternam. Si quid ve-
rò aliquando, vel opera, vel indu-
stria etiam cum ipsius vitę discrimi-
ne tua causa pręstare poterò, nihil
mihi accidere iucundius poterit, quā
me tibi non verbis solum, sed re ip-
sa quoque gratum videri; & si vita
ipsa profundenda sit, vt à quo il-
lam acceperim, eidem red-
dita esse videatur.

Vale.

H. Offi-

De conscribendis

Officiosa Epistola exemplum.

A R G. Petierat Gallos à Torquato per litteras, vt sibi laboranti adesset, atque opem ferret: Torquatus sua illi studia, atque operam pollicetur.

Torquatus Gallo. S.

CRatissimæ mihi acciderunt tuæ litteræ, adderem, periucundæ, nisi tuus dolor omnem mihi iucunditatem abstulisset. Sed scito, nihil mihi gratius accidere potuisse, quàm quod ex tuis litteris humanissimè scriptis intelligo, me à te plurimùm amari, quo cum res tuas communices, & cuius consilio, atque opera uti velis. Ego, mi Galle, sic te semper dilexi, charumque habui, vt neminem vnquam maiore fuerim amore, beneuolentiæque complexus. Quæ mea in te voluntas si paulò his temporibus obscurior fuit, id quidem fecit falsa quædam immutatæ tuæ voluntatis opinio; in quam me nonnul-

nonnullorum hominum improbitas adduxit: qui, esse me quo eram in te animo, molestius fortasse ferebant. Nunc verò voluntate tua in me cognita, atque perspecta, dabo diligenter operam, ut sarciam longi temporis officiorum iacturam, quam à me factam esse vehementer doleò. Itaque nihil erit tantum, quod non modò studiose, si rogatus sim, sed etiam libenter, si quid tua interesse cognovero, mihi suscipiendum putem. Noli enim existimare animo mihi, memoriaque excidisse, quantæ tibi curæ quodā tempore meus honos fuerit; quæ tu non solum tueri, atque defendere, sed etiam amplificare voluisti. Atque utinā integris tuis rebus, meâ tu fidē in te, atque animū experieris: nunc quoniam ita tulit casus infestus, in te iuvando, rebusque tuis diligenter curandis, & si multos, intelligo studiosos, diligentesque futu-

De conscribendis Epistolis.

ros, tamen principatum appetam,
neque ab vlllo me vinci, ac superari
patiar. Quod quia videre te, malo,
quàm audire, oratione lógiore vten-
dum non fuit. Vale.

PROGYMNASMA-
TA, SIVE PRAEEXERCI-
tationes Oratoriæ, cum singulis
cuiusque progymnasmatibus
exemplaribus.

*Auctore Bartholomæo Brauo
è Societate Jesu.*

PROOEMIUM.

lib. 1. c. 10



*Ve progymnasmata Græcè ap-
pellantur, Latine verò præexer-
citationes dici possunt, Quintilia-
nus prima Oratoris opera appel-
lat, & maiorum operum quasi membra, at-
que partes maiora autem opera intelligit, qua
perfe-*

perfectum oratorem informant. Atque ijs
 quidem, quæ maiora sunt, exercendos esse
 adolescentes prius, quam ad magnum illud
 oratoria artis opus accedant, & ipse Quin-
 tilianus docet, & veterum omnium orato-
 rum vel Romanorum, vel Græcorum ex-
 empla; ex quibus quicumque dicendi laude flo-
 ruerunt, ijs se studiosissimè exercuerunt. Ut
 enim viri militares umbratili pugna ad So-
 lem, atque pulverem, sic se antiqui illi ora-
 tores privata declamandi exercitatione ad
 iudicia, ac tribunalia comparabant. Quod si
 totum hoc exercitationum genus diligentius
 consideremus, reperiemus profectò, quæ spe-
 ciosa magis, atque præclara in orationem ca-
 dere solent, ijs maximè eadè contineri. Quan-
 tum enim splendorem afferunt orationi am-
 plificata quedam narrationes; descriptiones
 vel rerum, vel personarum, loci communes,
 ethopœia denique, ne reliquas exercitationes
 persequar, quæ hoc progymnasium nomi-
 ne comprehenduntur. Hac igitur, quæ ora-
 tionem tantopere ornant, & illustrant, tra-

Et a iam habere, & comprehensa animo,
quanti illis momenti esse putabimus, qui ad
eloquentiae laudem aspirant; ut cum in ea
deuenerint, tanquam in exploratissimis locis
liberè excurrat, atque exultet oratio? Quod
si cui nonnulla fortasse ex ijs, quae prima ora-
toris rudimenta Quintilianus appellat, ma-
iora quidem opera videantur esse, in qua om-
nem eloquentiae vim effundere possit orator;
memnerit, totam veterum oratorum elo-
quentiae laudem in iudicijs, causisque tra-
ctandis fuisse versatam: atque ita, ut nemo
gloriosum illud oratoris nomen obtinuerit,
qui non idem causas agendi facultatem esset
adeptus. Actum quidem ita existimabit: su-
blatam tota illa iudiciorum forma causa-
rumque agendarum ratione, quae apud vete-
res illos prima erant quasi oratoris in can-
bula, in ijs suam sedem nostrorum temporum
oratores collocare posse: atque in ea ut in
extremo gradu consistere; unde illi sibi ad
eloquentiae fastigium faciebant gradum.
Nam illis iurum virorum laudatio, vitu-
peratio

peratio improborum, egregia alicuius sententia, factiue tractatio, quæ Chria nomine contuetur; opinionis præterea vel honesta confirmatio, vel turpis reprehensio, & confutatio, quæ omnia in oratorijs rudimentis Quintilianus numerat, eiusmodi quidem sunt, ut ex eis singulis perfecta oratio confici possit, atque omnibus suis numeris absoluta. Quare, si ætatis nostræ rationem habemus, superiora illa, quæ attingimus, quæ non sola ipsa ab oratore tractari, sed orationi ornatus causa admisceri solent, minores quidem partes; hæc verò, quæ modo commemorauimus, quæque ad perfectam orationem conficiendam valent, maiora iam oratoris opera appellare possumus. Ad quæ perfectè tractanda, & oratoriæ et si rhetorum præceptis opus esse fateor, perfectæque ipsius oratoriæ artis cognitione; tamen ut ætate nostræ eloquentiæ comparanda frigent studia, non equidem video, quanta cū utilitatē, atque fructu hæc teneris adolescentibus præcepta tradantur. Quotus enim quisque est (quod

inter ceteras nationes una maximè lugre
Hispania) qui ita studeat eloquentiæ, ut non
modò ad exercendam oratoris facultatis
artem, qua illa comparatur, sed ne ad ipsa
quidem eius præcepta cognoscenda, atque
percipienda satis sibi temporis assumat? Ia-
cet planè in tenebris eloquentiæ ætate nostra
neglecta penè ab omnibus, atque contempta,
si qui verò adolescentes propter eius famam
celebritatem aliquo studio incitati ad eius se
scholam contulerunt, salutant quidem il-
lam ab ipso ferè limine, atque ad aliarum ar-
tium, ac facultatum gymnasia prius auo-
lant, quàm pulcherrimam eius formam aspi-
cere potuerunt; quam si inspexissent, atque
attentiùs essent intuiti, non dubito quin mi-
ro ipsius amore caperentur. Quare qui eius-
modi sunt (sunt autem ferè omnes) his pro-
gymnasiis eorum ingenia exerceri puta-
rim esse commodius, quàm plurimis eosdem
præceptis imbui, quorum exercitationi pro-
illorum ad alias facultates ac disciplinas præ-
propere festinatione, nullus planè relinqua-

tur locus. Atque eò magis, quòd non cuiusvis & ingenij, & iudicij est, ex illis locis, quæ topica appellantur, argumenta, atque rationes eruere, easdemque aptè disponere, quod si desit nulla omnino artis vis est, ad hæc verò tractanda ita facilis & verum inuentio est, & dispositio, cum vtræque ipsis tyronum oculis apertissimè subijciatur, ut nemo tam esse possit vel ad excogitandum tardus, vel immaturo ad disponendum iudicio, qui, nisi planè plumbeus sit, horum subsidio nō aliquid, atque adeò multum possit efficere. Sed quoniam ne inuenisse quidem satis est, inuentaque disponere, ut oratio perfecta sit, nisi elocutionis lumina accedant, post ipsam progymnasmatum tractationem à rethorum præceptis mutuabimur ea, quæ de elocutione ipsi, atque oratorio numero tradere solent: ut præcipuas illas rhetorica partes Inventionem, Dispositionem, atque Elocutionem, quas fusiùs illi tractant, nos breuiùs hoc progymnasmatum artificio, ac prout tyronibus maiori vsui fore

videbitur, complectamur. Qui verò lon-
gius procedere, & oratoris tum nomen adi-
pisci, tum laudem consequi velint, ijs se ex-
ercuisse, auctore Quintiliano, ac suatore,
cum ad illa maiora peruenerint, non eos ma-
gnopere poenitebit: ex hoc enim quasi
gradu ad altiora illa, ac sublimio-
ra facilius ascendent.



DE ORIGINE PRO-
GYMNASMATVM.

CAPVT. I.

Hoc exercitationum genus
Græcorū tēporibus à De-
metrio Phalereo, quē Cice In Bruto,
ro eruditissimū fuisse com-
memorat, quidā inuentū esse volūt:
quod tamē Quintilianus quasi parū lib. 2. c. 4.
compertū, atq; exploratū affirmare
nō audet; illud tamē cōcedit; apud ip-
sū Demetriū multos eloquētię stu-
diosos ijs se diligēter exercere solit-
os; vt nō immeritō huius instituti au-
ctor esse videatur. Romanos verò, q̃
vt alia multa, sic etiam ea, quæ ad for-
mandū oratorē, eloquentiāq; cōpa-
randā valent, à Græcis acceperunt,
extremis L. Crassi temporibus ijs-
dem se exercere cœpisse, tum quē
maximē exceluisse Plotiū ipse Cice Lib. 3. de
ro auctor est. Quibus idem Romanę Oratore.
elo-

eloquentiæ parens, sic se delectari solitum fateatur, nullum ut diem ab illis vacuum abire permetteret: nullum in quo non aliquid commentaretur, ac declamaret. Quod si minus constet, ex quo primū fonte manarint, Aphthonius tamē sophista nobilis, ac declamator insignis eadem in ordinem quendam, artemque redegit, ac Græcè conscripsit. Quem nos in iisdem tractandis ordinem sequemur, eademque aliquanto fusiùs ad tyronum intelligentiam explicabimus.

*De usu, & utilitate progymnas-
matum. Cap. 2.*

Rhetorica, quæ Ars est benediciendi, cuius artifex Orator est, quinque omnino partibus constat, Inuentione, Dispositione, Elocutione, Memoria, Pronunciatione. Inuentio est excogitatio rerum verarum, aut verisimilium, quæ quæstionem

nem probabilem reddant. Dispositio est rerum inuentarum in ordinē distributio. Elocutio est idoneorum verborum, & sententiarum ad inuentionem accommodatio. Memoria est firma orationis perceptio. Pronunciatio est ex rerum, & verborum dignitate corporis, & vocis modertio. Atque ex his quinque partibus tres quidem primæ præceptis præcipuè iuuantur, reliquæ duæ, & si sua quoque præcepta habent, naturæ magis, quàm artis sunt. Materia verò in qua artifex huius artis versatur, quæstio est. Omnis autem quæstio ad tria causarum genera refertur. Demonstratiuum, Deliberatiuum, Iudiciale. Demonstratiuo laus, & vituperatio: Deliberatiuo suasio, ac dissuasio; Iudiciali accusatio, ac defensio continetur. Ad inueniendum igitur quid in vnoquoque genere de quæstione proposita dici possit, certa quædam loca

loca Rhetores cōmuniter désignāt; ac notant: ad disponenda, quæ inuenta sint, nonnulla etiam præcepta tradūt. Progymnasmata igitur hoc præstant, vt non modò loca cōmuniter ostendant, ex quibus erui rationes, & argumenta possint, sed ex vniuersis quæ cuique quæstioni magis conueniant, ea notent, & simul quæ inde depromantur argumenta, rationesque disponant; vt mox in propositis patebit exemplis. Ergo pro locis, quæ Topyca appellant Rhetores, hæc esse possunt: nam de Elocutione priuatim differemus. Sunt autem progymnasmata quatuordecim, Fabula, Narratio, Chria, Sententia, Confutatio, Confirmatio, Locus communis, Laus Vituperatio, Comparatio, Ethopœia, Descriptio, Thesis, Legislatio. Quæ si ad tria illa causarum genera, quæ Rhetores constituunt, referre velimus;

limus; Laus quidem, Vituperatio,
& Comparatio ad Demonstratiuum
genus pertinent: Chria, Sententia,
Thesis ad Deliberatiuum; ad Indi-
ciale verò Confutatio, & Confir-
matio: quinque reliqua omniũ can-
sarum generibus communia sunt.

De Fabula. Cap. 3.

FABULA est, in qua neque veræ, *Cicero de
iugurth.*
neque verisimiles res continen-
tur. Quæ cum à Poëtis originem tra-
xerit, ea tamen sæpe videntur ora-
tores; valet enim tum ad delectan-
dos audientium animos, tum ad
permouendos plurimùm. Nam &
facti sermonis iucunditate reficiun-
tur auditores, & veritate ipsa, quæ
eiusmodi narrationi subest, ad id
de quo agitur, impelluntur. Tra-
ctatur autem fabula aut breuiter
narratione simplici: aut fusiùs, cum
personis, quæ inducuntur in fabu-
lam,

lam, sermonē dāmus. Qui fusiūls tra-
ctare eam velit, ab his locis petet di-
latandi copiam. Ab auctoris laude:
vt si eius, qui fabulam composuit,
aut ingenium, aut prudentiam, aut
mores denique breuiter laudet. A
præfabulatione: explicando scilicet,
quid ille ea fabula voluit edocere.
A natura rei; vt si vel rerum, vel per-
sonarum, de quibus fabula confingi-
tur, vt leonis, vt vulpis, eiusmodiq;
animantium naturam exponat, atq;
describat. A sermocinatione: ijsdem
ipsis rebus pro re, ac loco orationē
tribuens. A collatione: qua eius,
de quo fabula est, factum cum alte-
rius facto comparetur. A contrario:
vt si sententiam aliquam inde eliciat
alteri sententiæ contrariam: aut eue-
ntum euentui dissimilem ostendat. A
cōclusionē; qua colligitur breuiter,
quid ea fabula doceat, quod ad pru-
dentiam, humanosque mores perti-
neat.

neat: exhortatiuncula quadam adhibita ad id, quod in ea honestum maximè ostenditur. Huius verò, cæterorumque progynasmatum tractatio quomodo institui debeat, ipsa, quæ inferiùs de singulis ponentur exempla apertius declarabunt.

De Narratione. Cap. 4.

Narratio est rerum gestarum, aut Cicero de intentione. ut gestarum expositio. Narratio autem tria sunt genera. Vnum genus est, in quo civiles causæ, oratorumque controuersiae continètur. Alterum, in quo digressio aliqua extra causam, aut criminationis, aut similitudinis, aut delectationis non alienæ ab eo negotio, quo de agitur, aut amplificationis denique causa interponitur. Tertium genus est remotum à civilibus causis, quod delectationis causa non inuiti cum exercitatione dicitur, & scribitur. Eius partes sunt duæ, quarum altera in negotijs, altera

ra in personis maximè versatur. Ea, quæ in negotiorum expositione posita est, tres habet partes, Fabulã, de quã paulò ante: Historiam, quæ res gestas ab ætatis nostræ memoriaremotas continet. Argumentum, quo res quidem fictæ referuntur, sed quæ tamè fieri potuerunt: qualia sunt comædiarum argumenta. Illa autè narratio, quæ versatur in personis eiusmodi est, vt in ea simul cum rebus ipsis personarum sermones, & animi perspicui possint. Atque hoc narrationis genus illud est, in quo præcipuè adolescentes exerceri conuenit. In quo quidem multa festiuitas inesse debet, multa suauitas. Est autem illa festiua, ac suavis narratio quæ habet admirationes; expectationes, exitus inopinatos; quæ interpositos motus animorum, colloquia personarum, dolores, iracundias, metus, lætities, cupiditates. Atque

Cicero in
part.

Atque omnis quidem narratio tres omnino virtutes habere debet; ut brevis, ut aperta, ut probabilis sit. Quod verò ad sermonis elegantiam attinet, Quintilianus narrationes cōponi vult, quanta maxima possit, adhibita diligentia. Amplificari autem potest narratio primum ab auctore facti; ut si eum ipsum narrationis initio laudibus ornes: vel è contra, si ita res postulet. Deinde à re ipsa gesta, ut si factum describās, & quasi ante oculos ponās; à tempore, à loco, à modo, à causa denique propter quā gesta res est, & si quæ sunt aliæ circumstantiæ, quæ narrationem iucundam, ac festiuam reddant. Quæ omnes illo versiculo continentur.

Quis, quid, ubi, quibus auxilijs, cur, quomodo, quando.

I 2 De

CHria est commemoratio brevis personę alicuius, vel facti, vel dicti, vel vtriusque simul. Dicta autę est Chria, quod valdę sit utilis. Est igitur triplex verbalis, quę ratione utilitatem demonstrat; vt Plato dixit, Virtutis ramos ę laboribus, atque saporib⁹ produci. Actiua, quę actionem, aut factum solum recenset: vt Pythagoras interrogatus, quanta nā esset hominum vita, cū per temporis breue spatium se conspiciendum prębuisset, latebras petiit: humanę vitę mensurā ex illo breuissimi temporis sui conspectu designans. Mixta, quę oratione pariter, & actione constat: vt cū Diogenes adolescētulum lasciuientem vidisset, illius pędagogum baculo percussit: Quid inquis talia puerum doces, ac sic instruis? Chrię verō dilatandę, & amplificandę ratio ea loca complectitur.

tur. Auctoris laudē loco proœmij, ut in fabula, ac narratione diximus. Expositionem, quæ declaret, quid ille eo vel facto, vel dicto significare, aut docere voluit. Causā, quæ eiusdem vel dicti, vel facti rationem reddat. Contrarium, ut si doceas, quid mali ex cōtrario sequeretur, aut etiā boni, si res ita exigat. Similitudinem quæ pro re, de qua agitur ab arboribus, à fructib⁹, à mari, sole, multisq; alijs rebus duci solet. Exemplum, quod ab historijs tum sacris, tum humanis peti potest. Testimonium, ut sententiam aliquam aut ex sacris literis, ut ex philosophis, aut etiā ex Poetis desumptam, quæ in rem conveniat, eandemque confirmet. Epilogum denique, qui hæc capita breviter complectatur, aliquamque ad id ipsum, quod propositum est, aut exhortationem, si honestū; aut si turpe sit, detestationem contineat. Huc

enim spectare debet, qui Chriam tractat, ut cum viderit quid in illa sit optimum, atque ad honestam morum institutionem utile, id ipsum tractatione ostendat, atque suadeat. Quod si eadem ipsa loca, quæ proposita à nobis sunt frequententur, si plures rationes, plura exempla, ac testimonia adhibeantur, plura similia, atque contraria, eademque elocutionis luminibus illustrentur; vides profectò, quam plena, quam grauis oratio confici possit, atque perfecta.

De Sententia. Cap. 6.

Ad H.
lib. 4.

Eccles. 31.

Prov. 27.

Sententia est oratio sumpta de vita, quæ aut quid sit, aut quid esse oporteat in vita breuiter ostendit. Sententiarum autem varia sunt genera. Aliæ enim ad hortandum valent, ut Adolescens loquere in tua causa vix, cum necesse fuerit. Aliæ ad dehortandum, ut Ne glorieris in crastinum, ignorans quid superuen-

tura

tura pariat dies. Ad demonstrandum
 alia; vt Qui maledicit patri, & ma- Prou. 20.
 tri, extinguetur lumen eius in me-
 dijs tenebris. Item alia simplices; vt
 Bonum est viro, cum portauerit iu- Prou. 13.
 gum ab adolescentia sua. Alia com-
 positæ; vt In multiplicatione iusto-
 rum lætabitur vulgus; cum impij sum-
 pserint principatum gemet popu-
 lus. Alia præterea probabiles; vt
 Quales amicos quisque habet, talem
 scias. Alia veræ; vt Moritur doctus, Eccl. 1.
 similiter & indoctus. Alia hyperbo-
 licæ; vt Infirminus nihil homine. Tra-
 ctatur autē, dilataturque Sententia
 iisdem omnino locis, quibus Chriam
 tractari diximus. Hoc differt à Sen-
 tentia Chna, quod hæc per sepe in
 actione, illa verò semper in oratione
 consistit. Chria præterea semper ha-
 bet additam personam vel facti, vel
 dicti, sententia etiam sine persona
 sepe effertur.

Lib. 2. c. 4.

Refutatio est rei alicuius propo-
sitæ reprehensio; vt cùm aliquid
de historia sumptum tanquam non
credibile refutamus: aut opinionem
aliquam vulgi redarguimus, ac repre-
hendimus. Hoc exercitationis ge-
nus Quintilianus appellat opus de-
struendi; vt si quærat, An sit credi-
bile super caput Valerij pugnantis
sedisse cornu, qui os, oculosque ho-
minis Galli rostro, atq; alis euerbe-
raret; idque falsum velit reprehen-
dere. Refutanda verè sunt ea, de qui-
bus aliqua esse potest dubitatio: nõ
quæ planè manifesta sunt, vt quæ sa-
cræ litteræ testantur: aut prorsus in-
credibilia, vt Aesopi fabulæ. Illa igitur
erit rei alicuius refutandæ ratio.
Exordij loco reprehendèdi sint, qui
dixerūt: deinde rei expositio subiun-
genda est: postea res ipsa his capituli-
bus subuertenda. Obscuro, vt si do-
ceas,

ceas, id quod reprehenditur, incertum omnibus, nemini esse probabile; Incredibili, ut rationes afferas, quare id credi non debeat; Nō possibili: ut ostendas, id fieri minimē potuisse; Non cohærente, ut id ipsum aut naturæ repugnare doceas, aut rationi, aut consuetudini, &c. In decoro, ut contendas, id fieri non deuisse; Inutili, ut planum facias, nihil in ea re utilitatis aut inesse, aut fuisse. Breui denique epilogo terminabitur oratio, quo ex dictis falsum illud esse appareat, quod reprehenditur.

De Confirmatione. Cap. 8.

Confirmatio est propositę rei cōprobatio, Refutationi planē contraria. Confirmanda igitur erūt, quę neque prorsus manifesta sunt, neq; quę omnino credi non possunt. Quod ad tractationem attinet, præmissa auctoris laude, rei quę expositione,

sitione, res erit ijs comprobanda locis, quę sunt refutationi contraria. Manifesto, probabili, facili, coerente, decente, utili. Hęc & superior exercitatio utilissima quidem est ad exercenda puerorum ingenia, declamationesque instituendas, dum rem eandem unus confirmet, refutet alter. Quod contentionis genus nō minū exacuit ingeniū: se enim quisque spe vincendi excitat, nervosque intendit. Est autē utrūque dicēdi gen⁹ eiusmodi, quod orationis ornatum, eloquentiamque desideret. Quod si iudex quoque constituatur, qui de questione proposita sententiam ferat: si questionem ipsam alius initio proponat, erit interdum hęc in scholis exercitatio auditoribus utilis, & spectatoribus non iniucunda.

De loco communi. Cap. 9.

Locus communis est oratio, quę bona aut mala, quę alicui insent, augen-

augentur, & amplificantiur. Dicitur autem communis, quod in omnes, qui eius rei, de qua agitur, participes sunt, communiter conveniat: ut si in sacrilegum dicas, in latronem, in adulterum, eadem oratio in omnes vel sacrilegos, vel latrones, vel adulteros cadet. Eadem ratione si beneficentiam, aut fortitudinem extollas, eadem laus omnibus vel beneficiis, vel fortibus congruet. Habet autem locus communis commodissimum in oratione locum post ipsa confirmationis argumenta: ut si cum aliquem, verbi gratia, homicidam argumentationibus contriceris, ad crimen exaggerandum, atque in criminis auctorem concitandam invidiam in parricidium ipsam inveharis, ac tanti sceleris atrocitatem per communem locum amplifies. Item in virorum laudatione cum aliquem ex eius factis vel fortè virum, vel

iustum

iustum ostenderis, tum in communē locum orationem conijcere licebit, quo vel fortitudinis, vel iustitiæ præstantiam, atque excellentiam prædicēs; qua ratione eiusdem viri dignitas, in quo virtus illa insit, magis appareat, cū eiusdem virtutis laus ad eum referatur. Quod autem ad tractationem attinet; communis locus exordium non habet, cū peractæ iam (vt diximus) argumētationi subiiciatur, sed qui stylum exercent, aliquid exordij loco fingere possunt, ac deinde ab his locis: quæ à Cicero-
ne notantur, propositæ rei amplificati-
onem petere. Neque verò nos om-
nes, quos ille notat, locos designabi-
mus, sed qui pro nostrorum tempo-
rum ratione, atque earum rerū, quæ
tractari ab oratoribus solent, cōmo-
diore ad exercendum stylum vide-
buntur. Primus igitur locus sumitur
ab auctoritate, cū commemoramus,
quantæ

Ad Her.
lib. 3.

quantę curę ea res fuerit Deo, ipsi Opt. Max. viris sanctissimis, sapiē-
tibus legum latoribus: vt si ostendas
quibus vel diuinis testimonijs, vel
humanis legibus, ac decretis ea res,
de qua agitur, aut turpis condemne-
tur, aut honesta cōmendetur. Secun-
dus locus est, cū consideramus, ea
res ad quos pertineat; quibus no-
ceat, si turpis, vt latrocinium; vt hæ-
resis; quibus vtilis sit, si honesta, vt
iustitia, vt liberalitas. Tertius locus
est, quo percunctamur, quid esset
euenturum, si omnes aut illo vitiola-
borarent, aut virtute florent: vt si
vel omnes latrocinia exerceerēt, vel
iustitiam colerent, qui esset Reipub.
status futur⁹. Quartus locus est, quo
ostendimus, aut tetrum facinus, im-
mane, crudele, nefariū, homine indi-
gnum; aut si honesta res est, hominis
dignitate dignissimum. Quintus lo-
cus constat ex comparatione, aut
pecca-

peccatorum, aut rectè factorum, quæ
vel facinus, de quo est oratio, vel
virtus augeatur. vt si dicas, maius es-
se maleficium templa conipilare,
quàm priuatas domus, aut alia eius-
modi furta, aut facinora facere, quæ
tamen maxima sint. Excellentionis
esse fortitudinis, se ipsum vincere,
quàm hostes, quàm vrbes expugna-
re. Sextus locus est per quem om-
nia, quæ in negotio gerendo acci-
dunt, quæque rem consequi solent
exponimus acriter, & criminose, &
diligenter, si in maleficium inuehi-
mur: vel magnificè laudando, & am-
plificando, si de re honesta oratio
est. vt si quæ in latrocinijs, quæ in ser-
uanda iustitia intercedunt; quæ item
vel illud maleficium mala, vel hanc
præclaram virtutem bona conse-
quantur, exponas. Epilogo superio-
ra argumenta breuiter colliges, qui-
bus magnam eius rei aut turpitudi-

nem

nem esse, aut dignitatem conclu-
des. Atque communis quidem loci
tractatio ideo utilissima est, quod in
oratione frequentissimè cadit, cum
vel laudamus, vel vituperamus, vel
suademus; in quibus causarum ge-
neribus ferè nostra hac ætate tota
versatur eloquentiæ vis. Quoties
enim sacri concionatores in periur-
ros, in helluones, in eos qui alie-
na retinent, inuehuntur? quoties
virtutis alicuius excellentiam, ac di-
gnitatem amplificant: ut temperan-
tiæ, ut liberalitatis in egenos, ac
erumnosos homines. Quod idem ijs
omnibus accidit, qui longiores in-
stituunt orationes.

Quint. li.

10. c. 5.

10. li. 6. A

1. c. 17.

De Laude. Cap. 10.

LAus est oratio, alicuius bona enu-
merans. Cadunt autem in lauda-
tionem personæ, res, facta, atque di-
cta. Nam & præclaros viros laudare,
& pro-

Quint. li.

3. c. 17.

Ad Her.
lib. 3.

& prouincias, vrbes, loca, virtutes,
bonarum artium studia, & illustrium
virorum egregia vel facta, vel dicta
sepe solemus. Sed personarum præ-
cipua laus est. In personæ, igitur lau-
de instituenda libera est exordiendi
ratio. Sed commodè tamen princi-
pium sumi potest, aut à nostra, aut
ab eius de quo loquemur, aut ab eo-
rum, qui audient persona; aut ab re
ipsa. A nostra dicemus, aut officio
nos id facere, aut studio, aut pietate,
aut religione in eum quem laudamus;
aut, quòd rectum sit, ex aliorum lau-
de ostendere, quales nos esse debea-
mus. Ab eius persona de quo loque-
mur, verèri nos dicemus, vt illius fa-
cta verbis consequi possimus: om-
nes homines illius virtutes prædica-
re oportere: ipsa facta omnium lau-
datorum eloquentiam anteire. Ab
auditorum persona, si notus ille sit,
quem laudamus, dicemus, nos pauca
è multis

ē multis esse dicturos; nō vt quę nota sunt, doceamus, sed vt eorum cōmemoratione audientiū animos pro illorum in eum ipsum studio recreemus. A reb' ipsis, incertos nos esse, quid potissimum laudemus: vereri, ne cū multa dixerimus, plura prætereamus; & quę similes sententias habebunt. Post exordiū à tribus bonorum generibus laus peti potest. Corporis, fortunæ, atque animi. Corporis bonā sunt valetudo, integræ vires, pulchritudo, & alia eius generis. Fortunæ boni sunt, gens, patria, maiores, parentes, diuitiæ, possessiōnes, munera in Repub. Animi verō bonā virtutes sunt; & præclarę gesta, bonæ artes, ac disciplinæ. Addenda est cum alijs illustribus viris comparatio, quæ laus maxime amplificatur. Epilogo superiora capita breuiter enumerantur; adhibita exhortatione ad eius, quem laudamus imitationem;

K tionem;

Quint. li.
3. c. 7.

tionem. Potest etiam laudatio aliter
inficari, vt diuidatur in tēpora, quod-
que ante hominē fuit, quoque ipse
vixit, & si vita finēt^r est, etiā quod
est insecutum. Ante hominem va-
lent ad laudandum patria, parentes,
maiores, & si qua sunt vel responsa,
vel oracula, vel signa, quæ futuram
hominis claritatem, sanctitatemue
promiserint; vt in beato Ioanne Ba-
ptista, alijsque sanctissimis viris fue-
runt. In vita duci laus potest ab indo-
le, ab educatione, a præceptoribus,
ab optimis artium studijs, a triplici
denique illo bonorum genere cor-
poris, fortunæ, atque animi in quo-
rum laudatione & disponenda &

Quint. li.
3. c. 7.

amplificanda omnes ætatis gradus,
atque ipsum rerum gestarum ordinē
sequi speciosum erit. Post vitam &
mortis genere, ab ijs, quæ mortem
ipsam consecuta sunt, vt honores illi
habitu, decreta virtutis præmia, præ-
clara

clara ipsius rerū gestarum monumē-
ta, ciuium luctus, atque eius deside-
rium. Hic illud monendum videtur,
non necesse esse, nos omnes has par-
tes in laudem transferre, propterea
quod saepe ne incidunt quidem sa-
pe ita tenuiter incidunt, vt non sint
necessariae dictu. Quapropter eas
partes, quæ firmissimè videbuntur,
legere oportebit. In ipsa autem lau-
datione conclusionibus interdū bre-
uibus utemur: crebras item, ac bre-
ues amplificationes interponemus
per locos communes. Res ita lau-
dantur quemadmodum & perso-
nae. Nam si urbem laudare velis,
pro parente est conditor, & mul-
tum auctoritatis affert vetustas. Cor-
poris & fortunæ bona ab ipsius ur-
bis pulchritudine petes, & amoeni-
tate, à loci positione, ac munitione,
ab aedificijs, templis, fluuijs, agro-
rum vbertate, & similibus. Animi vero

Ad Her?
lib. 3.

Quint. 11.
7.c.3.

Progymnasmata, siue

ab ipsorum ciuium honestis moribus, legibus, institutis. In alijs verò rebus laudandis, cuiusque rei natura inspectanda est, ac bona, quæ illi insunt considerata. Quin & facta, atque dicta præclaram habebunt laudationem, si, quibus cum virtutibus coniuncta ea sint, ostendamus.

De Vituperatione. Cap. 11.

Vituperatio est oratio, qua exponuntur mala, quæ alicui insunt, laudationi penitus contraria. Itaque ex quibus rebus laudem constituerimus, ex contrarijs rebus erit vituperatio comparanda. Laus verò, ac vituperatio à Loco còmuni, in quo vtraque reperitur, hoc differunt: quod hîc laus quidem, aut vituperatio còmuniter tractatur: illic verò personis ipsis accommodatur, & rebus.

Ad Hec.
lib. 3.

De Comparatione. Cap. 12.

Comparatio, est oratio ex collatione aliquid disquirens, quod
id,

id, quod comparatur in maius extol-
lat, aut ostendat æquale. Comparan-
tur autem vel bona bonis, vt iustitia
pictati; vel mala malis, vt furtum sa-
crilegio, vel bona malis, vt sobrie-
tas ebrietati; vel parua maioribus, vt
mus elephanto. Cadunt autem in cõ-
parationem omnia, quæ laudari pos-
se, aut vituperari diximus, personas,
res, atque facta, vel dicta. [Quare in
Comparatione ijs locis vtemur, ex
quibus laus duci, aut vituperatio po-
test, pro rerum natura, quæ compa-
rantur. Neque verò minutula quæ-
que in comparando persequi neces-
se est, singulasque huius rei partes
cum illius partibus singulis minuta-
tim, ac perexiguè conferre, sed quæ
præcipua in vtraque sint, magisque
illustra. Satis enim est, si personam
cum persona compares, ex præci-
piuis locis, vel laudis, vel vitupera-
tionis materiam sumere, quin ad fin.

Progymnasmatum siue

gulas utriusque personæ describen-
das partes descendas.

De Ethopœia. Cap. 13.

Quint. li.
9. c. 3.

Ethopœia est imitatio morū alie-
norum: qua scilicet subiectæ per-
sonæ mores, vel affectus exprimun-
tur. Est autem triplex. Aut enim no-
tæ personæ orationem fingimus, &
tū Ethopœia dicitur. Aut notæ qui-
dem personæ, sed defunctæ, & tunc
Idolopœia vocatur. Aut personæ
simul fingitur, & oratio, & tū Pro-
sopopœia appellatur. Quæ tamen
tria imitationum genera hoc Etho-
pœiæ nomine cōplectimur. Et quan-
uis Ethopœia & in dictis versatur, &
factis, prior quidem pars huc maxi-
mè spectat; altera verò ad descri-
ptionem referenda erit. Diuiditur
Ethopœia in passiuam, qua personæ
affectus, ac motus animi exprimi-
tur; ut Qualia verba Hecuba face-
ret, Troia subuersa. In moralem,

quæ

quæ mores solum pingit, ut Quid diceret rusticus, cum primum nauim videret. In mixtam, quæ mores pariter, & affectum exprimit, ut Qua oratione Achilles vteretur, occiso Patroclo, cum pugnare decreuisset. Consilium enim ad mores pertinet, affectus ex amico occiso concitatur. Denique huius progymnasmatibus usus eò spectat, ut omnium personarum affectus imitere, aptas cuique sententias, ac verba tribuas, quæ vel iram, vel timorem, vel prudentiam, vel temeritatem, vel letitiam, ac ceteros denique animi affectus, atque motus exprimant. In Ethopoeia verò tractanda tria spectantur tempora, praesens, praeteritum, futurum. Praesens ut recenseatur, quæ adsunt, propositaque nobis sunt, quæque affectus nostri sunt causa, siue leta, siue tristia illa sint. Praeteritum, ut hæc ipsa cum superioribus conferantur vel

lætis, vel tristibus; vel nostris, vel alienis. Futurum, ut adducantur cōsilia, aut remedia, quibus malis præsentibus subueniri possit: vel prospera conseruari: rerum euentus, timores, spes, aut aliquid aliud quod futurum tempus spectet, quod quidem ex præsentibus proficiscatur, consideretur, ac oratione exprimatur.

De Descriptione. Cap. 14.

Descriptio est oratio, quæ rem totam, de qua agitur, diligenter exprimit, ac velut oculis subiicit, ut cer-
ni potius videatur, quàm audiri. Describuntur personæ, res, loca, tempora. Ac descriptiones quidem modo veræ sunt, quia res veras describimus: modo fictæ, cum res quoque ipsas fingimus, quas depingere volumus. Persona ab his potissimum circumstantijs describi potest, à natione, seu patria, à sexu, ab ætate, à co-
tius

fius corporis habitu, à fortuna, ab studijs, à cōmunibus affectibus. Res autem ab antecedentibus, & quæ in ipsis rebus insunt, quæq; ex eis provenire solent; ut si vrbis expugnationem describas. Loca ab ipsis rebus, quæ in eis continentur, ut domus, ut horti, ut portus. Tempora item ab ijs, quæ eorum sunt propria, ut si aut æstatem, aut hyemem describere velis. Qui autem describit præclaros pictores imitari debet, atque rerū imagines ita exprimere, & suis quanque coloribus depingere, ut decorum in omnibus seruetur. Oratio vero ipsa variari debet multiplici schematum figura.

De Thesi. Cap. 15.

THesis, quam Cicero Propositum In Topic.
vocat, est quæstio, qua aliquid generatim quæritur. Differt autem ab Hypotesi, quam Latini vel causam, vel controuersiam appellant: quod
K 5 illa

Cicero in
Topica
Par.
Quint. li.
3. c. 6.

illa nullis circumstantijs circumscribitur; vt An expetenda sit eloquentia? Hęc verò certis personis, locis, temporibus includitur, vt An Antonio eloquentiē danda sit opera? Athesis quidem duo sunt genera, cognitionis alterum, cuius scientia est finis, vt An Sol magnitudine multis paribus terram superet: alterū actionis, quod refertur ad efficiendum aliquid, vt An accedendum sit sapienti ad Rempub. administrandam. Tractatur autem Thesis primū proœmio, qui sit ingressus quidam ad argumentationem: deinde locis suasionis honesto, vtili, facili, necessario: quibus locis admiscenda erunt exempla, similitudines, testimonia siue humana, siue diuina, quę plurimū ad persuadendum valent: & si quid erit, quod obijci possit, refutandum. Epilogus propositionē rei exhortatione, si honesta; si turpis dehortatione

con-

contra

constabit. Ac eiusdem quidē quæ-
stiones mirè sunt, vt Quintilianus Lib. 1. c. 4.
ait, ad exercitationem dicendi spe-
ciosè, atque vberè: ad instituendas
verò declamationes adolescentibus
accommodatissimè, cum ab eis eadē
quæstio in vtramque partem tracta-
ri possit. Vt si alter contra poesim,
alter pro poesia dicat. Item si è duo-
bus propositis in vtro maior sit di-
gnitas quærat. Vt vtrum poetica,
an oratoria ars hominis sit dignitate
dignior. Vtrum literarū, an militiæ
sit præstantius studiū. Et quidē ipse Quint., li.
10. c. 5.
Cicero iam princeps in Repub. ijs se
exercere solebat. Magna autem est
inter Thesin, ac Locum communem
similitudo; Sed hoc tamen differunt;
quòd Locus communis ad amplifi-
candam, & augendam causam assu-
mitur: Thesis ad amplificandam &
probandam.

De

*De Leg.
lib. 1.*

lib. 2, c. 4.

Legislatio, siue legis inductio, est oratio, qua legem aliquā vel comprobamus, vel confutamus, ac reprehendimus. Est autem lex, ut definit Cicero, ratio summa insita à natura, quæ iubet ea, quæ facienda sunt, prohibetque contraria. At que hoc quidē exercitationis genus summis propè oratorijs operib⁹ adscribit Quintilianus, quippè quod ad iudiciales causas proximè accedat. Differt autē ab Hypothesi, hoc est, causa, quod in hac certa persona ponitur: in legislatione verò personam quidē exprimimus, sed incertam, aut non omnibus notam. Differt etiam à Thesi, hoc est, proposito, quatenus personæ figuram habet, quæ in Thesi nulla est. Est igitur Legislatio duplex: Comprobatio propositæ legis, vel confutatio. Tractatur verò primum proœmio, quod constare poterit
breui

breui ipsius legis vel laude, vel vituperatione. Huic subiicietur contrarium, ut aliquod scilicet argumentum ex eo, quod contrarium sit legi, eliciatur, ad eam vel confirmandam, vel reprehendendam. Deinde ex his locis reliquam aut probationem, aut confutationem petes. Legitimo, ut id ipsum legibus, vel diuinis, vel humanis cautum esse doceamus: Iusto, ut legis æquitatem ostendamus. Vtili, ac Possibili, quibus rei utilitas, facilitasque proponatur. Si quid verò obijci possit, eidem nobis occurrendum, ac respondendum erit. Cum reprehendenda lex est, loca erunt superioribus contraria. Atque hæc quidem sunt progymnasmata illa, siue præexercitationes oratoriæ, quibus Quintilianus adolescentes exercendos putat, ante quam oratorię facultatis artem tractare incipiant. Quoniam verò omnis oratio

notus incul-

inculta est, atque horrida, quam nullus verborum ornatu concinnet, nulla sententiarum lumina illustrent, atque quę adhuc tradidimus, inuentionis, dispositionisquę sunt, addere etiā oportebit aliquid, quod ad elocutionem pertineat, vt habeant adulescentes non modò res inueniendi disponendiquę præcepta, sed etiam eloquendi.

De ornatu orationis. Cap. 17.

Cicero. 3.
de Orat.
Quint. li.
8. c. 3.

Omnis orationis ornatu, aut est in singulis verbis, aut in conuictis. Verba aut propria sunt, & cetera quasi vocabula rerum, aut translatiua. Propria alia sunt natura sua consonantiora, grandiora, pitidiora; alia contra: vt grandius est, contrucidare, quam occidere. Hęc tamen materię, de qua agitur, modò cernenda sunt: quod enim alibi magnificum, tumidum alibi; & quę humilia circa res magnas, apta, circa res minores, videntur.

videntur. quare aurum ferè iudicio
quodam sunt ponderanda. Atque sa-
tis hoc sit de verbis proprijs dixisse,
nunc de Tropis, quibus verba trās-
feruntur dicamus.

De Tropis. Cap. 18.

Quint. 8.
c. 6.

TRopus est verbi, vel sermonis à
propria significatione in aliam
cum virtute mutatio; vt cum dici-
mus: lætas segetes, verbum lætus
à propria significatione, qua lætos
homines dicimus, ad segetes cum
virtute transfertur. Sunt autem Tro-
pi numero undecim: Metaphora,
Synecdoche, Metonymia, Anto-
nomasia, Onomatopœia, Catachrê-
sis, Metalepsis, quæ septem in vno
sunt verbo: quatuor reliqua in ora-
tione, Allegoria, Periphrasis, Hy-
perbaton, Hyperbole: de quibus,
tametsi nōdum de eo dicimus orna-
tu, qui ex coniunctis, continuisque
verbis constat, breuiter scriben?, ne
iterum

Ad Her.

lib. 4.

iterum de tropis differere cogamur.

Metaphora Græcè, Latinè translatio, tropus est, cum verbum in quamdam rem transfertur ex alia propter similitudinem. Est autem quadruplex metaphora: nam aut animatum pro animato ponitur. Vt Verres cupere aliqua euolare: vel inanimè pro inanimis: vt Effundere honores in mortuos. Vel inanimè pro animato: vt Columna Reipu. Pro pugnacula imperij. Vel deniq; animatum pro inanimis: vt Tabulæ se corruptas esse clamabant. Ex hoc autem postremo genere mira quædam sublimitas oritur, cum rebus sensu carètib; actus quidam, & animus datur.

Quint. li.

3. c. 9.

Synecdoche tropus est, in quo ex parte totum, aut contra; aut ex antecedentibus sequentia intelliguntur. Quæ descriptio octo illos modos complectitur, quibus fit Synecdoche. Ex parte totum intelligimus;

cum

cum pro domo parietes, aut tecta dicimus: mucronem pro gladio. Vel cum ex vno plures significantur, vt Romanus prælio victor, pro Romanorum exercitu. Vel genus ex forma, hoc est, parte illi subiecta, vt Sica pro quouis telo: pestis pro quouis malo. Vel ex materia res vniuersa; vt Ferrum pro gladio: Pinus pro nauis. Contra verò ex toto pars declaratur, vt Virgilius.

fontemque ignemque serebant.
Aut cū ē pluribus vnus intelligitur, vt Cicero. Nos nos Consules desumus: cū de se tantū loqueretur. Aut ē genere pars illi subiecta, vt Tulum pro gladio. Ex antecedentibus demum sequentia monstrantur, vt vt cū ait Virgilius.

Et iam Sol altius crescentes duplicat umbras.
Animaduertendum autem est, quomodo hoc tropo Poetæ, quomodo vtatur oratores: illis enim familiaria

Progymnasmata, siue

Multa sunt, quibus uti oratori non licet.

Quint. lib.
1. c. 6.

Metonymia est tropus, in quo causas per effecta, vel effecta per causas, vel ex eo quod continet, id quod continetur: vel res est signo intelligimus. Per causas effecta declaramus, cum inuictor, aut alicuius rei auctor pro re inuenta ponitur, ut Plato, vel Aristoteles pro eorum scriptis. Ex effectis causa significatur; cum sacrilegium deprehensum, aut scelus dicimus, pro sacrilego, & scelerato. Ex eo quod continet, id quod continetur, ut Bene morate urbes, pro ciuib. Roma pro Romanis. Huc referuntur etiam illa cum ex possessore res, quae possidentur, aut ex duce exercitus significatur. Sic hominem deuorari, cuius patrimonium deuoratur. Et ab Annibale apud Cannas caesa sexaginta milia militum dicimus, id est, ab eius copiis. Et signo denique res monstratur.

vt cum Toga pro pace; fasces vsurpantur pro magistratu.

Antonomasia ponit aliquid pro nomine, vt Euerfor Carthaginis, & Numantia, pro Scipione. Quint. lib. 8. c. 6.

Si nomē ipsum addas, iam non Antonomasia erit, sed Epitheton, seu, vt Cicero appellat, appositum, vt si dicas, Scipio Carthaginis euerfor, atq; Numantia.

Onomatopœia, id est, fictio nominis, Latinis vix permittitur, cū Grecis inter maximas virtutes habitasset. Quint. lib. 8. c. 6.

Hinc veteres multa sūxerunt vocabula aptantes affectibus nomen, vt Mugitus, Sibilus, Murmur. Nūc verò hoc genere vtendum non est, nisi per raro, & commodè.

Catachresis, quæ & abusus dicitur, nō habetib? nomē suū accommodat, q in proximo est. Sic parricida matris quoq; , aut fororis interfectior dicitur, cū patris interfectorem significet. Atque hoc inter metaphoram, Quint. lib. 8. c. 6.

Abusionem interest, quod abusio
à rebus propinquis nō habentibus
nōmen accommodat; metaphora ve
rō etiā habentibus vnde cunque pro
pter rei similitudinem alienum no
men asciscit.

Quint. 11.
8. c. 6. Metalepsis, id est transumptio ex
alio in aliud velut viā præstat. Tro
pus autem est rarissimus, & maxi
mè improprius. Virgilius.

Post aliquot mea regna vides mirabor an
stas.

Vbi aristas pro annis posuit, grada
tim ascendens ab aristis ad spicas, à
spicis ad segetes, ab his ad cistates, ab
æstatibus ad annos.

Quint. 11.
8. c. 6. Allegoria, quam inuersionem in
terpretamur, aliud verbis, aliud sen
su ostendit, ac etiā interim contra
rium. Duplex autem est allegoria,
aut tota, aut permixta. Tota, ut Cicer
De Ar.
resp. Ista serpens, quæ tum hic delitescis
tum se emergit, elisa monetur. Per
mixta

mixta, ut pro Milone. Et quidem ceteras tempestates, & procellas in illis duntaxat fluctibus concionum semper Miloni putavi esse subeundas. Ac permixta quidem multo frequentior in oratione est. Cum verbis contraria ostenduntur, ironia est, quod aut pronunciatione intelligitur, aut persona, aut rei natura. Ut Cic. Verres homo sanctus, & diligen.

Pro Mil.

Quint. II.

8. c. 6.

2. 2. 2.

7

Periphrasis, quæ circuitio Latine dicitur pluribus verbis explicat, quod uno, aut paucioribus dici posset. Tropus est poetis frequentissimus, & apud oratores non rarus. Cic. Fecerunt id servi Milonis, neque imperante, neque sciente domino quod suos quisque servos in tali re facere voluisset.

Quint. II.

8. c. 6.

Pro Mil.

2. 2. 2.

2. 2. 2.

Hyperbaton Latine transgressio, tropus est solis poëta concessus, qui verba diuidit. Virgilius.

Quint. II.

8. c. 6.

-- Hyperboreo septem subiecta trioni.

L 3

Quod

184 or

Quod oratio nequam recipit.

Quint. li.

2. 6.

Hyperbole est ementiens superis
Etio, cuius virtus tum in augendo,
tum in minuendo cernitur, ut Virg.

Agnei. 5.

Ecl. 3.

Fulminis ocyor alis.

Idem. Vix ossibus hercat.

Sed tam in augendo, quam minuen-
do modus quidem seruandus est. Et si
enim omnis Hyperbole est ultra
fidem, non tamen esse debet ultra
modum.

De ornatu, qui est in verbis coniu-
ctis. Cap. 19.

Cicero. 3.

de Orat.

PERPETUAE orationis ornatus in est
primum in ipsa coniunctionis le-
nitate, ac numerorum; deinde in ver-
borum, sententiarumque luminib⁹,
quibus distinguenda illa est, & fre-
quentanda. Ac de his quidem post
tropos aptissime dicemus: deinde
de collocati one, coniunctioneque ver-
borum: postremo de oratorio nu-
mero.

De figuris. Cap. 20.

Figura est confirmatio quædã orationis remota à communi, & primũ se offerente ratione. Differt autem tropus à figura: quod tropus, ut eius indicat definitio, proprijs verbis fieri nõ potest, figura potest. Figurarũ, quæ orationis lumina appellat Cic. duo sunt genera; vnũ verborum, alterũ sententiarũ: inter quæ illud interest, quòd verborum figura mutatis verbis tollitur; sententiarum permanet, quibuscunq; verbis vti velis. De numero, nominibusq; figurarum inter scriptores non conuenit; nec verò esse certus numerus potest cum nouæ quotidie figuræ excogitari queant. Ac figuræ quidem verborum tribus maximè modis sunt, adiectione, detractiõne, similitudine.

Quint. II.
9. c. 1.

Quint. I.
9. c. 7.

Repetitio est, cum ab eodem verbo ducitur sæpius oratio, Cice.

In Ver.
Accu. 1. Verres calumniatores apponebat.
Verres adesse iubebat: Verres cognoscebat: Verres iudicabat.

Phil. 5. Conuersio est, cum in idem verbū coniicitur sæpius oratio. Cic. Dole-
tis tres exercitus populi Rom. inter-
fectos? interfecit Antonius. Deside-
ratis clarissimos ciues? eos quoque
vobis eripuit Antonius. Auctoritas
huius ordinis afflictæ est? afflixit An-
tonius, &c.

De leg.
Acc. 2. Complexio est, quæ repetitione,
& conuersionem complectitur. Ci-
ce, Quis legem tulit? Rullus. Quis
maiorẽ populi partem suffragijs
priuauit? Rullus. Quis comitijs præ-
fuit idem Rullus.

Conduplicatio est, verborum gene-
r. 1. 1. 2.

minatio, quæ habet interdum vim, c. 7. 7. 4
 leporem aliàs. Geminantur autè ver-
 ba modis pluribus. Aut enim idem
 verbum iteratum ponitur, idque vel
 continenter, vt Cice. Confiteretur, Pro Mil.
 confiteretur Iud. Vel aliquo verbo
 interposito, vt Cum vestros portus, pro leg.
 atque eos portus, &c. Aut idem ver- Nian.
 bum initio positum refertur ad ex-
 tremum. Idem. Potes domesticę lau- in. Ver.
 dis amplitudinem Scipio tueri, por-
 tes. Aut continenter idem verbum Pro Lig.
 non in eadem sententia ponitur. Idē
 Principū dignitas erat pene par, nō
 par fortasse eorum, qui sequeban-
 tur. Aut post aliquā interiectionem
 repetitur. Idem. Bona (miserum me, Phil. 2.
 consumptis enim lacrymis tamē infi-
 xus animo hæret dolor) bona, inquā
 Gnei Pōpeiij acerbissimę voci sub-
 iectæ præconis. Respondent etiam
 interdum media primis, vt Virgil.

Tenemus Angitiæ, vitrea te Fucinus Acneid. 7.

In Ver. 1. Interdum ultimis. Cice. Hæc na-
tis onusta ex præda Siciliensi, cum
ipsa quoque esse ex præda. Interdum
sententia tota repetitur. Ibid. Quid
Cleomenes facere potuit? (nō enim
possum quēquam in simulare falsō)
quid inquam, Cleomenes magnope-
re facere potuit?

De Arch. Traductio est, cum verba paulu-
lum immutata ponantur Cicero. Ple-
ni sunt omnes libri plenz sapien-
tium voces, plena exemplorum ve-
tustas.

Synonimia est, cum plura verba
idem significantia congregantur. Ci-
De Cat. 1. cero. Abijt, excefsit, erupit, euasit.
Et cum non modò verba, sed sen-
sus quoque idem facientes coarct-
De M. 10. uantur. Idem. Perturbatio istū mem-
tis, & quædam scelerum offula cas-
ge, & ardentes furiarum faces ex-
tarunt.

Poly syndeton est, schema, quod
conne-

coniunctionibus abundat. Virg.

— Tectumque larēque.

Geor. 3.

*Armaque; Amyclaeumque; acnem, Cressaque
pharetram.*

Gradatio est cum gradatim sursum
versus reditur. Cice. In urbe luxu-
ries creator, ex luxuria auaritia exi-
stat necesse est, ex auaritia trumpat
audacia.

Pro Ros.
Amerin.

De figuris, quae detractioe fiunt.

Caput. 22.

De Pro.

Consul.

Dissolutio, quam articulum alij
vocant, est, cum, demptis coniu-
ctionibus, dissolutè plura dicuntur;
siue verba, siue sententiae. Cice. Sit
in eius tutela Gallia, cuius virtuti,
fidei, felicitati commendata est. Idē.

De Pro.
Consul.

Hæc studia adolescentiam alunt, se-
nectutem oblectant, secundas res or-
nant, aduersis perfugium præbent,
delectant domi, non impediunt for-
is, pernoctant nobiscum, peregrin-
antur, rusticantur.

Pro Arch.

De Ros.

Ad-

Aduinctio est in qua vnum ad verbum plures sententiæ referuntur. Id accidit vel præposito verbo Cic.

Pro Mur. Cedat forum castris, otium militiæ, stylus gladio, vmbra soli. Aut illa-

De Tull. to, quo plura claudantur, Idem. Cuius in Sicilia virtutem hostes, misericordiam victi, fidē cæteri Siculi perspexerunt. Medium quoque potest

In Ver. esse, quod & prioribus, & sequentibus sufficiat. Idem. Saluti potius eorum consulā, quā volūtati. Quod cum sit coniunctio figura est.

Pro Arch. Disiunctio est, cum eorum, de quibus dicimus vnum quodque certo concluditur verbo. Cic. Homerum Colophonij ciuem esse dicūt suum Chij suum vendicant: Salaminij repetunt: Smyrnæi verò suum esse confirmant.

Synecdoche, quam præcisionem vocat auctor ad Heremum, non tropus, sed figura est, cum subtractum aliquod

aliquod verbum satis ex cæteris intelligitur. Cic. ad Brutum. Sermo nullus scilicet nisi de te, quid enim potius?

Syneciosis est, quæ duas res diversas colligit hoc modo. Tam deest auaro quod habet, quam quod non habet.

De figuris, quæ similitudine fiunt.
Caput. 23.

ANnominatio est, cum paululum immutata verba, atque deflexa in oratione ponuntur. Fit autem multis modis. Adiectione. Cic. Si in hac calamitosa fama, quasi in aliqua perniciosissima flamma. Detractione. Idem. Qui cum multa vita excedens providit, tum quod te Consul non vidit. Comutatione. Idem. Non emissus ex vrbe, sed immissus in urbem. Translatione. Idem. Videte Iud. verum homini navo, an vano credere malitis. Hæc figura alioqui levis sententiam

Pro Cl.

Phil.

In Cat.

tiam

Pragmatisata sunt

sententiarum pondere implenda est.

Similiter cadens exornatio est, cum in eisdem casus verba cadunt. Cice.

Pro leg.
Man.

Primum quanta innocentia debent esse Imperatores? quanta deinde in omnibus rebus temperantia? quanta felicitate? quanto ingenio? quanta humanitate? Idem. Hunc ego non diligam? non admirer? non omniratione defendendum putem? Casus autem tam verborum intelligitur, quam nominum.

Pro Arch.

Similiter desinens est, cum sue in nominibus sue in verbis, sue in illis, quæ non declinantur similes

Pro Milo.

exitus sunt. Cicero. Non modo ad salutem eius extinguendam, sed etiam gloriam per tales viros infringendam. Differt hæc figura a superiore, quod similiter cadens in nominibus solum, ac verbis similes habet casus; similiter desinens in omnibus orationis partibus similes potest habere.

Lucr.

bere exitus: vt Audacter terribitas, Humiliter placas.

Compar figura est, quæ habet mēbra orationis quæ constant ex pari serē numero syllabarum. Cic. Ita tantum bellum, tam diuturnum, tam longē, late quē dispersum, quo bello omnes gentes tenebantur. Gn. Pompeius extrema hyeme apparauit, in eunte vere suscepit, media æstate confecit.

Contrapositum, vel, vt quidam vocant Contentio, pluribus fit modis: Nam & singula singulis opponuntur. Cice. Vicit pudorem libido, timorē Pro Car. audacia, rationem amentia. Aut binabinis. Idem. Non nostri ingenij, Pro Clu. vestri auxilij est. Aut sententiæ sententiis. Idem. Odit populus Romæ priuatam luxuriam, publicam magnificentiam diligit. Et crebra crebris. Est enim lex non scripta, sed nata lex, quam non dedimus, accepi

accepimus, legimus; verum ex natura ipsa arripuimus, hausim⁹, expressimus.

Pro Ros. Aem.
Pro Clu. Commutatio est, cum duæ sententiæ inter se discrepantes ita efferuntur, ut à priori posterior contraria priori proficiatur. Cicer. Laborem quæstus recepit; quæstum laboris reiecit. Et. Ut sine invidia culpa plectatur, & sine culpa invidia ponatur.

Atque hæc de verborum figuris in quibus illud notandum est, multarum frequenter cadere in easdem sententias. Quas quidem & parcè, & cum res poscet, & cum varietate adhibere debet, qui iucundiores velit facere orationem. Nam si eis immodicè, & sine iudicio utatur, ipsam illam gratiâ varietatis amittet. Sciedum igitur in primis; quid quisque in orando postulet locus, quid persona, quid causa.

De Figuris sententiarum. Cap. 14.

Interrogatio figura est, quoties nõ
 sciscitandi gratia, assumitur, sed in-
 standi. Cice. Quousque tanemabu- *In Cat. 1.*
 tere Catilina patientia nostra? & Pa- *1. 1. 1.*
 tere tua consilia non sentis? Quan-
 tõ enim magis ardet, quàm si dicere-
 tur. Diu abuteris patientia nostra,
 &c. Interrogamus etiã quod negari
 nõ possit Idem. Nã quero ex te, cir- *In Veri.*
 eumfessus ne sis Lãpsaci. Aut vbi re-
 spondedi difficilis est ratio. Quomo-
 do? Quĩ fieri potest? Servit etiã in-
 tidiç. Idem. Et erit dignior in terris *Pro Mil.*
 locus, qui hanc virtutem excipiat,
 quã is, qui procreavit? Et miseratio-
 ni. Ibidẽ. Retiocare tu me in patriam
 Milo potuisti, ego te per eosdem re-
 tinere in patria non potero? Et admi-
 rationi. Idem. Quæ species Italiae? *Ad Quir.*
 quæ celebritas oppidorum? quæ for-
 ma regionum? qui agri? quæ fruges?
 Et indignationi. Id. Tantene tuæ *In Veri.*

M

Verres

Pro leg.
Man.

In Ver.

Pro leg.
Man.

Pro Lig.

In Ver.

Verres libidines erant? Et hortatio-
ni. Idem. Et quisquā dubitabit quia
huic tantum bellum hoc transmi-
tendum sit? Et ipsi nos rogamus. Idē.
Iam verò in rerum capitalium que-
stionibus quid ego vnamquaque
rem eligam?

Responso figura est, cum aliud in-
terroganti aliud respondemus, quia
sic vtilius est: vel augendi criminis
causa. ut Testis in reum rogatus, an
a reo fustibus vapulasset, & innocēs,
inquit. Tum declinandi, quod est
frequentissimum. Quæro an occi-
deris hominem? respondet latronem.

Subiectio est, cum orator vel in-
terrogat seipsum, & respondet sibi,
vel cum alium rogauerit, non expec-
tat responsum. Cic. Apud quem igitur
hoc dico? nempe apud eum, qui
cum hoc sciret, tamen me antequam
vidit Reip. reddidit. Idem. Quid na-
mque vitiosum opus fieret? Acerat pro
batio

batio tua: ne parum locuples esset?
at erat, & esset amplius, si velles.

Occupatio, quā Quintilianus præ
sumptionē, Græci Prolepsin dicunt,
est cum id quod obijci potest, occu-
pamus: ut in Divinatione. Si quis ve-
strum lud. miratur: quo orationis ex-
dio Cicero rationem reddit, cur ad
necessarium descendat; qui semper
defenderit, quod illi obijci posse
videbatur. Vide totum exordium.

In exor-
dio.

11 or 1

Correctio est, quæ tollit sententiā
& aliam quæ magis idonea videtur,
eius loco reponit. Cic. Italiam orna-
re, quā domum suam maluit; quan-
quam Italia ornata, domus ipsa vi-
detur ornatio. Aut verbum tollit,
& corrigit. Cicero. Non enim fu-
rem; sed raptorem: non adulte-
rum; sed expugnatorem pudici-
tiæ: non sacrilegum, sed hostem sa-
crorum.

Ad 3. m
Ver.

Dubitatio est, cum utrum de duo-

bus

Prozumnasmata, siue

In Pis. bus potius, aut de pluribus dicat primum, quidue prætermittat, quæ orator. Cicc. Nam quid ego de Consulatu loquar parto bis? an ne gesto?
Pro Ros. Ame. & pro Ros. Ame. Quid primum querar Iudices? &c.

Pro Rab. Communicatio est, quasi cum ijs, apud quos dicās, deliberatio. Cicer. Tu denique Labiene quid faceres in tali re, ac tempore?

In Cat. 1. Permissio est, cum alicui rei vehementer confidimus, & ostendimus nos eam tradere, atque concedere alicuius voluntati. Cicc. Quid expectas? proficiscere, nimirum iam diu te Imperatorem illa tua Manliana castra desiderant.

In Ver. 7. Concessio est, cum aliquid etiam iniquum videtur orator pati, atque concedere, ut quæ deinde dicturus sit, grauiora videantur. Cicc. Leuius hæc in hoc reo crimina metum virgatum Nauarchus nobilissimæ ciuitatis

nitatis pretio redemit; humanū: alius ne damnaretur pecuniam dedit; vſitatum eſt: non vult populus Romanus obſoletis criminibus accuſari Verrem.

Ironia eſt, cū contra, ac dicas, accipi, & ſentiri velis. Differt à tropo, quòd tropus breuior eſt, & apertior: at in figura totius voluntatis fictio eſt. Cice. pro Liga. Nouū crimen. C. Cæſar, & ante hunc diem inauditum, & totum illud exordium.

Suſtētatio eſt figura, qua diu ſuſpēduntur auditorum animi, atque aliquid deinde inexpectatum ſubiungitur. Cice. Quid deinde? quid cenſetis? furtum fortasſe, aut prædam aliquam: deinde ſubiungit, quod erat improbius. Interdum etiam re aliqua exaggerata, ad aliquid leuius deſcenditur.

Licentia eſt, cū apud eos, quos aut vereri, aut metuere debet ora-

Pro Lig.

*Ad. 7.
in Ver.*

Pro Lig.

tor, tamen aliquid pro suo iure dicit, quod eos minimè offendat. Cicero. Vide quàm non reformidens, vide quanta lux liberalitatis, & sapientiæ tuæ mihi apud te dicenti oboriatur. Quantum potero voce contendam, ut hoc populus. Rom. exaudiat. Suscepto bello, Cæsar, gesto etiam magna ex parte, nulla vi coactus, iudicio meo, ac voluntate ad ea arma profectus sum, quæ erant sumpta contra te.

ph. 3. 7.

Præmunisio est, cum aliquid necessarium dictu, & insuauè audientibus, aut odiosum nobis dictum sumus, id ipsum præmunimus. Cicero. Quemadmodum accepturi P. C. sitis horreo: sed pro mea perpetua cupiditate vestra dignitatis retinendæ & augendæ quæso, oroq; vos. &c.

Comemoratio est, cum orator verfat sæpè multis modis, atque expolit vnâ, & eandem rem, & hinc

ret.

ret in eadem, commoraturque sententia. Cicero. Tu ingredi illam domum ausus es? tu illud sanctissimum limen intrare? tu illarum ædiû Dijs Penatibus os importunissimû ostendere?

Hypotiposis est illustris explanatio, rerumq; quasi gerantur sub aspectum pene subiectio, qua vel præterita, vel futura, loca, tempora, personæ describuntur. Cicero. Ipse inflatus scelere, ac furore in forum venit, ardebant oculi, toto ex ore crudelitas emicabat.

Ethopœia est morû alienorû, sermonumq; descriptio: nam & in factis versatur, & dictis. Cic. pro Sext. Quint. li. 3. c. 1.

O Dijs boni quam teter incedebat, quam truculenter, quam terribilis aspectu. Et pro Mil. Valeant, inquit, Pro Mil. valeant ciues mei, sint incolumes, sint florentes, sint beati, &c.

Prosopopœia est personæ fictæ in

ductio, vt cūm Rempub. loquentem facimus, aut aliquem excitamus ab inferis, eique orationem tribuimus non abhorrentem a dignitate; mutis ipsis rebus sermonem damus, vt famæ, aut virtuti, aut volupaati. Cic.
In Cat. 1. Etenim si mecum patria, quæ mihi vita multo est charior, si cuncta Italia, si omnis Respub. sic loqueretur, M. Tulli quid agis? & quæ sequuntur.

Reticentia, seu præteritio est, cūm dicimus, nos præterire, aut nolle dicere, quod tū maxime dicimus. Cic.
In Ver. At quem hominem, Cai Verres, tanta, tam insigni iniuria affecisti? non dicam amicum tuū, quod apud nos omnes charissimum est: non hospitem. & quæ seq.

Apostrophe est conuersio orationis ab eis, ad quos habetur, aut ad præsentem, aut ad absentem, aut ad Diuos. Cic. Vos enim Albani tum

li, atque luci, vos, inquam, imploro,
atque obtestor, &c.

Aposiopesis, quam nonnulli interruptionem appellât, affectus animi ostendit, vel iræ, ut Virgilius.

Quos ego, sed præstat motos componere fluctus.

Vel solitudinis, & quasi religionis. Cice. An huius ille legis, quam Pro Mil.
Clodius à se inventâ gloriatur mentionem facere ausus esset, vivo Milone, ne dicam consule? de nostrum enim omnium, non audeo totum dicere.

Empasis est, quæ plus ad intelligendum, quàm dicitur, relinquit Virgilius de Cyclope loquens.

-- lacuitq; per antrum Immensum.

Vbi prodigiosam illam corporis magnitudinē e loci spatio intelligimus.

Distributio est, cum aliquid in partes plures tribuitur, quarum unicuique ratio deinde sua subiungitur, ut

M 5 Ale-

Alexandro Macedoni neque in deliberando con silium, neque in præliando virtus, neque in beneficio benignitas deerat. Nam cum aliqua res dubia accidisset, apparebat sapientissimus; cum autem confligendum esset cum hostibus fortissimus; cum verò præmium dignis tribuendum, liberalissimus.

De præcatio, quam vel osecrationem, vel obtestationem alij appellant est, cum opem vel ab hominibus,

Pro Deo. vel à Diis petimus. Cic. Per dextram istam oro, quam regi Dciotaro hospes hospiti porrexisti.

Pro Mil. Optatio est, qua bonum alicui precamur. Cic. Utinam Di immortales fecissent, &c.

Pro Deo. Execratio superiori contraria est, qua malum imprecamur alicui. Cicero. Di te perdant fugitivum ita non modo nequam, sed fatum, & amens, &c.

Epiphonema est rei narrata, vel probata summa acclamatio. Virgilius.

Tanta molis erat Romanam condere gentem. Aeneid. i.

Exclamatio est, quæ conficit significationem aut doloris, aut indignationis, aut admirationis, aut letitiae, aut aliquem denique alium, grauem animi motum declarat; idque aut narrata re, aut amplificata; valet autem plurimum ad exercitandos motus animorum. Cic. O spectaculum miserum, atque acerbum.

Transitio est, quæ cum breuiter ostenderit, quid dictum sit, proponit breuiter quid sequatur. Cicero. Satis multa de turpitudine; dicam deinceps, quæ exposui de periculo, &c.

Phil. 7.

Quoniam de genere belli dixi, nunc de magnitudine pauca dicamus. Atque hæc de tropis, & figuris breuiter quidem pro instituti nostri ratione; quibus non temerè utendum est, sed

pro leg.

Man.

dili-

diligenter videndū potiūs, ne alieno loco ponantur, ne eadē semper, sed vt mira varietate distinguatur oratio

De Collocatione. Cap. 25.

Cice. 3. de Orato.

Collocatio erit optima si vinctā orationem efficiet, si cohærentem, si lenem, si æquabiliter fluentē. In ea necessaria sunt ordo, & iunctura. Ordinis observatio est in singulis verbis, & in contextis. In singulis cauendū est, ne decreseat oratio, & fortiori subiungatur aliquid infirmius; vt sacrilego fur, aut latro in petulans. Verbo sensum claudere si consuetudo patiat, lōgē optimum est. Iunctura concinna erit, & elegans si verba extrema cum consequentibus primis ita iungamus, vt neue asperē concurrant, neue vāsius diducantur; vt exercitus Xerxis. Ars studiorum. Neue huiusmodi reddat orationem vocalium concursus; vt viro optimo obtemperare.

Quod

Quod tamen neque semper negligere, neque ubique perhorrescere debet orator. Breuium præterea verborum, ac nominum vitanda continuatio est, ne cōpositio minuta sit, atque cōcisa: contra verò longorum, ne fiat tardior. Illa quoq; vitia sunt, si cadentia similiter, & similiter desinentia, & eodem modo declinata multa iungantur. Nec verba quidem verbis, aut nomina nominibus, similiaque his continuari debēt: cum virtutes etiam ipsæ tædium pariant, nisi gratia varietatis adiutæ. Quæ omnia maximam quidem inijs desiderant diligentiam; sed stylus tamen exercitatus facilem efficiet hęc componendi viam.

De numero oratorio. Cap. 26.

INter oratorium numerum, ac poeticum plurimum, interēst: oratorium Græci Rhythmum, poeticum metrum vocant: & cum vterq; con-

stet

stet pedibus, non vtriusque tamē eadem est ratio. Versus enim, qui poetico constat numero certis legibus astrictus est, ut nihil fiat extra præscriptum: at in oratione nihil est certum, nisi ut apte verbis comprehendatur sententia, Itaque nihil refert in oratione Dactylone utaris, an Anapaesto, cum eodem temporum spatio vterque constet. in versu pro Dactylo ponere non potest Anapaestus.

De pedibus, qui sunt oratoris compositioni maxime appositi. Cap. 27.

Pedes duarum syllabum.

Spondens constat duabus syllabis longis, ut Mittunt.

Iambus breui, & longa, ut Amant.

Choreus longa, & breui, ut Munus.

Trium syllabarum.

Dactylus longa & duabus breuibus, ut Pondere.

Anapaestus duabus breuibus, & longa, ut Diminos.

Creticus.

Creticus longabreui, & longa, ut Commu-

Quatuor syllabarum.

Pæon primus longa, & tribus breuibus, ut

Temporibus: Pæon quartus tribus breuibus & longa, ut

Calamitas. Quinque syllabarum.

Dochimus constat ex iambo & cretico. ut

Reipublicæ. Qui pedes cuique periodi loco aptiores sunt. Cap. 17.

TOta periodus numerosa esse debet: falluntur enim qui censent, sadere tantum numerosè oportere, terminarique sententiam. Sed non omnes omni loco apti sunt pedes. Atque initio quidem periodi illi ab optimis auctoribus apti censentur, Dactylus, Pæon primus, Anapæstus, Creticus, Dochymus, Spondeus, Pæon quartus tum singuli, tum permixti. In finem periodi, qui maxime

ximè numerosus esse debet, illi pedes, optimè cadunt Iambus & Dispondeus. Dichoreus, Creticus & Spodeus; Creticus geminat⁹. Pæon primus & Spondeus: Spondeus, & duo Cretici. Creticus & Anapest⁹: Anapestus, & Dactylus. In media periodo, ut Cicero sentit, oēs esse debēt permixti, & quasi confusi pedes. Videndum igitur est, ne aut breues, aut longæ syllabæ nimium frequententur, sed aliæ alijs commisceantur ac temperentur. Cum vero res celeritatem desiderat, aptus est Tribrachus, qui tribus breuibus constat: sin gravitatē, Spondeus. Fugendum autē esse versum in oratione, omnes dicēdi magistri docent; Cic. etiam versus similitudinem. Sed iam quæ præceptis docuimus ipsis ea singulorum progymnasmatum exemplaribus, quantum puerilia ingenia postulant, exprimamus: ad quæ nos
styli

styli facilitate accommodare maluimus, quàm gravitate orationis, exquisitaque eruditione orationē ipsam rudibus pueris obscuriorem reddere.

PROGYMNASTI- tum exempla ex superiori- bus præceptis.

Fabula ex Aesopo desumpta.

Leo senio confectus, cum suppedicare sibi cibum non posset, decrevit id astu quærere. Itaq. profectus ad antrum quoddam, & deiectus simulabat eorotare. Aduenientes igitur animantes visitationis gratia comprehensas deuorabat. Multi igitur assumptis animantibus, vulpes, ea arte cognita, accessit ad ipsum, & stans extra speluncam rogabat, quomodo se haberet, cum autem is dixit, Male causamque rogaret, quomobrem non ingrederetur, vulpes ait. Quia me vestigia terrent.

Progyrnasmata, siue

*Omnia te aduersum, spectantia nulla re-
trorsum.*

Significat fabula, prudentes homi-
nes coniectura præuisa pericula vi-
tare.

Fabulae suis locis dilatande.

Exemplum.

Exordium
à laude.

Nulla præstantior est hominum
animos bonis moribus imbuen-
di ratio, quam quæ ita docet, vt præ-
claram simul doctrinam ingenijs af-
ferat, & animos ipsos afficiat volu-
ptate: Quæ enim grata, atque iucun-
da sunt auditu, ea & studiosius exci-
piuntur auribus, & auidius attripiun-
tur, & multò firmius mentibus, at-
que animis inhærescunt. Quæ docen-
di facultas, vt præclarissima, sic etiã
singularis ingenij est, maximæque
prudentiæ. Quo in genere. num-
quam satis dignè laudari potest Ac-
sopus ille, qui in fabulis confin-
gendis mira eruditione plenissimis
suum

Yū illud excellens ingeniū, & prudentiam eximiam ostendit. Lepida enim rerum fictarum narratione, & vtilia communi hominum vitæ, & animorum saluti maximè salutaria præcepta tradidit. Ex quibus quidē fabulis non minus vtilis, quàm elegans, & ingeniosa illa est, quam de leone, ac vulpe confinxit. Qua nimirum docet, in rebus gerendis prudentes homines esse debere; atque ita se gerere, vt neq; leuiter moueantur, & omnia attenta consideratione perpendant: quid fraudis, ac doli, aut quid denique periculi in quacūque re latere possit, odorantur, & ex signis, coniecturisq; provideant. Leo, inquit, fortissimum, ac ferocissimum animal Rex, atque princeps animantium reliquarum. cum fame aliquando pene confectus victimam sibi comparare nō posset, experiri voluit, num calliditate, atque

Ab expositione.

A leonis naturæ

fraudibus ad tuendam vitam, ac sustentandam plus valeret, quam viribus, quam potentia, atque in vniversum animantium genus valuisset imperio. Itaque morbum simulans in antrum se includit, humi sternitur questibus implet totum illum locum, ac breui agtæ suæ valetudinis rumores spargit in vulgus. Vix eā ex antro fama manarat, cum animantes plurimæ, quæ in abditissimis locis ipsius leonis metu latitabant, se è latibulis efferunt, atque in lucem dāt: nihilq; doli, nihil fraudis suspicantes certatim ad antrum leonis inuisendi causa concurrūt: vbi sæuissimus leo nullo negotio feras plurimas laniare, ac deuorare potuit, qui nullas antea vrgēte, ac stimulante fame, aut capere, aut inuestigare potuisset. Hæc eadē affectæ Regiæ valetudinis ad vulpis aures fama peruenit; sed animantium callidissima non facile rumoribus

bus credit, & quamuis audit, leonis antrum à reliquis feris frequentari, regemq; suum periculosè decumbentem inuisi, ipsa tamē nihil mouetur; & in tam subito morbo plus simulationis, ac fraudis, quàm veritatis inesse suspicatur. Nosco, inquit, leonis immanitatem, nescio crudelitatem, atque tyrannidem, qui vsque adeo saeuire solet in suos, ut eorum sanguine, carnibusq; pascatur. Quoties ego iam latebris me abdens saeuissimas illius manus effugi? quoties illius me unguibus eripui? quoties mei corporis laniatus, ac carnificinā fuga vitauī? Non erit igitur prudentia, atq. consilij, quo vitam tunc seruauī, mortis me periculo temerè committere, atque ipsis ultro leonis unguibus, ipsis dentibus, faucibusq; offerre. Hæc secum vulpes agebat, illud verita, ne si leonem adiret, illius potius famem, ac ventrem expleret

A sermone
cinatione

quàm moleſtiâ morbi leuaret. Sed prudenter tamen conſiderans, ne ſi vera eſſent, quæ de leonis morbo dicebantur, latari ipſa illius incommo-
dis videretur, niſi ægroſtantem illum inuiſſet, adire antrum decernit, odo-
rari, ac perſcrutari omnia, & quantũ allequi coniectura poſſet, videre, quid in eâ re periculi, discriminiſq;
fueſſet. Ad illud ergo cùm perue- niſſet, conſiſtit non procul ab oſtio, atrium ipſum introſpicit, vacuum il-
lud videt, quod, ut erat pene innu- merabilis ferarum multitudo, quæ eo confluxerat, magna eſſe oportebat celebritate reſertum: tum de-
mum dolos intelligit, planeque cognoſcit. Nam in ipſo itinere illud etiam obſervarat: quæ pecudum veſtigia in terra videret expreſſa, ea quidem omnia illarum eſſe, quæ an-
trum ingreſſæ fuerant, cùm nullius tamen inde exegentis veſtigium ap-
paret.

pareret. Ergo apud animum suum
 statuit, antrū non ingredi, ne, si cæte-
 rarum animantiū vestigia persequa-
 tur, candē subeat temeritatis poenā:
 Sed ex antri tamen limine, ut & salu-
 ti suæ consulat, & officio functa vi-
 deatur, leonē salutat, ac rogat, quo-
 modo se habeat. At ille quasi vulpis
 aduentu lætum se ostendēs, non mi-
 nus callidē orationem simulat, quā
 morhū simularat: ut si eā ratione ver-
 fusissimā vulpem decipere possit, ac
 capere. Mutata, igitur voce, & ad-
 miserabilem sonum inflexa, qui gra-
 vitatem indicaret morbi. Quid tu,
 inquit, non ingrederis vulpes cha-
 rissima? cuius ego conspectu sic re-
 creor, ut mihi iam videar magnam
 vim morbi depulisse. Cur vna tu reli-
 qua es, quæ me tanto morbo laborā-
 te non inuiferis? Itane te nostra mala
 commonent? Sic de nostris incom-
 modis laboras? Quod si nulla ferarū

A sermo-
 cinatione

ad me ægritudinis leuandæ causa ve-
nisset, magna quidem omnium, sed
non tua præcipua culpa esset, nisi ali-
quid etiam amplius, quàm ceteræ
pro meo in te amore efficere ipsa
mea causa debuisses: nunc verò cum
videas nullâ fuisse naturâ suâ ita cru-
delem, & immanem, ut non mihi vi-
niuersarum Regi officiû debitû præ-
stititerit, quid est quod te à cōspectu
nostro deterreat, nisi quod vel in no-
stris malis voluptatem capis, vel te
illa certè minimè tangunt? Quanuis
ne hoc quidem persuadere mihi de
te possim, neq. ita existimare, quod
stultissimæ, ac stupidissimæ animan-
tes officium tam diligenter præstite-
runt, idem à te omnium prudentissi-
mâ fuisse neglectum. Sed quidquid
illud sit, de hoc amori in te meo, tibi
quæ libèter ignosco, dummodo tuâ
in me iniungendo tarditatem, aut ne-
gligentiam magna deinceps diligen-
tia,

tia, & assiduitate compenses. Quare
ingredere tandem, ac meum iucun-
dissimo tuo sermone à dolore ani-
mum auoca, ipsamque morbi mole-
stiam minue. Quam leonis oratio-
nem cum vulpes audiuisset, cetera iā
quid ille maximè cuperet: Ego ve-
rò, inquit, eo animo veneram, vt ti-
bi pro mea in te obseruātia adessem
laboranti: sed quo minùs antrum in-
grediar, illud me deterret, quod nul-
lum ad nos, omnia verò ad te fera-
rum vestigia spectare videam: cum
tamen in eo nullam omnino pecudē
esse conspiciam. Quod cum illa di-
xisset, leonis vim, atque sauitiam ti-
mens, eo deluso saluti suæ fuga con-
sult. Quis hīc vulpem non pru-
dentissimam fuisse dicet? quæ primū
famæ, ac rumoribus non temerè cre-
didit; deinde cuius potentiaë exiguis
suis viribus resistere se nō posse cer-
neret, cum prudenti consilio supe-
ruit.

A colla-
tione.

rauit. Quanto hæc melius, atque sapientius fecit, quàm lupus ille, qui cum asinum cēpisset, atque opima exultaret in præda, eius oratione cōmotus, quem mox esset deuoraturus: ad euellendum ipsis dentibus exip-
sius pede clauum, quo se ille cruciari diceret, cum accessisset, & salutē suā temeritate stupidissimo animanti, & sibi iustissimam in perpetuum lugendi causam attulit: cum & ille aufugerit, & ferratis calcibus totum os lupi ingenti vulnere cruentarit.

A contra-
rio.

Sed ut ille nimis credulus, atque imprudens periculum non cauit, quod providere potuit: sic prudentissima vulpes cautione adhibita, neque ullam fictis sermonibus fidem habens, suam vitam seruauit incolumem: quam, si leuiter credidisset, non secus atque reliquæ pecudes amisisset. Quis igitur non videt, quàm sapienter hæc nos fabula doceat; ne

nos

nos multitudinis impetu facile ferri
patiamur, ne quod multi faciunt, id
ob eam causam à nobis statim pro-
bandum esse existimemus, nisi prius
quale id sit attento animo perpen-
derimus: ne quæ vulpi non defuit
ad periculum vitandum prudentia,
homini ratione prædito deesse vi-
videatur.

Narrationis amplificandæ exemplum.

NON erit inutile puerorum exer-
citationi, rem prius breviter nar-
rare, mox ipsam schematis, amplifi-
cationibusque augere: ut utrumque
illi discant, cum pro re, ac tempore,
res modò strictè, fusiùs modò, co-
piosiusque narrari necesse sit. At-
que huius quidem narrationis, quam
subijciemus, veritatè Gandevi ere-
cta publicè statua sempiterni monu-
menti causa confirmat.

Historiæ brevis narratio.

Candem, quæ Flandriæ ciuitas est, sceleratus quidam pater suum ab adolescentia filium ad omne facinus sic instruxit, ut eum sibi scelerum administrum adhibuerit. Deprehensi aliquando in flagitioso facinore pater & filius capite à iudicibus damnantur. Cum verò tortor nullus esset in ciuitate, qui extremo illos supplicio afficeret, usuram vite iudices parenti promittunt, si & deinceps publico carnificis munere fungi velit, & illud tum primum in filium exerceret. Quam miseram conditionem cum recusasset pater, delatam ad se filius libenter admittit. Itaque is, ut vitam suam seruaret incolumem, & tortoris deinceps in iudicio damnatos muans exercuit, & parentis sui amissimam carnifex, publice caput amputauit.

Narratio eadem fusius tractata.

Quanti momenti sit honeste puerorum educationi diligentissimam curam adhiberi, & si plurima exempla testantur, quæ eiusdem vel diligent-

diligēter susceptæ felicissimos euen-
tus, vel penitus neglectæ miseros iu-
uenum casus, exitusque proponūt:
illud tamen, quod dicam, ita insigne
est, vt ipsorum etiam iuuentum cau-
sa, qui me audiūt, dicere per horre-
cam. Obsecro tamen vos, optimi
adolescentes, cū tantum facinus at-
dieritis, si illud hominis dignitate cē-
fueritis indignum, si tetrum, si imma-
ne, si vel aures ipsę tantam feritatem
respuant, si animi vestri auctorem tā-
ti sceleris aspernentur, proponatis
apud vos; illum ex memoria homi-
num delendum potius, quā alte-
rum reperiri posse adolescētē, qui
tantum flagitium imitari velit. Gan-
deum ciuitas est in Flandria, qua in
ciuitate flagitiosus quidam pater, nō
solum honestam filij educationem
neglēxerat, sed illum etiam suorum
scelerum, ac flagitiorum sibi socium,
sociumque adiunxerat. De pre-
hensi

hensi in flagitio pater, & filius à iudicibus, conijciuntur in vincula, nec multò post plurimis conuicti criminibus capitis damnantur. Supplicij, atque mortis tempus aduenerat; cum nullus iustitiæ minister reperitur, nullus tortor, nullus carnifex, qui munus exercere velit in reos. Quid tum? Misera defertur parenti conditio; ut si tortoris deinceps officio fungi velit, ac suum publicè filium extremo supplicio primùm afficere, & vitam retineat, & impunitatem tantorum scelerum consequatur. Audite, audite rei exitum, qui plurimum quidem habet & admirationis, & doloris. Refugit tantam inhumanitatem parentis animus, passus non est humanitate ductus ei à se vitam eripi, quem genuerat: petita iudicibus, ut ea conditio deferatur filio; defertur, admittit ille.

1c. O crudelitatem incredibilem!
ô immanitatem prædicandam! ô
feritatem nunquam auditam! Re-
cusat pater necare illum quem pro-
crearat; filius auctorem suæ vitæ tru-
cidare non recusat. Educitur er-
go è custodia pater, & filius: vin-
culis ille circumligatus ultimo affi-
ciendus supplicio; sed propter in-
auditam impudentiam, atque im-
pietatem filij, sempiternamque sui
generis dedecoris, ac turpitudi-
nis notam intimo iam animi dolo-
re; atque lacrymis pene confe-
ctus; hic solutus ac liber, lato,
atque alacri animo cum, à quo
vitam acceperat, vita priuaturus.
Maximus fit undique concursus ho-
minum, quos tantæ rei novitas,
atrocitas, expectatioque com-
moverat; eosque tota ipsa ciuitas
effusa prosequitur; cum interim

in tanta turba, atque in tanta rei indignitate varij excitarentur animorum motus: alij admirari immanitatem filij; alij parentis miseram conditionem dolere; illum grauitè accusare; huius magnopere misereri, qui tantum monstrum, atque portentum genuisset. Ventum tandem est ad constitutum locum, & tamen circumfusus populus persuadere sibi non potest; tam ferreo animo futurum esse filium, vt parentis sui squalore, ac lacrymis minimè moueatur: expectat, vt cum parentis vultum intueatur, miserabilis senectutis canos, ac rugas contempletur, paterni amoris suauitatem meminerit: cum item in illum parens vultum, aspectumque conuertat, cum obortis lacrymis paternum in morem suauissimè còtorqueat oculos, sententiam ille mutet, se ad parentis pedes proijciat, pro accepta misera illa conditione veniam

veniam deprecetur. Nihil tamen minus. Quid ergo? expectatis vos, credo, auditores optimi, ut cum gladium sumat in manus, tum demum suum sanguinem profundere, ac perdere perhorrescat. Comparat se interitum ad necem, atque infelicem exitum miserrimus senex, lacrymas continere non potest; cum videat ante oculos suos filium, qui sui carnifex esset futurus. Se item filius ex altera parte ad necem faciendam parat, omnem prorsus pietatem, atque humanitatem exiit, & humana figura induit feritatem, atque immanitatem belluæ: gladium audacissimè capit in manus, impudentissimè vibrat, parētis denique caput tellit ex humeris. Quid, rogo, auditores, optimi. Solvūquam vidit indignius? Quis arbitraretur tantam immanitatem in humanum animam cadere posse? Sed huc nimirum est in educandis, atque

O

hōne-

honestè instituendis liberis negligē-
tiæ fructus: hic eorum est exitus, qui
à libidine, atque voluptate duxerūt
viuendi primordia.

Christi actiue exemplum.

*Christus Opt. Max. cum aquam in pel-
uim infudisset, pedes discipulorum lauit, &
exterfit luteo, quo erat pracinctus. Ioan-
nis. c. 13.*

PRæcipua propositę Christi tractan-
dę loca, & quid in singulis dici
possit, leuiter attingamus. Quod
quidem à præceptoribus fieri, etiam
si cum aliquo eorum labore, valde
vtile esset pueris, cum se illi exerce-
re incipiunt. Nō enim illis satis tunc
est rerum omnium planè rudibus nos-
se præcepta, videre inuentionis loca:
nisi quid tibi lateat ab ipsis præcepto-
ribus eruatur, iisdemque propona-
tur oratione tractandum: vsque dum
ipsa quotidiana exercitatio aliquam
illis inueniendi facultatem afferat.

Hęc

Nec igitur in proposita Chria seruari potest ratio.

Argumentum.

Laus exordij peti potest a summo Christi Opt. Max. studio in salute hominum procuranda.

Espositio sit; Voluisse Christum Dominum illo facto nobis præbere summisionis exemplum.

Causa; Quia hoc maxime superbiæ morbo hominum genus laborabat, cui præcipue mæderi ipse voluit tam admirabili summisionis exemplo.

Contrarium. Si enim hic morbus sanatus non esset, qui fuisset causa cæterorum, nulla esse posset salutis spes.

Simile; Quemadmodum non satis est arboris ramos amputare, nisi eam radicitus extrahas, ut amaros fructus non ferat.

Exemplum tum ab alijs, tum à D. Francisco peti potest, qui Christi exemplum imitati sunt.

*Testimonium sit eiusdem Christi. Exem-
plū enim dedi vobis, ut (ut nāmodum ego
feci ita & vos faciatis.*

*Epilogus superiora capita leuiter perstrin-
get. & exhortatiunculum ad humilitatis
studium continebit.*

*Hæc igitur sunt quasi mēbra ora-
tionis nuda, ea nos vestiamus, at-
que ornemus, quantum instituti no-
stri breuitas ferat. Quæ quidem ar-
gumenta proponendū ratio facilem
pueris ad aliquid efficiendum viam
aperiet, ac muniet.*

Idem argumentum amplificatum.

**Exordii
à laude.**

SVMmus ille humani generis vin-
dex cū ex diuino sui parentis im-
perio statuisset, miseros homines
supplicijs addictos sempiternis à tā
sæua tyrānide in libertatem, dignita-
temque pristinam vindicare, ob eam
que causam humanam naturam in-
duisset, tam ardenti inflammatus cha-
ritate tantum opus aggressus est, at-
que

que perfecit, ut ab ipso die, quo primum lucem hanc mortalis aspexit, ad extremum usque spiritum nihil praetermiserit, quod ad ipsorum hominum salutem procurandam pertineret. Neque verò eadem charitate incensus satis sibi putavit esse, si diu illos seruitute liberaret, nisi etiam ostenderet, qua illi ratione possent restitutam sibi libertatem conseruare. Quare eam vitae rationem instituit, hominibusq; proposuit ad imitandum, quæ plurimis virtutum omnium abundaret exemplis; quam si iidem sequerentur, eadē ratione redditam sibi libertatem retinerent, qua illam ipsis eiusdem auctor comparasset. Quæ quidem exempla vitae, atque morum cum omnia sint omni admiratione digna, digna planè ipso Deo, tum illud est ad humanæ vitæ Expositio institutionem longè pulcherrimum, quod suprema illa nocte, quæ eius

morti proxima fuit, ipsa obstupescēte natura edidit: cū post celeberrimam illam cœnam, quam cum suis discipulis in vita ultimam celebrauit, isdem ex ordine constitutis, ad singulorum se pedes abiecit, ut eorum sordes ablueret. Quo tam admirabili, tamq; inaudito summissiois exemplo nos profectò docuit salutis nostræ auctor, atque magister vitæ, quā nobis chara illa virtus esse deberet, quā idem sæpe grauissimis verbis in vita, ipso verò proximo morti tempore & verbis nobis, & re ipsa commēdasset. Quid enim is, cuius admirabili sapiētia effecta sunt omnia, cuius potentia conseruatur, cuius voluntate, nutuq; regūtur, ad sordidissimos rudium, contemptissimorumq; hominum pedes se demitteret, atq; in eorum sordibus abluerendis, ac detergendis vili seruorū manere fungeretur; nisi qui se nobis exemplar

emplar vitæ præbuiſſet, idem præſtā-
 tiſſimā hanc virtutē egregio illo fa-
 cto perſuadere vellet? Sed quid tāta A cauſa.
 illa maiestas tantopere ſe depreſſit,
 cū id ipſum multis alijs rationib⁹ præ-
 ſtare poſſet? Iā hīc ardentiſſimū Chri-
 ſtū Opt. Max. noſtræ ſalutis ſtudiū
 maximē cernitur, diuina ipſius ſapiē-
 tia in eadē procurāda maximē elu-
 cet. Quæ enim tanto morbo, tā inue-
 terato, quo vniuerſi homines miſerē
 tenebantur oppreſſi, vtilior, ac me-
 lior ad ſalutē recuperandā medicina
 potuit afferri? Vidit enim, vidit Chri-
 ſt⁹ Opt. M. intolerabili ſuperbia ela-
 tū hominē in tāta miſeriā incidiſſe:
 deq; eo ſtatu ſūmi honoriſ, ac digni-
 tatiſ, in quo à ſūmo parētē cōſtitut⁹
 fuerat, nō modo deturbatū, ſed ad ſc-
 piternā ſetiā pēnaſ fuiſſe depreſſū. Er-
 go vt huic tāto malo remediū affer-
 ret, abiicit ipſe ſeſe, & ita abiicit atq;
 depreſſit, vt incredibilē amētīſſimū

hominis superbiam, admirabilis eius
 submissio superavit. Non enim se ho-
 mo superbissimus tamenaniter extu-
 lit, cum ipsi Deo æqualem se esse
 amentissimè concupiuit, quàm ve-
 rè se Christus ipse depressit, cum ad
 hominum pedes abiectus ne homini-
 bus quidem par videri voluit: ut ea
 ratione magnitudinem humani mor-
 bi cælestis, divinæque medicinæ
 vinceret magnitudo. Quæ nisi ef-
 fectus adhibita, quæ nam esse posset
 aut recuperandæ, aut retinendæ sali-
 tis spes? Etenim venenū illud, quod
 temerari⁹ homo mali Dæmonis frau-
 de deceptus hauserat, sic penitus hæ-
 sit in venis, sic totum ipsum hominē
 contaminavit, ut multos ex eo mor-
 bos, mortiferosq; cōtraxerit. Quid?
 nonne alla superbix labe humanus
 animus infectus sic est, sic tota homi-
 nis depravata natura, ut omnibus
 deinde se flagitijs inquinaret propen-
 sione

A contra-
 rio.

sione quadam, ac voluntate? Quæ enim illi reliqua sunt ornamenta virtutum? quod verò turpitudinis genus primo illo decore amisso non suscepit? Quæ vis æquitatis? quæ forma iustitiæ? quæ honestatis species? quæ iam inter ipsos homines fides? quæ denique religionis, ac probitatis vestigia remanserant? vis planè, & iniuria æquitatis, atque iustitiæ; probitatis, ac honestatis omnis improbitas; fidei fraudes, ac doli; religionis sacrarum, divinarumque rerum contemptio; omnia deniq; vitia, atque scelera virtutum omnium locum occupant. Quæ quidem omnia cum ab vna superbia tamquam à fonte manarint, nisi hac penitus sublata, deleri illa, extinguique non possent. Nā A simili. quemadmodum arborem, quam neque fructus illos ferre, neque ramos velis producere, satis non est leuiter amputasse, nisi eam radicibus euellat:

sic neque cæteris humani animi mor-
bis medicinā adhibuisse, satis esset;
nisi quæ illorum causa extitisset, tol-
leretur: cū vt illa ramos ex trūco, fru-
ctusque produceret, sic malorū om-
niū causa superbia maiora quotidie
in animis mala ingeneraret. Quā vo-
rō aliam ob causam summos quosdā
viros, atque excellenti virtute præ-
ditos se ipsos tantopere contempsis-
se, neglexisseque putam⁹, vt cū om-
nibus virtutibus plurimū studerēt,
in hac tamē vna omnia sua studia col-
locasse viderentur; nisi quod ita exi-
stimarint: quemadmodum superbia
ex hominū animis susculisset fun-
damenta virtutum, sic easdem peni-
tūs euerfas debere humilitate funda-
ri. In quo numero, vt reliquos ta-
ceam, qui sunt prope infiniti, diui-
nus ille Franciscus maximè excel-
luit, qui pulcherrimam hanc virtutē
sic adamauit, vt nihil ei gratius pos-
set

Ab exē-
plo.

Ami-
1. A. 2.

2014

set accidere, nihil optabilius evenire, nihil iucundius offerri, quàm probra, quàm contumeliæ, quàm gravissimæ iniuriæ, atque in oblivione omnium contemptionis causa versari. Iam verò idem ipse Christus Opt. Max. eximio illo humilitatis exemplo, quid à nobis maximè vellet, nò modo re ipsa docuit, sed etiam verbis expressit. Exemplum, inquit, dedi vobis, ut quemadmodum feci vobis, ita & vos faciatis. Digna profectò vox, cui attentissimas aures, atq; animos demus. Quid est hoc Christus sanctissimè? Cùm mortuos ab inferis excitas cùm ægrotis corporib; sanitatem reddis, cùm à malo Dæmone vexatos, atque afflictos homines liberas, cùm integros populos orationis tuæ suavitatem commoves, ut te quocunque iter facias, relictis suis sedibus, prosequantur: non isto modo cum discipulis tuis agis; non illos

Art. 1. ma
nio.

los, nosque eorum posteros excitas
ad imitationem tui: quin & illa ipsa,
quæ ad imitandum eisdem propone-
bas, charitatis, humanitatis, paciẽtiæ,
reliquarum denique virtutum præ-
clarissima exempla non ista ratione
commendas: cum verò te servilem in
modum vilissimorum hominum de-
mittis ad pedes, cum immundissimas
eorum sordes diuinis istis manibus
abluis, atque detergis, quibus cælos
condideras, terras effeceras, omnia
suis certis locis, atque sedibus sapien-
tissimè collocaras, tum te illis exem-
plum præbere dicis, quod imitetur;
tum eos ad tam admirabilis facti imi-
tationem grauißima oratione exhor-
taris. Quid, inquã, hoc nisi illud est?
eam te nobis virtutem commenda-
re maximè voluisse, qua ceteræ vt
firmissimo fundamento nituntur; sine
qua illæ existere in animo minimè
possunt; vt quibus superbia omniũ
virtu-

virtutum ornamenta detraxerat, ijs-
dem vera summissio animi eadē ipsa
restituatur, restituaturque cōseruet. Quis Epilogus.
igitur erit tam amens, qui cælestem
Christi disciplinam abijciat, atq; con-
temnat? qui cū illum videat, ut no-
bis exemplum præbeat, sponte sua
abiectum, atque depressum, se ina-
niter efferre audeat? qui parentem
illum primum, qui elatus superbia
nos ad interitum perduxit, quā ve-
rum parentem Christum, cuius bene-
ficio ab interitu reuocati sumus, imi-
tari malit? Quare qui saluti suæ con-
sulere, qui virtutum pulchritudine
ornari, vitiorum turpitudinem vita-
re velit, vitet superbiam, atque ela-
tionem animi: humilitatem amet, &
amplectatur: ut eum imitatus, qui ut
exemplo nobis esset, humillimus &
esse, & videri voluit, ad altissimum
illum, ad quem idē sublatus est,
summę dignitatis, & sempiternę glo-
riæ

Pro gymnasium, si a
ria locum ascendat.

Sententia tractanda ratio.

Virtutis rami ex laboribus, atque sudoribus
producentur in Platone.

Argumentum.

LAUS à Platonis sapientia peti potest.
Expositio sit. Platonem significare vo-
luisse cui virtutis pulchritudo placeret, ei in
ea consequenda plurimum esse elaboran-
dum.

Causa; Quia cum singulis virtutibus con-
traria aduersentur vitia, nosque propter
depravatam, corruptamque naturam quasi
quodam impetu ad vitia feramur, in his
vincendis magna existat difficultas neces-
se est.

Contrarium. si enim nulla esset in virtu-
te comparanda difficultas, omnes omnibus
virtutibus florent. Sed quos illarum pul-
chritudo allicit, difficultas ipsa deterret: qui-
bus euellenda sunt vitia, ut virtutes inse-
rant.

Simi-

Simile. Quemadmodum nocentes herbae euellendæ sunt; ubi fructuosiores plâtes ferere velis.

Exemplum. Nemo in otio, ac desidia virtutis fructus cepit: quicunque vero virtutibus claruerunt, eos labores multi, atque difficultates exercuerunt. Exemplo esse potest patientissimus Iob, quem laborum tolerantia clarissimum reddidit.

Testimonium. Hoc ipsum confirmat B. Iacobus cum, Beatus, inquit, vir, qui suffere tentationem, quoniam cum probatus fuerit accipiet coronam vitæ.

Epilogus superiorum capitum breui repetitione, & ad laborum patientiam exhortatione constabit.

Idem sententiæ argumentum fusius tractatum.

INter Philosophos illos, quos omni doctrina instructissimos tanto pere celebravit antiquitas, diuinus ille Plato sic ingenio, sapientiaque excel-

excelluit, ut cum inter ceteros com-
parationi sit locus, alijsque alijs sapie-
tiores habeantur, huic tamen omnes
primas planè deferant, eumque sine
controuersia philosophorum princi-
pem, ac parentem appellent. Cuius
quidem sapientia in eo maximè cla-
ruit, quod homines sic ad bene viuē-
dum instrueret, & informaret, nihil
ut in vita expetendum doceret, nisi
quod esset cum virtute coniunctum:
virtutis autem obtinendę causa om-
nes labores & libenter excipiedos,
& fortiter esse perferendos. Quod
quoniam alijs plurimis, tum eximia illa
sententia præclare, sapienterq; con-
firmat, cum sic monet: Virtutis ra-
mos ex laboribus, sudoribusq; pro-
duci. Eò enim spectat viri sapientissi-
mi tam præclara vox, ut hominum
animos ad omnes labores virtutis
causa suscipiendos excitet, & incen-
dat. Nam virtutem quidē ipsam ho-
minibus

Explicatio

minibus commendare, nō valde necesse putat: cuius pulchritudo nemo tam cæcus est, quem nō mirabiliter capiat: cuius dignitas, nemo tam improbus, quem non allicit ad amorē sui: cuius excellentia, nemo tam abiectō animo, atque demisso, quem non sui admiratione excitet, atque commoueat. Sed illud ijsdem persuadere plurimū interesse existimat: cuius pulchritudinem adamarūt, cuius dignitatem concupiuerunt, cuius excellentiam admirati sunt, eam vt consequātur, valde sibi esse laborandum: atque eò quidem diligentius, quō maiori eiusdem studio teneantur. Cū enim natura hominū plurimis vitijs de prauata sit, planeque corrupta, virtutibus verō singulis sua aduersa sint vitia, maximeque contraria, sit profecto, vt in illis comparandis multę difficultates existant, quas vt superare possimus, ac

A causa

P

vince.

vincere, magnus nobis est, ac diligens labor adhibendus. Quis enim neget, in æquitate, atque iustitia perpetuò conseruanda magnam quandam difficultatem inesse? Quam ut teneas, tuo sæpe incómodo ius aliorum tuerare necesse est: aliorum etiã sæpe vtilitatē anteponas tuæ. Quid ut temperantiam assèquare? quæ sensus tenet, effrænatos appetitus domat, cupiditates coercet, & cohibet, quæ non quod maximè gratum, & iucundum sit, sed quod maximè honestum, laudabile quæ complectitur. Iam verò ut fortitudinis laudem adipiscare, quàm multa tibi sunt aduersa subeunda? Non enim hæc virtus præclarissima in flore, atque viola, non in delitijs corporis, non in rebus ad nostram voluntatem fluentibus apparet, sed in maximarum rerum tolerantia spectatur, & cernitur. Nam quid ego ceteras virtu-

tes

tēs persequar? quarum nulla omnino est, cui non sit aduersarium aliquod vitium promptum, atque paratum, cum quo nobis, si sequi illam velimus, fortiter sit, acriter, & pugnandum. Quòd si virtutis facilis esset via, si ad eius laudem assequendam non priùs essent vitiorum monstra superanda, ecquis esset tam excors, atque amens, qui nō ad eam contenderet, ac toto animi impetu raperetur? Nati enim sumus ad gloriam: qua vt maior esse nulla potest, quam quæ ex vera virtute proficiscitur; sic, rei difficultate sublata, nihil auidius expetere-mus, nihil studiosius sequeremur, nihil constantius teneremus. Sed proh dolor! plus apud nos voluptas corporis ad turpitudinē, quam virtutis dignitas valet ad gloriam. Itaque distrahitur sæpe animus noster ancipiti deliberandi cura,

A contrarie.

Sim? A

P & quem

& quem ex altera parte virtutis al-
 licit pulchritudo, atque, præstan-
 tia; ex altera labor, difficultasq; de-
 terret. Quod laudabile in illa, atque
 gloriosum videt, id magnopere ap-
 petit, quod verò difficile, laborio-
 sumque proponitur, id maximè vi-
 tat. Quam verò aliā ob causam pute-
 mus esse, cur multi quos virtutis de-
 cus, & ornamenta delectent, iacere
 tamen se in flagitiorum luto, atque
 ceno patiantur. & quam in alijs pro-
 bant, ac summis laudibus efferunt,
 eam à se abesse facile permittant, nisi
 quòd vna vitæ commutanda diffi-
 cultate absterrentur. Vident enim
 ad virtutum satus accipiendos, vitia
 sibi esse extrahenda radicibus, neque
 tam præclara semina in animis nasci
 posse, & adolescere, ad fructumque
 perducì, nisi illorum non modò radi-
 ces, verum etiam fibræ enellantur ex
 animis. Nam quemadmodum terra,
 quam

A simili.

quam spinæ, atque vepres occuparunt, parere ac fundere plantas non potest, quæ iucundissimos flores, ac lætissimos ferant, nisi prius illa euellantur; ita profectò nisi vitia extirpes ex animo virtutum iucundissimum fructum non senties. Vides ià igitur, quantû in ea re laboris, quantum difficultatis insit: quanta vi, atque animi robore opus sit ad tam duram vitij pro virtute sustinenda certamina, ad commutandos mores, ad veterem consuetudinem deponendam, nouamque viuendi rationem instituendam, quæ superiori penitus aduersetur? Sed dem?, quod difficillimum est, nulla esse in animo vitia, quæ extirpari debeant: an parui laboris putamus esse, nouas virtutes in animo inferere? instas colere, & conseruare? Ecquis, rogo, vnquam hominum in ofio turpi honestam vi-
tam traduxit? Quis præclaram, no-

Ab exem-
plo.

minis gloriam comparauit, qui se dicat
 fuisse laboris expertem? Quis
 maiorum suorum virtute, ac laudi-
 bus commendatus in langore, atque
 desidia gloriam ab eis sibi traditam
 retinere, atq; cōseruare potuit? Qui-
 cunq; enim inter homines maximē
 claruerūt, eos quidem video in duo
 ferē hominum genera diuidi posse:
 alterum eorū, qui litterarum studio
 dediti, ætatem suam onē in eo po-
 fuerunt: alterum eorum, qui in armis
 versati suam vitam maximis belli pe-
 riculis habuere semper expositam.
 Vtrum igitur hominum genus per
 languorem, atque otium peruenit
 ad gloriam? cū alteri in inuestigan-
 da, & explicanda natura rerum, atq;
 in præclara humanæ vitæ institutio-
 ne ætatem suam assiduo labore con-
 triuerint: alteri dum & vitam suam
 defenderent, atque salutem patriæ,
 & perniciem hostibus molirentur,

non modò otiosi esse non possent, sed ne vllò quidem tempore tranquillum spiritum ducere. Iam illi viri sanctissimi, quos neque exquisita quædam ex Philosophorum scholis doctrina, neque bellicæ laudes, sed maximarum virtutù gloria clarissimos reddidit, quomodo tandem eam ipsam immortalem gloriã consecuti sunt? Nõne eos etiam in otio honestissimo tamen labores maximi exercuerunt? Quæ maior laus esse potest ea, quam de sanctissimo Iob omnis posteritas prædicabit? At eã ipse sibi maximorù laborù tolerantia cõparavit. Qui cù optimè nosset, quantum in eis præsidium esset ad exiguas virtutes consequendas, nõ modò illam quasi tempestatem molestiarum, atque laborum deprecatus non est, sed in medijs fluctibus, atque in ipso bonorum omnium naufragio, pene etiã salutis ne vocẽ

quidem immoderati animi vilā emi-
 sit. Cui viro innocentissimo, atque
 sanctissimo, quāsi multa vitia ad
 tantæ victoriæ laudem comparan-
 dam superanda quidem fuerunt;
 non certè quibus se ipse inquinā-
 set tantæ innocentie, atque sanctita-
 tis vir; sed quæ virtutibus ipsis ad-
 versaria gravissimum eidem bellum
 indixerant; & sine quorum victoria
 in præstantissimarum virtutum pos-
 sessionem venire non poterat. Non
 est, nec est exigui negotij, non par-
 vi laboris virtutum laudem adipisci,
 quam nemo est, qui non appetat: sed
 magnæ difficultatis, atque molestiæ;
 quam plerique turpiter fugiūt. Inp-
 que præstantē animū, fortem; & ex-
 cellsum res tāta desiderat. Et quidē
 Divinus ille Iacobus, cum ad eandē
 virtutis gloriā homines hortaretur,
 ad quam sapientissimus Plato suā
 nos sententia cohortatur, res difficul-
 tatem

A testimo-
 nio.

ratem ante oculos ponit; neque ad virtutis laudem sine labore, sed ad laborem ipsius virtutis consequendæ causa hominum mentes extirrat. Beatus, inquit, divinus Apostolus Iaco. c. 1. f. 12. vir, qui suffert tentationem, quoniam cum probatus fuerit, accipiet coronam vitæ. Quid est hoc? Quam multa, Deus immortalis! quam difficilia, quam laboriosa tentationis nomine vir sanctissimus cõplexus est? sitim, famem, opprobria, contumelias, cruciatus corporis, atque animæ, intestina, & externa bella, quæ cum hominibus sæpe, cum inferis ipsis furijis sæpe geruntur. Ergo illum, qui hæc forti animo constantique pertulerit, beatum appellat. Cur ita? quoniam accipiet, inquit, coronam vitæ; quæ nullo vnquam marcescet tempore, nullo ævo deflorescet, sed in omni semper æternitate virebit. Quæ cum ita sint, qui sapientissimi

Philosophi sententiam, qua ad virtutum fructus etiam cum magno labore, sudore quæ percipiendos inuitamur, magnopere laudandam, prædicandamque censemur, non nostro solum iudicio, sed multis sanctissimorum virorum & testimonijs, & exemplis confirmatam, cauere quidem debemus, ne turpissimum nobis sit mentis voluntatisque dissidium; cum aliud sentire, aliud velle, atque efficere videamur. Ergo si quis in nobis virtutis amor est, qui ardentissimus esse profecto debet, persuadeamus nobis, tantò maiores difficultates, atque labores excipiendos nobis, ac perferendos esse, quantò magis in singulis virtutibus velimus excellere.

Confutationis tractanda exemplum.

Falso opinantur, qui affirmant, aliquis boni causa licitum esse aliquando mentiri.

Argu-

Argumentum.

Vituperari possunt in exordio opinionis au-
ctores, quod prauos mores in *Remp.* inducāt.

Expositio opinionis sit; Licere tūc quidē
mentiri, cum aut malum aliquod vitari, aut
verò utilitas ex mendacio consequi possit.

Obscurum esse dicemus in confutatione:
quod nemo sapiens reperiatur qui id affir-
met.

Incredibile hominibus: quibus persuasissi-
mum est, maximè oportere veritatem, fidē
que seruari, quā sublata hominum commer-
cia humanaeque societates in rebus contra-
hendis tollerentur.

Non possibile, quia nihil enim licet, quod
Deus odit; odit autem Deus mendacium
plurimum.

Non cohaeret cum ratione ipsa, cum men-
dacio offendatur Deus, sperare te mentien-
do obtinere ab eo quod velis.

Inutile valde est, quia si quid aliquando
corpori utilitatis asserat, animo tamen pla-
urimum nocet.

Epilo-

Epilogus id quod ex argumentatione efficitur, continebit. Licere nunquam mentiri.

Idem argumentum fusius tractatum.

Exordia.

Cum omnes qui prauos in Rem. pub. mores inducunt, ciuiumq; augent peccandi licentiā, grauissimis sunt poenis supplicijque dignissimi; tum illi in primis, qui vitia ita suadēt, ut in ipsa turpitudine honestatē esse confirmant. Nam ut nemo tam improbus est, qui non aliquando, ipsa rei turpitudine proposita, maleficio submoueatur; ita nullus ferē tam probus, honestusque reperietur, quem non tam perniciosus error aliquando deprauet, si ita sibi persuadeat; id sibi interdū licere, & si per se ipsum turpe quidem sit, quod intelligat, aut ad mala vitanda, aut augenda sua cōmoda luare aliquid posse. Quare falsam eorum opinionē infringi maxime oportet, & explodi, ipsosque

eius

eius auctores propositis etiam peccatis coercem, qui ita temere iactant, hominî interdum alicuius boni, ac utilitatis spe licitum esse mentiri. Ab exponente.
Quasi verò ut boni aliquid accidat, aliquid turpe perpetrare liceat. Nos verò quibus rationibus se contra veritatem muniant stultissimi homines, detestandumque mendacium commendent, videamus: ut vel ex ipsis satis appareat, illorum scholę, atque doctrinę nō gravissimorum hominum sapiētiam, sed mali Dæmonis calliditatem esse magistrā. Valde, inquit, oportet, hominum incolumitati consulere; id quod nobis à Deo Opt. Max. commendatum est: cur igitur, cum ita casus ferat, ut leui quodam mendacio hominem aliquem magna calamitate, aut mortis etiam periculo liberare possis, non facies? Ita præterea colligunt præclari morum magistri.

Ab obseu
ro.

Si quis vir honestus, ac probus cum res suas præclarè gestas, virtutesque egregias manifestarit, arrogantia, atque superbia periculù timeat, præstantius illi crit, eadem ratione, si aliter non possit, virtutum ornamenta contegere, quàm in tantum discrimen, atque eadem ipsa amittendi periculum deuenire. Quod qui sentiunt non illi quidem ex purissimis sacrarum litterarù fontibus eiusmodi doctrinam hausisse, sed ab ipso mendaciorum, turpitudinumque omnium auctore, atque parente videtur accepisse. Primum enim quæro, qui ista tam turpiter dicunt, cuius auctoritate ducantur? cuius nitantur sententia, atque iudicio, ut tam pestiferam in Remp. opinionem inducant? Necessè enim est, ubi non iam de fortunis, sed de animi bonis, atque ornamentis agitur, non nos imperitorum temeritate, sed grauissimorum hominum

minum

minum sapientia, iudicioque moueri. At qui nemo profecto eorum, qui probè de religione sentiunt, mē dacio aliquo vti, non esse turpissimū iudicat. Ergo quod in re familiari seruanda tam diligenter facimus, vt eos cōsulamus, qui sanum, ac fidele cōsiliū dare possunt, idem in tuendis animi ornamētis negligemus? Quæ quantò nobis potiora fortunis omnibus esse debeant, quis vel amentissimus dubitat? Sapientium igitur hominum auctoritate detracta, quibus se suam opinionem amentes homines, vel ineptias potius persuadere posse confidunt? Etenim sic vniuersis hominibus persuasum est, nihil magis esse necessarium ad communem vitam, atque ad humanam societatem conseruandam, quàm vt in omnibus rebus integrā fides, inuiolataque seruetur, sine qua nulum planè inter homines potest esse commercium.

Ab Incredibili.

commercium. Quis igitur credet,
qui sana mente sit, id non solum lice-
re, sed oportere etiā interdū, quod
fidem ipsam de vita hominum tollit?
Et quidem reliqua vitia & si propter
turpitudinem sunt honestis homini-
bus odiosa, tamē nullum scelus, nul-
lum tantum fugitiū esse puto, quod
pari animorum consensu plus ode-
riat vniuersi homines, quā scēdū,
tarpeque mēdaciū. Nam fures, at-
que raptōres oderunt quidem illi, ad
quos aliquod damnum, incommo-
dūque peruenit: sceleratos, ac fla-
gitiosos hominēs illi cauent, ac vi-
tant, qui quoniam honesti ipsi sunt,
perditis eorum moribus lēdi, & cor-
rumpi nolunt: in quo verō fides nō
est, hunc honesti viri animo, atque
oculis fugiunt; hunc ipsi improbi ho-
mines aspernantur; hunc vniuersi ex
hominum numero tollendum putāt;
vt qui societati communi hominum,
que

quæ fide maximè continetur, nocere maximè videatur. Quibus igitur tam scelerata opinio probari potest, nisi is, qui cum ipsi ex dolis sint mendacisque cõflati, eam sibi licentiam dari latentur, qua tamen alios abuti minimè velint. Audient ergo huiusmodi homines qui fidem aut negligunt, aut vanalem habent, quibus verò eadem fides cordi est, veritasque non audient. Quod si multi essent, atque magna auctoritate homines, qui, quod isti docent, confirmarent, tamen qui rem attentius considerarit, id ita esse non posse, contra omnium iudicium, auctoritatemque cõtendat. Res enim, quis non fateatur, non hominum iudicio, quod sæpissimè fallitur, sed diuina voluntate, diuinisque præceptis esse pendendas? Nam si quid erit, quod vniuersis hominibus placeat, non illud statim laudabile est, si quidem diuinæ repug-

Q. nec

net voluntari. Quid igitur isti tā præclaræ opinionis auctores? Nōne vident nihil absurdius aut dici, aut excogitari posse, quàm quod ipsi temere, atq; impudenter effutiunt. Cū enim mendacium Deo Opt. Max. non displicere docent, (hoc enim concedant, necesse est, vt res honesta videatur,) illud quidem nō obscure docent, summæ illi bonitati flagitium aliquod placere posse: simplicē illam, diuinamque naturam, a dolis, ac fraudibus non abhorreere: veritatem ipsam turpi aliquando delectari posse mendacio! O cæcitas mentis incredibilis! O intolerabilis demencia. Quid? Deus veritatis auctor mendacium amabit? Flagitiosum aliquid Deo Opt. Max. esse poterit non iniustum? Fraudulentum aliquid gratum erit ei, qui simplicibus animis delectatur, versutos, ac fallaces plurimum oderit? Cæcus planè est, qui

hæc

hæc non videt; omnino sine mente, qui non intelligit: flagitiosus, ac sceleratus; qui tam perspicuis rebus tenebras offundat, ipseque vltro offendat, & incurrat. Iam illud quàm A non co-
herente. verum, atque perspicuum est. Felices rerû euentus à diuina potiùs providentia, quàm ab humana vel prudentia, vel consilio & petendos, & expectandos esse. Quî igitur conuenit, eodem tempore & Deû ipsum offendere, & eius opem implorare, & spem id ipsum obtinendi concipere? Ergo qui aliorum ita vel bonis, vel saluti consulunt, vt in eam rem orationis vanitatem adhibeant, ij primùm maiorem in se, suaque industria, vel fraudibus potiùs spem, quam in diuino consilio, sapientia, ac bonitate collocant: quod est quidem summæ dementiæ: dein de diuinam in se iram prouocant, ne ipsorum optatis fauceat, dum

Q 3 huma-

Progymnasmata, sine

humana commoda diuinis honoribus anteponant, quod extremæ impudentiæ, atque impietatis est. Magni, inquis, vel nostra, vel aliorum salus æstimanda est. Magni prorsus, ac pro ea conseruanda omnis cura adhibenda, omnes difficultates, ac labores suscipiendi sunt: sed optimus quisque ea mente, atque animo esse debet, vt vniuersorum hominum & corporis, & animi salutē deferere, quàm diuinam bonitatem vel minima quidem in re malit offendere. Nam illud valde sanè ridiculum est, dicere, sanctissimis viris, vt ostentationis, atque arrogantia periculum fugiant, ad mendacium, tanquam ad portum licere confugere. Quasi verò sine scelere atque flagitio retineri virtus, conseruarique non possit. Ne illud quidem attendunt præclari honestatis custodes, dum honestos viros à periculo, quod aut nullum,
aut

aut minimū est, arcere volūt, eosdē
à se in alterum multò grauius, q̃ vi-
tari vix possit, impelli? Etenim quis
erit tam probus, tantaque virtutis
laude conspicuus, qui vel in leuissi-
mo mendacio deprehensus nō mag-
nam hominibus ansam præbeat exi-
stimandi, vitā eius totam non verum
actum, sed quandam quasi confictā
esse fabulam? Et quidem si istorum
hominum vera esset sententia, quo
quis virtutibus, & rectè factis magis
excelleret, eò frequentius vtendum
illi esset, hoc tam turpi mētiendi per-
fugio. Mendax igitur diuinus ille
Franciscus, mendax Hieronymus,
mendax Augustinus, mendaces de-
nique omnes illi viri sanctissimi, qui
se ipsos demittere, atque deprimere
semper studuerunt, diligentissime-
que curarunt: atque vna hac macula
tot præclarissimas virtutes, quibus
illi maximè clauerūt, scædari, obscu-

rarique passi sunt. Quàm longè aliter, Deus immortalis ! illi se contra mali Dæmonis tela munierunt: quâ diuersa ratione illi à se longissimè depulerunt: quàm alio pugnandi genere cum ipsum infestissimum hostem superarunt. Putabant enim, honestum virum multò magis decere quæ in se animi bona, atque virtutes agnosceret, ea vel quasi in alio posita contemplari, vel cû sua certè considerant, eadem vni Deo bonorum omnium auctori acceptare ferre, quâ dum ea in se non esse fingat, ac simul et, animo suo turpem mendacij labem aspergere, eundemq; maculare. Quæ ratio satis esse deberet, ut isti veritatis aduersarij errorem suum, ac temeritatem agnoscerent. Neque enim cõsiderare solum debent, quid utilitatis mentiendi licentia afferre possit, (si utilitas censenda est, quæ non sit cum honestate coniuncta)

sed

sed quantum damni atque incommodi afferat. Demus enim evenire aliquando, ut aliqua mendacium utilitas consequatur, ut fortunarum iactura vitetur, ut vitæ periculum propellatur; a Leone quæ fugacia bona, atque caduca sunt, diliges; ut ea sempiternis animi bonis anteponenda putes? ut corporis commodis servias vel aliorum, vel tuis, ipsdem animum tuum graviter ladi patieris? Si ut animi saluti consulas, corpus ipsum omnibus debet periculis obijcere; cuius tandem consilij, cuius mentis est, ut corpus, ut fortunas, ut res interdum levisimas tæcare tuum animum in discrimen asserre? Animadvertant igitur, *Epilogus*
quid doceant, qui mendacij turpitudinem specie quadam honestatis contegunt: neque cuiusmodi mores inducant, quibus quasi laqueis ipsi

Q 4

honestas

Progymnasmata, siue

honestissimi homines capiuntur: satis magna hominum audacia est libertasque peccandi, quam illi tam perniciosa doctrina ne augeant, cauere debent. Quod si hæc, quæ diximus, ita sunt; si tanta in mendacio inest turpitudine; si illud ipsi veritatis auctori tantopere displicet; si communi bono, si humanæ societati plurimum aduersatur; si nihil illo est vniuersis mortalibus magis odiosum, si animis ipsis perniciem, ac pestem affert, nemo sit tam auersus à verò, qui aures suas istorum hominum impudentissimis vocibus patefaciat, ne tamquam Syrenum cantu deceptus intereat. Licet quidem interdum veritatem, si ita expediat, prudenti cautione occultare, ubi verum fateri nulla res cogit, mendacio verò uti, ne si vniuersorum quidem hominum salus agatur, certè non licet. Quo qui animo, ac mente sit, sentiet profectò sæpe,

sæpe, ut sua in vno Deo collocata
spes ex maximis difficultatibus ani-
mum expediat, atque ab omni peri-
culo liberet.

Confirmationis tractanda exemplum.

*Verè affirmavit Zeno Philosophus; Virtu-
ti nihil planè deesse.*

Argumentum.

Laus ex eo duci potest, quòd virtutem
Zeno tanti fecerit, cum eius dignitatem
non satis cognovisset.

Expositio sit illud Zenonem affirmare:

*Ad summam vitæ felicitatem in vna vir-
tute, si desint reliqua, satis esse præsidij.*

*Manifestum autem est. virtutis amato-
ri nihil deesse, cum nihil ipse appetat, neque
dicantur deesse ea, quæ non desiderantur.*

*Credibile verò, cum Deum ipse possideat
in quo summa sunt omnia.*

*Possibile quidem, cum Deus, cui se ille cre-
didit in summa rerum humanarum inopia eius
tamen animum summa explere voluptate*

possit,

Progyrnasmata, siue

possit, quæ omnes cupiditates respuat.

Congruit certè, ut quemadmodum ijs qui externa bona sitiunt, satisfacere nihil potest, ita virtutis cultoribus una satis sit virtus.

Decet verò eum, quem virtus ornat, cetera ornamenta pro nihilo putare.

Utile autem est, sic de virtute existimare, ut plures eius dignitas ad se alliciat, quæ qui sit assecutus, non possessiones, non regnà desideret.

Epilogus argumenta complectetur, & quædam virtutis commendationem.

Idem argumentum amplificatum.

Quanta virtutis dignitas sit, quæ-
quæque præstantia, vel ex eo per-
spici potest, quod non modo qui eâ
cõsecuti sunt, fructusque ex eâ vber-
rimos perceperunt, sed illi quoque,
qui speciem quandam, atque aduni-
bratam solùm ipsius imaginis pul-
chritudinem videre potuerunt, non
solùm amandam, & colendam, sed
eam unam sequendam, amplecten-
dam.

damque putarint. Ex quorum numero Zeno ille Stoicorum princeps maximè excelluit, qui cum virtus ipsa qualis esset propter cæcam errorum calignem, qua miseris illis temporibus circumfusa veritas minus apparebat, non tam perspicere, quam ex ipsius virtutis in tantis tenebris splendore conijcere potuit, tamen doctrinæ suæ sectatores tantam eius bonitatem docebat esse, ut non illam præ cæteris rebus, sed unam, & solam reliquis omnibus neglectis, ac relictis eisdem commendaret. Tantum enim præsidij Expositio. in una virtute ad bene, beatèque vivendum constituebat, ut ei nihil omnino deesse diceret, ipsamque sibi satis esse ad summam vitæ felicitatem. Quare si quis in rerum omnium abundantia viveret, si honores affectus esset amplissimos, si maiorum nobilitate, & gloria commendatus, turpis

A manife-
sto.

turpis tamen ipse vita, atque mori-
bus vera virtutis laude careret; cum
sapientissimus Philosophus non feli-
cem, ac beatum, sed miserrimum po-
tius, atque ab omnibus despiciendū,
contemnendūque censebat Qui ve-
rò se virtutis præsidio muniuisset, eū
verè beatum, atque felicem prædi-
cabat; ut cui nihil omnino deesse
posset. Quod si cui mirum fortasse
videatur, cui virtutis dignitas, atque
vis satis cognita, perfecta que nō sit,
qui que multos viderit sanctissimos
viros in summa rerum inopia, men-
dicitateque versari; si, quantum vir-
tus ipsa possit, attenderit, verissimū
esse comperiet. Etenim quis igno-
rat, quā paucis sit natura ipsa con-
tenta? Pleni sunt omnes libri, plena
sapientium scholæ, plena gymnasia
huiusmodi vocibus: homines plerū-
que suis cupiditatibus potius, quā
naturæ necessitati servire; atque illas
nullis

nullis quidem fortunis, nullis opib⁹, nullis facultatibus expleri posse; quæ quò plura affecutæ sunt, eò maiora immodicè sitiunt: hanc verò ea solù sibi satis putare, quibus sustentari possit, reliqua neque velle, neque requirere. Ergo qui sustulerit cupiditates ex animo, tenui victu, moderato cultu, parcissimis contētus sumptibus, non illum cæterarum rerum desiderium sollicitabit, & cura. At qui hoc vna profectò virtus præstare potest: quæ ardentes cupiditates extinguit, prauos animi motus cōtinet, totā denique hominis vitam ratione moderatur. Quid igitur mirum si nihil illi desit, qui nihil planè desiderat; cum quæ ad humanam vitam sustentandam necessaria sunt, ea honesto viro deesse non possint. Quod suo diuinus vates testimonio confirmat; eum, Nunquam vidi, inquit, iustum derelictum nec semen eius

eius quærens panem. Iam illud cuius
modi est, ut hæc sententiam quivis
verissimam esse credere debeat?

A credibi
li.

Virtutis quidem tantam esse vim, ut
hominis animum cum summo Deo
ita coniungat, Deum ut ipsum ab eo
dicamus, & verè dicamus possideri,
in quo vera virtus sit, atque perfe-
cta. Is igitur in rerum humanarum
desiderio viuet, cui Deus ipse bono-
rum omniū auctor, atque origo pos-
sessio est? Is falsæ gloriæ laudem in-
ter homines aucupabitur, qui omne
suam laudem & gloriam in divina
laude quæreda collocavit? Honores
atque dignitates appetitis, qui sum-
mos sibi honores in sui ipsius despi-
cientia, & contemptione constituit?
Hominū in se studiā concitare, volū-
tates sibi conciliare curabit is, qui ab
ipso præpotenti Deo diligi se, atque
amari sentiat? Sūt quidem, sunt eius-
modi cælestia illa bona, quæ Deus

Opt.

Opt. Max. viris optimis cōmunicare solet, atq; humanum animum ita ex-
 plent, nihil vt nisi cæleste, atque di-
 uinū non modò expetere, sed ne co-
 gitare quidē velit: sordentq; ea, ac vi-
 lissima putantur, quæ tempore inte-
 reunt, cū spe cælestium bonorum
 quæ nullū tēporis spatiū circumscri-
 bit, quæ æternitas ipsa metitur, hu-
 manus ipse animus alitur. Sed audire
 mihi iā videor quosdā nimiū aman-
 tes sui, qui ita dicant, difficillimum
 quidem esse, vt quispiam in hac vi-
 ta ea mente, atque animo sit, vt re-
 spuat omnes voluptates, vt in mē-
 dicitate, atque in omnium rerum in-
 digentia, iucundè tamē, & tranquil-
 le viuat. Qui si ab humana imbecil-
 litatis cogitatione animum parūper
 auertant, & quid diuina vis in eadē
 imbecillitate possit efficere, consi-
 derare velint, longè profectò aliter
 iudicabunt. Quid? qui vniuersas ani-
 mantes

A possit
li.

Progyrnasmata, siue

manentes rationis expertes sine vlla
illarum industria pascit, atq; susten-
tat: quidiuinas illas mentes cælesti-
bus, ac sempiternis replet voluptati-
bus, humanos animos corporibus
etiam inclusos, qui eius se totos ob-
sequio consecrarūt, non cælestibus
quoque donis explebit? Non ipsa
corpora quæ omni sensuum suauita-
te sua se sponte priuarunt, non mo-
dò ab immodicis cupiditatibus, sed
ab ipsis etiam naturæ necessitate
vindicabit? Sed quid rationibus
opus est, vbi tot præclarissimis san-
ctissimorum virorum exemplis abú-
dam? Quæ enim vnquam humana-
rum rerum cura admirabilem illum
Paulum sollicitauit, postquam in illā
se remotissimam solitudinem abdi-
dit? Quod vnquam copiosioris for-
tunæ desiderium Antonij animum
inter saxa, ferasque degentis à cæle-
stium rerum contemplatione reuo-
cauit?

cauit? Quid Macharius? Quid Paphuntius? Quid Hilarius? Quid cæteri clarissimi viri, qui non modò omnibus fortunis libèter caruerunt, sed etiam vnius virtutis studio, atque amore capti vltro se illis abdicarunt, vix ea sibi comparantes, quibus naturæ satisfieri, vitæque ipsa sustentari posset; nonne satis nobis ostendunt, quod voluptatis amatoribus difficillimum videtur, id honestatis, virtutisque cultores facillimum, ac iucundissimum ducere? Est quid em hoc proprium, ac singulare virtutis præmium, eiusque dignitate dignissimum; vt quemadmodum miseri homines, qui omnes suas curas, & cogitationes tanquam pecudes ad præstium, ad hæc quæ fluxa sunt fugaciæ, atque caduca penitus abiicerint, cuius si circumfluant bonis omnibus, sibi tamen multa deesse lugent; & quod plures fortunas compararunt, cōtra-

A coha-
rentia.

R / gis

gis eorum animos immodicę cupiditatis ignis incendit; sic qui ea omnia contemnenda duxerunt, & vitę felicitatem in vna virtute posuerunt, eximio suo bono contęti, nihil amplius desiderant, nullius præterea rei cupiditate teneantur, nihil omnino sibi deesse putēt; atque vt illis facultates ipsę, atque copię ad voluptatem comparatę miseram vitam afferant, & acerbam, sic his eisdem care re gratissimum, ac iucundissimū sit.

A decēt.

Quare mirari iam desinant, qui nullum verę virtutis gustum habent, si eos videant humanā omnia despicerę, atq; continere, qui illius pulchritudinem videre, illius dignitatem cognoscere, illius suauitatem sentire potuerunt. Neque enim deceret, qui cęlesti quadam etiam in terris voluptate perfruatur, eum quicquam humanę, ac falsę voluptatus appetere: qui pulcherrimis se præstan-

præstantissimæ virtutis ornamen-
tis decoratum videat, cum inania
quædam ab hominibus ornamen-
ta requirere: qui se Deo penitus
dederit, eum quicquam ab alio, quâ
ab ipso Deo aut petere, aut expe-
ctare. Iam verò si hoc ita non es-
set: si virtus satis in se præsidij non
haberet, ut felicem hominem atque
beatum efficeret, si quid esset, sine
quo virtus hominibus ad vitæ iucun-
ditatem satis esse non posset, num
putamus, multos eius amatores, at-
que cultores futuros fuisse? nû exi-
stimamus, humanus animus infinitû
semper aliquid, immensumq; desi-
derans in vna virtute quiescere ali-
quândo potuisset? Quare cû vera sint
omnia, quæ de illius dignitate dixi-
mus: ita quidē eadē sentire, ac prædi-
care hanc in primis hominibus uti-
litatem affert, quod tam eximia vir-
tutis laude & ad ipsius amore incen-
dantur,

untur, & ad tanta bona perfruenda
 concitantur. Qui enim diuitias, qui
 laudem, qui regna, qui imperia de-
 nique concupiscit, hæc omnia vi-
 det vna virtutis possessione contine-
 ri. Nemo enim ditior illo est, qui sua
 sorte contentus nullis in summa pau-
 pertate rebus indigere se putat: ne-
 mo laude illustrior, & gloria quàm
 qui ipsis est diuinis laudibus com-
 mendatus: nemo tam est animo re-
 gio, quàm qui se ipsum regere, & ani-
 mi cupiditates moderari potest: ne-
 mo veriùs imperator dicendus est,
 quàm qui sibi, libidiniq; suæ imperat,
 atque omnes animi motus facili co-
 hibet. Quid igitur deesse potest ei,
 qui neque diuitias, opes sue requirat
 neq; laudem amet, aut gloriam? ne-
 que regna imperiaue desideret? neq;
 hæc omnia cum bonis, quibus ipse
 perfruitur conferenda putet? Quam
 ergo præclara virtus est, quamque
 diui-

Epilogus.

diuina? quam prorsus hominibus ex-
petenda,, quæ tot bona secum affe-
rat, quæ ipsum bonorum omnium
auctorem homini conciliet, atq; effi-
ciat, vt in hac etiam misera conditio-
ne vitæ caelesti quodammodo felici-
tate perfruatur.

*Loci communis tractandi
exemplum.*

De Charitatis præstantia.

Argumentum.

Primus locus. *Magne Deo Opti. Max.*
charitas cura semper fuit, quando eam tā
copere hominibus cōmendauit. Christus enim
extremo vitæ tempore hoc suum præceptum
esse dixit, vt nos mutuò diligeremus.

Hæc virtus ad omnes pertinet, cū po-
tentiores tenuioribus fauere, hi verò illos sua
opera iuuare possint

Si omnes hac virtute præditi essent, qua-
lis esset Reip. status, quam felix. Non iace-
rent egem, non inimicitia, non odia essent: hu-

Pro gymnasmatum, siue
maiorum ceteraque animorum consensio felicitatem illam beatorum imitaretur.

Est planè excellens, atque diuina virtus, qua tam bona secum asserat: cuius dignitas vel ex eo perspicitur, quod Deus ipse charitas appellatur.

Et quidem ceteris virtutibus sic excellit; ut sine hac illæ nullæ planè sint, hac cetera retineantur.

Hac qui præditus est diuinæ quodammodo munere fungitur. Quando ut Deus ipse nostri charitate incensus salutis nostræ consulit, sic qui eadem ardet charitate diuinâ, quæ ratione potest, iuuandis hominibus beneficentiam imitatur.

Idem argumentum amplificatum.

1. Locus:

Quæ parentes in extremo spiritu suis liberis diligenter commendare solent, ea, magno quidem argumento est, ejisdem in vita fuisse charissima; existimare quod illos, eadem ad se post mortem pertinere, quorum
a se

à se memoriam cum ipso spiritu di-
mitti noliat. Quantæ igitur curæ ad-
mirabilem illam virtutē, quæ homi-
nēs hominibus magnopere concen-
treat, eosq; arctissimo quodam amo-
ris vinculo astringit, Christo parenti
nostro fuisse putabimus, quādo de-
cessurus ē vitā, sic illā nobis cōmen-
dauit, vt suū hoc præceptum esse di-
xerit, nos vt in vicem diligere mus?
Neque verò tū primū suauissimus
parens hanc suam paternā volunta-
tem significauit, mutuūq; amorē ho-
minibus, benenolentiamque præce-
pit; sed multis ante sæculis eādē cha-
ritatis legem eisdem imposuit, atque
in eorum animis, mentibusq; inscri-
psit. Vnicuiq; enim ab ipso mūdi pri-
mordio mādauit Deus de proximo
suo. Quod si tum ceterorum anima-
rum, tum ipsius hominis nascendi
conditionem consideremus, faci-
le quis intelliget, non modò ipsius

legislatorem Deum eam hominibus
 precipere, sed eos ad ipsam diligen-
 tissimè seruandam cogere quodam-
 modo voluisse. At quomodo id tã-
 dem? Videmus quidem cætera ani-
 malia nulla neque sua, neque paren-
 tum industria, sed à naturâ ipsa con-
 tra vim temporum vel ardoris, vel
 frigoris satis tecta, atque munita par-
 tim etiam contra aduersariorum im-
 petum, quos eadem illis natura de-
 dit, armata. Quid verò homo diuinũ
 animal, ac princeps reliquorum? quã
 longè alia conditione prodit in lu-
 cem? Nam primũ quidem nascitur
 nudus, multis deinde difficultatibus
 affectus, egētissimus rerum omniũ,
 omnibus denique incommodis ex-
 positus, atque periculis. Quid ita? vt
 ea scilicet ratione in tãtis vniuerso-
 rũ hominũ angustiis alios alijs fanere
 atque opem ferre, quod charitatis est
 proprium, vel ipsa necessitas co-
 geret,

geret; si minus suaderet humanitas. Quare non tennes solum, atque infirmæ conditionis homines, ita nasci voluit præpotens ille Deus, sed qui opulentissimi, qui principes in Repub. viri, qui Reges, qui Imperatores futuri essent, ut prius hi à tenuioribus accipere, quàm illis dare beneficium didicissent. In ipsa verò humanæ vitæ societate tuenda idem ipse sapientissimus Deus res ita prouidit, atq; constituit, ut aut lex illa mutæ charitatis perpetuò seruanda esset, aut ipsa communis hominum societas dirimenda. Sic enim sua hominibus bona impertit⁹ est, ut alij aliorum vel fortunis, vel opera, vel consilio, vel industria ita indigerent, ut si se mutuò iunare nollent, ipsum hominum genus conservari non posset. Fortunis quidem alios, atq; opibus cumulauit: sed quid his suæ facultates, opesq; prodesse, nisi ad eas

tuendas, & conseruandas tenuiorum
opera iuuarentur? Alios in excelsa
dignitatis, atque honoris gradu col-
locauit; sed hic tamē firmus esse qui
posset, nisi populi gratia, bencuolen-
tia, & charitate niteretur? Regna a-
lijs, atq; imperia quasi in sinu detulit,
vel certē eadem comparandi vi, at-
que armis facultatem dedit; sed hæc
tamen quā diuturna essent, si Res-
pub. ipsa, quæ tanta varietate homi-
num cōtinetur, sui vel regis, vel Im-
peratoris recusaret imperiū? Vt verē
quidem dicere possimus, nō minū
plebem, atque infimos homines po-
tentiorib⁹, atque ipsis regibus opes
dare, & imperia, quā ab his illos,
quibus viuunt, atque alantur accipe-
re. Quare eō profectō maior charita-
tis dignitas est, quō ad plures ei⁹ fru-
ctus, atque vtilitas pertinet. Qua di-
uina virtute si vniuersi homines præ-
diti essent, o nos beati! o felices, for-
tuna-

tunate quæ Respublicæ! Quæ tu forma? quæ species? quæ dignitas singularum urbium, & oppidorum? Finge tibi optandum illum Reip. statum, in quo vniuersi ciues vno sint animo, & voluntate, vt alij non minus aliorum, quam sua causa laborent: aliorum incommoda, labores, atque erumnas, suas erumnas, incommoda, atque labores patent: aliorum prosperis rebus non minus lætetur, quàm suis. Quid excogitari felicis, aut beatius posset? Quid quod magis summam illam diuinarum mentium felicitatem referret? illam cōsensionem animorum, illā cōspirationem beatorum ciuium vnacharitate cōflatam? Nemo iam liuore, atque inuidia in aliorum voluptate doleret: nemo intestino quodam odio alterius salutē machinaretur insidias: nō inimicitie, non tumultus, non seditiones ciuitates perturbarent: non

egestas, atque rerū indigentia ærum-
 nosos homines in latrocinia cōpel-
 leret: in summa pace vniuersi, in iu-
 cundissimo otio, trāquillitate, ac se-
 curitate vincerent. Mira profectò cha-
 ritatis vis: quæ vna tam multa, quæ
 hominum improbitate dilapsa fluxe-
 runt, suauissimo amoris vinculo vin-
 cire posset, odia restinguere, inimi-
 citias tollere, perturbationes seda-
 re, omnia suis locis æquissimo iure
 cōstituere. Quid dicam ampliùs? aut
 quæ omnino tantæ virtutis laudibus
 oratio par inueniri potest? Cuius di-
 gnitas tanta est, vt nihil non modò
 in terris, sed ne in cælis quidem re-
 periri possit melius, atque præstan-
 tius. Quæ enim tantam hominibus
 etiam in hac misera vita felicitatem
 posset afferre, eadem ipsa est, quæ in-
 peros illos, animos, ac cælestes men-
 tes beatas efficit. Hinc enim illa na-
 scitur celestium ciuium tā mira con-
 sensio.

4. locus.

senſio. Hinc ille ardentiffimus amor
exiſtit, quo ſe illi mutuò perperuò
diligunt, & complectuntur, atque
alij aliorum bonis ita perfruuntur vt
ſuis. Hæc eadem illos cum ipſo Deo
ita coniūgit, & copulat, vt ipſi quaſi
extra ſe poſiti Deum ipſum vno om-
nes animò, ac volentatē intuētes,
ipſiuſque admirabilem pulchritudi-
nem, infinitam potentiam, ſapientiā,
bonitatem contemplantēs in eo pe-
nitus hæreant, in eiſque vultu &
amore ſuauiſſimo ſempiternis ex-
pleti voluptatib⁹ conqueſcāt: eiſ-
dem verò ita quaſi facibus inflammā-
tur, vt quemadmodū ferrum in ignē,
ſic ipſi in Deum conuerſi quodam-
modo videantur. Sed quid mirum
qui diuina charitate flagrent, eos di-
uinos eſſe: cum Deus ipſe charitas
ſit. Quare meritò hæc quidem appel-
latur reliquarum princeps, atque re-
gina virtutum: quæ tantum præſtat
cæteris

1. Ioan. 4.

ſ. locus.

quæri

ceteris dignitate, ut sine hac illæ suū
splendorem, atque vitam amittant.
Considera virtutes singulas, earūq;
excellentiā, atque præstatiā, cha-
ritatē, si ex earum numero ademe-
ris, mortuæ planè sunt. Si labores
multos pertuleris, difficultatesq; su-
peraris, charitate tamē careas, virtus
1. Cor. 13. nulla est. Si te in acerbissimos crucia-
tus dederis, corpusque tuū cū diuino
Apostolo igni, flammisq; tradide-
ris, nullus tamen insit in animo cha-
ritatis ardor, virtus nulla est. Q admi-
rabilis, atque diuina virtus, quæ qui-
dem efficit, ut quemadmodum hu-
manum corpus viget, ac sentit, dum
inclusus in eo animus est, sic cæteræ
virtutes, ubi adsis, suam vitam, digni-
tatemque retineant? Quid est igitur
excellentiùs charitate? quid homi-
ne dignius? quæ hominem Deo ip-
si, Deo, inquam, dignum, & quo-
dāmodo diuinū reddit. Quid enim
6. locut.
verius

verius dici potest, si charitatis mune-
ra velimus attendere, quam cum, cu-
ius animus in eensa quadam charita-
te flagret, divinam ipsam in bene de
hominibus merendo bonitatem imi-
tari, atque ad illam eius eximiam
liberalitatem, ac munificentiam pro-
ximè accedere? Perlustra, quæ-
so te, mente atque animo vni-
versum orbem, cælos ipsos, ac ter-
ras circumspecte, quæque tam spatio-
so ambitu continentur: divinâ dein-
de in res vniuersas providentiam
contemplare; tum summi parentis
Dei tantam clementiam, benignita-
tem, beneficentiamque mirabere,
qui primum hanc tam admirabilem
eiusdem orbis fabricam, tanta pul-
chritudine ornatam, tanta varietate
distinctam, tam miro opere, ar-
tificioque constructâ hominis causa
tueatur, atque conseruet: qui tot
præterea animantium genera partim
in

in ipsa immensitate aeris, partim in
latissimis aquarum spatijs, partim in
tam multis, tamque disiunctis terra-
rum regionibus ad ipsius quoque ho-
minis usus, & utilitates alat, atque su-
stet: homines verò ipsos alios alijs
naturę dotibus, alia alios ingenij fa-
cultate donarit; quò illi vtilius, atq;
commodius ad communem vitam,
societatemque tuendam mutua in-
ter se opera uti possent. Hanc ergo
paternam providentiám ut in homi-
nes adhiberet præpotens ille Deus,
quid aliud eum ipsum, nisi eiusdẽ in
illos ~~seu~~ eterna charitas movit? Nõ-
ne igitur diuino munere fungitur, di-
uinasque partes suscepit is, qui eadẽ
incensus charitate hominum vel sa-
luti, vel incolumitati quacunque ra-
tione potest inseruit? qui aliorum acer-
bissimos casus consolatur? aliorum
egestatem subleuat, & inopiam? alijs
in periculo, aut discrimine aliquo
verlan-

versantibus opem, & auxilium præbet? alios prudentia iuvet, atque cōfilio? alios, quod maximum, atq; potissimum est, à vitiorum turpitudine auocat, ad meliorem vitam, honestioremque traducit? Quàm igitur felix ille est, ac planè beat⁹, qui hac se virtute munierit, quæ hominū illi conciliat voluntates, eum ipsi Deo charissimum reddit, beatarum mentium felicitatis participē facit, in ipsam diuini muneris societatem admittit.

Laudis tractandæ exemplum.

Diui Ludouici Regis Galliae laus.

Argumentum.

EXordium sumi potest à diui celebritate, ab auditorum studio Ludouici laudes audiendi, ab ipsius virtutum, ac laudum maiestate.

Ad laudem conficiendam per omnes ætatis gradus percurrat oratio. In pueritia laudabitur educatio, quod eum ipso parentis la-

P

Et vir-

Ete virtutem hauserit. In adolescētia bonarum artium studia. In matura, & perfectâ etate regia virtutes, prudentia, consilium, facilitas, religio, charitas, summusq; animi, integritas, & eiusmodi aliæ.

Conferri potest cum alijs regibus qui nomine quidē reges, re tamen vera suarum erant serui libidinum, qualis Xerxes, Alexander.

Post mortem, quanto in honore sit apud omnes, dici potest, vt qui in beatorum numerum relatus sit.

Epilogus breuem virtutum enumerationem, & ad eum imitandum exhortationem continebit.

Idem argumentum amplificatum

Quantum opportunitas temporis, Auditores optimi, vestraq; omnium voluntas, & in sanctissimū Ludouicum pietas singularis meum animū excitat, vt hodierno die, hoc loco, atq; his auditoribus, aliquid de eiusdem laudibus dicam; tantū profe-ctò rei difficultas eundem retardat,

ac reprimat; cum neque officio meo,
neque vestris studiis, neque tantis
eius laudibus satisfacere me posse
confidam. Sed cum hoc pietatis, ac
religionis officium diuino Ludouico
eod die, qui sacer illi est, deberi non
possit; faciã promptissimo animo, &
voluntate quod sine magno timore
aggredi, sine praesenti eiusdem viri
sanctissimi auxilio praestare nõ pos-
sum. Et verè iam rem attentius con-
sideranti hunc mihi timorem ista
vestra pietas, ac religio magna ex
parte minuit, ac tollit, cum pa-
rem studiis vestris, si nõ orationem,
voluntatem tamen afferamus: quæ
cum tantum se posse cupiat, quan-
tum & vos in patronum vestrum
conferendum putatis, & ipsi iure
debetur; cumque quantuncunque
illud sit, quod certè maximum est,
nullius hominis oratio consequi va-
leat; reprehendenda profecto nõ est,

si id conari audeat, quod quia à ne-
mine tractari dignè potest, ab omni-
bus ita hac tanta diei celebritate
prætermitti certè nō debet, ac negli-
gi. Quare illud à vobis peto, Audi-
tores, vt mihi detis hanc veniam, vt
si prouecta fortasse, & tanquam na-
uis in medio mari nostra fluctuet, ac
periclitetur oratio, quicumque se no-
bis portus ostēderit, eum teneamus
potius quā obrui nos vè fluctuum,
sic magnitudine rerum sināmus: si ve-
rò sedato mari, tranquillo quæ fera-
tur, eam obsecro vos, attentione, hu-
manitate, facilitateque vestra tāquā
auræ lenissimæ flatu propellatis. Sed
iam diuinum virum inspiciamus, si
placet, à puero, & quibus quasi gra-
dibus ad summum virtutis fastigium
ascenderit videamus. Atque hoc pri-
mum quod de illius infantia dicam,
cuius quidem felicitati adscribendum
est, & diuinæ bonitati referendum,
quæ

Ab educa-
tione.

quæ illum ad res summas, maximarū
que virtutum laudem ex omni æter-
nitate delegerat, sic eum ab ipsis in-
cunabulis educatum fuisse, ut in ma-
tris gremio suavisimum iam virtutis
nomen eius auribus personaret: ea-
demque parens præclarissima, atque
sanctissima scœmina cum illum inter
materna vbera complexum lacte nu-
triret, virtutē simul hauriret ex ani-
mo, quā eius menti, atque intimis ani-
mi sensibus instilaret. Quo diuino
pabulo sic illius alebatur animus, ut
mirum sit, quantum in ipsa prima æta-
te virtute profecerit. Quid verò cum
excessit ē pueris? Quomodo vitæ
suæ rationē Ludouicus instituit? Ani-
mauertit optimus adolescens, natu-
ram quidem doctrina, & litteris ex-
cultam, atque pefectam ad virtutem
valere plurimum, eam etiam præcla-
ram sine doctrinæ cultu corrumpi
facile posse. Quare cum id esset æta-
tis,

Ab optimo
mis studio

Progymnasmatâ, siue

tis, quæ multis naturæ blandimentis
delinita voluptati plerunque con-
nuere, ac indulgere consuevit, non il-
lam in otio langoreq; traduxit, sed
in ijs disciplinâs, atque artibus collo-
cauit, quibus adolescentes ad huma-
nitatem informari solent, ad officiû
in rebus omnibus retinendum, ad di-
gnitatem, ad virtutis gloriam, ad pie-
tatem, religionemq; colendam, vt
qui Rex futurus esset, iam inde à pri-
mâ ætate sapiënter instructus sibi ipse
prius disceret, quàm gentibus impe-
rare: neque prius Rem publicam gu-
bernandam capefferet, & ab hostiû
iniurijs defendendam, quàm virtu-
tis prælijs suum ipse animum mu-
nimisset, atque firmasset. Quàm ve-
rò bon' princeps diligenter, ac se-
riò ætatis flore & in litterarum, & in
virtutû omniû studiû incubuit? Pro-
ponebat ille sibi æqualium suorû ma-
ximè strenuos adolescentes, quorû &

industriâ, & laboré turpe sibi existi-
mabat esse, si non aut inuitaretur, aut
vinceret: ne quibus potentia supe-
rior esset, studiorû, & virtutis laude
inferior videretur. Quæ cursum lau-
dis, & gloriæ in omni genere & lit-
terarû & virtutû à primâ ætate suse-
ptum, sic in reliqua vita tenuit, ut
quantum reliquos homines imperij
dignitas, atque præstantia, tantum
sapientia superaret. Hæc igitur præ-
clarissimus adolescens iecerat funda-
menta virtutum, hæc initia posuerat
futuræ laudis, & gloriæ, cum post pa-
rentis eius obitum in regia est digni-
tate constitutus. Iam te, sanctissime Ludovice, altius oportet volare, ne-
que in isto altissimo tamē gloriæ, at-
que virtutis gradu consistere. Satis
fecisti pueritiæ tuæ, satisfacisti ado-
lescentiæ virtutis gloria, quam pro-
pris viribus comparare potuisti: nūc
iam matura, atque perfecta ætas,

A bonis
fortunæ.

Regia dignitas, perfectis quoq; moribus, atque regijs decoretur, necesse est. Ista iâ tam grauis persona alios mores, aliam vitam postulat: ex qua scilicet non ab adulescētibus solum, sed à summis etiam, atque amplissimis viris virtutū omniū exēpla petantur. In regia igitur sede, atque solio summa totius Reipub. voluntate, beneuolentia, & gratulatiue constituitur. Quid tum? Quod ille vitæ genus orditur? Quomodo nouæ dignitati noua vitæ ratione respōdet? Vetus illud est, ac peruulgatum; res quidem iisdem artibus faciliè retineri, quibus initio compatare sunt. Regiam igitur nomen, quamam alia ratione putamus Ludouicum retinere veriùs potuisse, quàm ea, qua qui primùm Reges appellati sunt tã præclarum, atque illustre nomen inuenerunt? Quis est enim, qui ignoret, fuisse quoddam tempus, cum homi-

nes in sylvis, atq; in agris sine duce,
sine gubernatore, sine ullis aut legi-
bus, aut certis moribus viverent. Cū
nihil humana ratio valeret. Omnia
vis, atq; furēs animi impetus gubēr-
naret. Cū tātū quisq; haberet, quan-
tū alijs per vim, per scelus, ac fraudē
posset eripere. Cū ipsi deniq; homi-
nes non ad humanam societatem,
atque commercium, sed ad sem-
piterna dissidia, atq; bella nati esse
viderentur. Qui ergo eo tempo-
re excellentiori quadam natura, at-
que ingenio prēditi parum inter ho-
minum vitam ac beluarnā feritātē
interesse animaduēterent, iustitiā,
& aequitatis amore allecti, & eā ip-
sam amare, atq; colere, & eandem
alijs totis animi viribus persuadere
caperunt. Itaque factum est, ut eos
dissipatos antea, atque dispersos in
certa loca compellerent, certis mo-
ribus, legibusq; coniungerent, &

societate quadā copularēt. Atq; hos
quidē barbari illi homines, atq; feri
ipsorū doctrina mansuesacti, ad hu-
manitatēq; traducti, quoniā se illis
gubernādos, regēdosq; tradiderūt,
reges appellādos putarūt, hos excel-
lētes viros, atq; diuinos existimarūt:
horum prāstantiā admiratus Hesio-
dus, Reges à Ioue procreatos esse
dicebat. Hoc illa Orphei lyra, can-
tusque significat, cuius iuuante flu-
mina ipsa consisterent, cuius mira-
dulcedine montes, ac saxa traheren-
tur. Ergo à iustitiæ, æquitatis, & ho-
nestatis fonte regij nominis primū
gloria manauit. Qui ergo Rē publi-
cam ita gubernarit, suos cives ita re-
xerit, vt eos primò prāclaro vitæ
exemplo ad honestatem inuitet, op-
timis deinde legibus, & institutis ad
religionem colendam impellat, et
ego & verē Regem, & Regio animo
esse dicam. Quid horum igitur in

sanctissimo Ludouico desideramus?
Quid nō admirabile, atque singulare
fuit? Quod omnino virtutis ornāmē
tū non in eius vita, atque moribus
maximē claruit? Nā ea primū vir-
tus, quæ maximē in Regibus cōmen-
dari solet, quantopere Ludouicū or-
nauit; singularis quædā abstinētia;
atque admirāda frugalitas? Et quidē
Regias viri sanctissimi laudes prædi-
care cupienti illud in primis maximā
mihi suppeditat copiā, vnde aliorū
tetra facinora, immaniaque flagitia
profluxerūt; prospera illius fortuna,
rerū omniū affluentia, summæ opes,
summa potētia. Vt enim oēs intelli-
gerēt, quod plerisq; persuaderi faus-
tū nō potest, amplissimas fortunas, exi-
miāq; virtutē nō inter se natura, sed
nequitia hominum, peruersitate, &
improbitate dissidere, atque disun-
gi; sic vtrunq; vir clarissimus copula-
uit, vt neq; summæ illius copię, atq;

A virtuti-
bus.

opes

opes in tãta virtute minui, neq; summa eiusdem virtus in tanta rerũ affluentia enervari, debilitariq; potuerit. Ea enim quæ plerique mortales immodicè concupiscunt, & ad voluptatem avidissimè comparant, anicnissima prædia, largètum, aurumq; cælatum, stragulas vestes, signa, tabulas miro opere, artificioq; visendo, non abijciebat ille quidem, sed ad regiam dignitatem pertinere arbitrabatur, non ad suam ipsius voluptatem, deliciasque possidebat. Itaque ijs omnibus sic vir abstinentissimus utebatur, vt eanõ sibi habere videretur, sed vt aliorum oculos pasceret, non vt suum ipse, sed vt aliorum animos oblectaret: vt maximè mirũ sit, eius animum tam multis fortunæ bonis implicatum, sic explicatũ semper fuisse, solutum ac liberum. Iam eodem viro quis integritatis, atque innocentiaẽ lande præstantior, quã

vt valdè persuasum omnibus est, nul-
la vnquam mortiferi criminis labe
suum animum macularit. Quis reli-
gionis studiōsior? in qua colenda,
tuendaque sic excelluit, vt eius tē-
pore diuinus cultus mirè propaga-
tus, amplificatusque fuerit. Quis hu-
manitate erga miseros homines, ac
facilitate excellentior? qui vniuersis
ad se tam faciles aditus esse patieba-
tur; sic ad eorum se humilitatem de-
mittebat; vt cū illam granitate re-
gem diceres, illis humanitate parem
iudicares. Quis charitate ardentior?
quā cū ipse flagraret, eos, quibus
cū ageret, inflābat. Iam illa vir-
tis, quæ ceteras faciliè continet, atq;
custodit; quæ sui amatores efficit, vt
quò potentiores sunt, eò se gerant
summissius, quā insignis in illo fuit,
quantopere regiam eius dignitatem
illustrauit? Sic enim accepimus: eun-
dem & potentissimum Regē, & fan-
tissim-

Atissimum virum ea loca frequenta-
 re solitum, vbi pauperrimi homines
 varijs corporis morbis affecti cura-
 rentur, ibique & purpuræ, & maie-
 statis regię, ac dignitatis oblitum ad
 sordidissimi cuiusvis pedes prouolu-
 tum, eidem adesse, eundem consola-
 ri, ejusdem & curare vulnera, & re-
 gijs tractare manibus non exhorres-
 cere. O spectaculum hominibus an-
 teanunquam auditum, ipsis diuinis
 mētibus admirabile immortali Deo
 gratum, atque iucundum. Ponite,
 quæso, vobis ante oculos, Audito-
 res, potentissimum Regem, ornatu
 regio, atque cultu, maiestate ipsa ve-
 nerandum, regali solio relicto in pu-
 blicum prodeuntem, stipatum ma-
 ximo comitatu præcūtibuscibis,
 regni principibus subsequētibuscibis,
 infinita circumfusa multitudine, om-
 nibuscibis eidem honorem vndique ma-
 ximum exhibentibus. Visitatum
 quidem

quidem est hoc, & tamen nemo est, qui pulcherrimam illam maiestatis speciem, ac formam aspiciat, quin tantam amplitudinem admiretur. Sed eundem tamen, obsecro vos, vestris animis prosequimini, in nodochium ingredientem, ad tenuissimum, ac pauperrimi hominis lectulum squalore ipso, atq; pædore horridum accedentem intuemini: ibiq; eundem corona deposita, regijque abiectis insignibus, inspectante populo, eius repente servum considerare, qui propter humilitatē, indignitatem, atque miseriam ne dominum quidem, si quæreretur, invenire posset. Iam hoc quam novum est? quam inusitatum? quam omni prædicatione dignum? Quod si illius apparatus regij quotidiana consuetudo admirationem non tollit; hæc tamen nova regie maiestatis forma quantā admirationem debet afferre? Quis non hanc

tantam animi summisionem eius generis esse dicat, quia ille Rex regum, ille dominantium dominus in piscatores tenuissimos homines usus est, cum ad eorū se pedes abiecit, ut eorum sordes ablueret? Ab illo diuinitatis folio assertor noster in hominū terras hominum causa descendit, ut animorum vulneribus mederetur: atque hoc vnus ille quidem facere potuit, quippe qui Deus vnus sit, ut tam altē descenderit. Sed hanc illius tam incensam charitatem, tamq; admirabilem summisionem animi Ludovicus noster imitari cupies, se ipsum quantum potuit abiecit, atq; ita, ut neque ex altiori dignitatis loco descendere, neque ad humiliorem se dimittere, deprimereq; potuerit. Age verō, illę virtutes, quę regiē dignitati splendorem maximum asferunt, quam excellentes in illo fuerunt? Quanto rerum usu, atque experien-

perientia valuit? qui cū pueritiā,
atque adolescentiā in litterarū stu-
dijs posuisset, eius vix confirma-
ta ætas, principium habuit imperij
gubernationem, administrationem-
que bellorum. Quantum in eo inge-
nium eluxit, atque prudentia? qui sic
omnia prospiceret, rebusque admi-
rabili sapientia prouideret, vt quæ
mala humano consilio vitari, nullo
modo posse viderentur, ea felicissi-
mum casum, atque exitum inueni-
rent: in quo præclarissimum inge-
nium, eximia virtus felicissima for-
tuna eiusmodi fuerunt, vt ex animi
sententia rerum euētus, nescires, cui
eorum potius adscriberes, singula
eam sibi laudem vindicare videren-
tur. Quæ verò in administratione
bellorum, siue in imperij gubernā-
tione aduersa contigissent, ea verò,
quoniam Dei voluntas ita ferret, tā-
ta æquitate animi tollerabat, vt in

T

magna

magna diminutione opum, atque potentia, animus tamen ipsius nihil de magnitudine amitteret, atque constantia. Eius verò singulari modestia quæ potest oratio inueniri par. Quæ tanta profectò fuit, quantam ipse terrarum orbis semper admiratus est, atque omnis posteritas prædicabit. Cuius enim ynquam pudicitia tam acriter opdugnata, sic prorsus integra, cuius castitas delictarû satellitibus tam obseffa, sic penitus libera, cuius integritas animi tam multis voluptatis blandissimæ machinis tentata, sic incorrupta, atque constas reperta est? Iam de ipsius in administratione Rep. diligentia quid dicam? Qui vt regnò suo còsuleret, decesset sibi: vt sui ciues libere, ac tranquille viverent, nuquam ipse liberum, ac tranquillum spiritum duceret. Hunc igitur virum sanctissimum, tot regis virtutibus ornatum, verè quidem Regem

gem appellare possumus: qui non minus sapienter, se, quam suos regere, ac moderari potuit. Nam il-
A collatione.
 liquidem, qui cum regium nomen obtinerent, suis ipsi cupiditatibus, ac libidinibus seruierunt, non tam Reges, quam vilissimi libidinum serui appellari debent. Vt enim citharedum non citharæ faciunt, sed citharam pulsandi peritia: ita non qui regni opes possidet, sed qui regnandi scientiam tenet merito Rex iudicandus est. Itaque summum illum Xerxem opibus, atque potentia: Maximum Alexandrum victoriarum laude celebratissimum: innumeralesque alios, qui ad delitias, & voluptates imperio, ac potentia abusi sunt, regium quidem nomen, non regiam tamen dignitatem obtinuisse dicemus. Ludouicum vero qui seuerius sibi, quam ceteris imperabat, duriores sibi leges, quam suis ciuib?

imponerebat : qui se ipsum vincere
gloriosius putauit, quàm hostes, si
nomen assecutus non esset, regiam
tamen dignitatem adeptum illum
esse, prædicare possemus. Hæc Lu-
douici sanctissimi Regis vita fuit, hi
mores, hæc Reipub. gerendæ ratio:
in qua nihil profectò nisi præclarum,
nihil nisi eximium, ac planè regium
reperietur. Quid verò ipsius extre-
mæ vitæ actus? qualem in eo se Lu-
douicus præbuit? quomodo tandem
vitam ipsam terminauit? Id iam, si
placet videam⁹, Auditores, vt quod
illius vitæ vltimum fuit, id quoq; no-
stræ si orationis extremum. Ardebat
vir præclarissimus Christianæ reli-
gionis propagandæ incredibili quo-
dam studio: atque eò quidem magis,
quò propius se ad exitum vitæ acce-
dere iam animo præfagiebat. Ob eā-
que causam non modò imperij sui fi-
nes, cæterarumque prouinciarum, at-
que

que regnorum, sed ipsa terrarum orbis spatia nimis angusta putabat esse ad veram religionē amplificandam, diuiniq; cultus terminos dilatandos. Huc omnes illius curæ, omnes cogitationes, omnes vigiliæ conferebantur. Et ut nihil à se ad eam rem prætermissum esse, quod quidem præstare ipse posset, aliquando doleret, Sacerdotis perfidis hominibus bellum inferre constituit, ut aut ipsi terrore belli ad Deum se suum, effectoremque cōuerterent, aut si id minùs procederet, iisdem deletis, & extinctis, eorum sedes religionis cultores homines occuparent. Eam verò rem quam studiosè diligenterque suscepit? Neque enim minus acer in suscipiendo fuit, quàm pius fuerat in cogitando. Magnas igitur copias, multos exercitus bonus rex, atque Ecclesiæ propugnator acerrimus quàm breuissimè comparat, omnibus armis

optimè instruit, sed multò magis religione ipsa, ac pietate firmat, ac roborat: iisdem se ducem præbet, & ad rem militarem administrandam, & ad ipsa belli pericula subeūda. Quid tum? In ipso iam hostium conspectu castra locauerat, de committendo prælio, signisque conferendis agebatur; cum ecce repente pestis exoritur, atque ita per milites serpit, ut cum subito multos oppressisset, multos infecisset, multos tentasset, nulla breui tempore castrorum forma, nulla species exercitus appareret. Et tamen idem permanet Ludouicus, qui semper fuerat: hoc est, animo quidē regio, regia magnitudine, atque constantia. Atque hoc quidem tempore eius optatis voluntas, credo, diuina respōdit; qui ita nūti videtur optasse, ut quoniā tā multos ex suis pestifero illo morbo tam miserè videret extingui, ne ipse meliorem quā ex-

teri conditione videretur, quos semper fuisset non minore, quam se ipsum amore complexus. Ergo eadem illa Ludovicum pestis inuadit, atque ita acriter, ut breui illum ad exitum vitæ perduxerit. Attendite, iâ attendite, Auditores optimi, quem regio vixisse animo audistis, regio quoque animo morientem. Etenim oculis in cælum intētis, vbi suum ipse animū a primis annis, mentemque defixerat, regia illa diuini vatis verba summa alacritate animi, & vultus hilaritate cum extremo spiritu edidit. Introibo in domū tuā, adorabo ad templū sancti tui, & confitebor nomini tuo. O vir præclarissime, atque admirabilis! O vita felicissima, quam tam beata mors consecuta est! Introibo, inquit, in domum tuam, Quā bene sperat, in cælesti se domicilio locum habiturum, qui tam multa ipsi Deo in terris domicilia ædifi-

A mortis
genere.

T 4 calet:

Progymnasmata, siue

A colla-
tione.

casset: tam multa templa religionis
causa crexisset: tam multa nosodo-
chia constituisset: tam multa religio-
forum hominū canobia fundasset.
Quantum igitur interest inter illorū
regum, quorum modò mentionem
fecimus, intolerabilem dominatum,
ac Ludouici nostri equissimum, in-
fussimumque imperiū? Quam lon-
gè aliter de illorum, atque de huius
tum vita, tum morte omnis posteri-
tatis memoria cōmemorabit? Quis
enim illos nisi vituperationis causa
nominet? Quis verò hunc aisi sum-
mi honoris, ac religionis causa appel-
landum putet? Quis nō illorum vi-
tia, libidines flagitiaque reprehēdat?
Quis huius admirabiles, eximiasque
virtutes non laudibus efferat? Quis
illos sempiternis supplicijs apud in-
feros dignissimè torquenti non cen-
seat? Quis hunc in Diuorum nume-
rum relatum esse nō gaudeat? Atq;
illo-

illorum quidem monumēta, si quid in illis gloriæ aliquando fuit, manu atque industria hominum facta ipsa iam temporum vetustas cōsumpsit, atque deleuit; hui⁹ viri perpetuò manent monumenta virtutum: quæ cū interire nō possint, ne illarum quidem gloria ullum est finem habitura. Hunc igitur diuinum hominem, præstantissimum Regem, tot nominibus præclarissimum quo tandem cognomine compellabimus? Titus ille Manlius, quod hosti torquē detraherit, gloriosum illud Torquati cognomē inuenit. Atqui multò maiora opera Ludouicus, multò illustriora facinora edidit. Illum ne ergo Magnum dicemus? meretur ille quidem, sed hoc illi cognomē à Carolo Magno præreptum est. Pium ne? nemo illo religiosior, nemo magis pius verum Magni filius Ludouicus vt priùs nomen, sic etiam huius

cognominis gloriā sibi vindicauit. Num sapientē? excelluit ille quidē plurimū sapientia, sed iste tamen titulus Ludouico cuiusdā eius successoris reservatur. Quo tandem igitur te Ludouice cognomine appellem? nū iustum? magnificum? fortem? misericordem? innocentem? minora sunt quidem hęc omnia, quam quę tuam dignitatē explicare possint. Christissimū ergo? Studiosissimū te Christi Opt. Max. imitatore, strenuum & acrē Christianę religionis defensorē, ac propugnatorē agnosco, & pro ea causā occidisse te, scio: sed & parens tuus in simili expeditione obiit, & hoc tibi cognomen cū cæteris Francorum Regibus commune est. Proprium ergo quoddam, & peculiare, teque dignum quærendum est: & quidem, nisi fallor, inueni. Igitur te Ludouicum Regem, cognomine verò sanctum compellabo:

Quibus

Quibus paucis litteris reliqua omnia, quæ in cæteris regibus, singula in singulis maxima sunt, vniuersa continentur. Hic enim magnitudo, hic pietas, hic sapientia, hic religio, hic misericordia, hic iustitia suam sedem, atque locum habent. Habent igitur in te Reges, quod imitentur: privati homines, quod amplectantur: religiosi viri, quod emulentur: omnes cuiuscunque generis, conditionis, atque ordinis virtutum omnium exemplar, ad quod mores suos componere, & cõformare queant. Quare hoc nobis regnũ, Auditores optimi, hoc nobis proponamus imperium, hoc nos assequi totis animi viribus contendamus: humanam vero laudem, atque gloriam non pluris faciendam putemus, quam idem ipse fecit, qui cum eadem abundaret, tanto opere neglexit, atque contempsit. Et qui præstatissimũ, sanctis-

Epilogum

finiuntur

Progymnasmata, siue

simumque Regem Ludouicum studiosissimè commèdamus, laudibusque extollimus, propter ipsius potius eximias, diuinasque virtutes, atque excellentes animi dotes, quàm propter eiusdem opes, atque potentiam, eain tanto viro conemur imitari, quæ in eodem admiramur, atque suspicimus, vt eius vestigia persecuti, eundem vitæ cursum teneamus, quem ille felicissimè, sanctissimeque confecit.

Vituperationis tractanda exemplum.

Vituperatio Catiline.

Argumentum.

EXordium erit : Oportere quemadmodum honestos viros laudamus, sic etiam improbos homines vituperare; vt non minùs ad hos detestandos, quam ad illos imitandos adulescentes moueantur.

Vituperatio sic induci potest. Primum fortune, & corporis bonis malè vsum eum fuisse dicet. Deinde animi vitia persequere.
turpi-

turpitudines, libidines, audaciam, odium
in omnes bonos, & in patriam, quam de-
lere conatus est. Eum præterea cum Romani-
nis clarissimis comparabis, qui pro patria vi-
tam profuderunt, cum Fabio, Fabricio, Cam-
millo. Postremò tam turpiter obuisse illum
dices, quàm vixerat; quando dum patria
bellum faceret, in acie obtruncatus interijt.

Epilogus ad bonorum imitationem, ad in-
probiorum detestationem brevè exhortatione
concludetur.

Idem argumentum amplificatum.

Quemadmodum summa illi lau-
de sunt digni, qui non modò
ipsi egregijs virtutibus, præclareque
rebus gestis claruerunt, sed suos quo-
que ciues, atque patriam ornavunt:
sic illi summa sunt vituperatione di-
gnissimi, qui cum clari per se, atque
illustres esse possent, non modò suã
à maioribus acceptam gloriam ob-
scurarunt, sed suæ quoque patriæ te-
nebras offundere, cuiusque nomen
extin-

extinguere conati sunt. Ex hoc autē genere fuisse permultos, & verissime narrant historie, & misere multarum virorum ruina interitusq; testantur. Ex quorum numero audacissimum illum, ac sceleratissimū Catilinam Romanū ciuem insignem in primis fuisse cognouimus, qui si re ipsa quod de euertenda, atque delenda patria cogitarat, consecutus non est, omnes tamē, qui suę patrię hostes extiterunt, improbitate, scelere, amentia, atque impietate superauit. Quare, vt vtilissimum est, clarissimorum virorum exinua facta laudibus persequi, sic esse existimo eloquentię fructum non exiguum, sceleratorum, atque improborum hominum, qualis Catilina fuit, vitę, morumque turpitudinem acriter infestari dicendo: vt quantum adollescens illorum laus ad virtutem alliciat, tantum a turpitudine, atque

flagi-

flagitijs horum vituperatio deterreat.
Atque hoc quidem Catilina maiori
est reprehensione, ac vituperatione
dignus, quo plura tum ab ipsa natura
tum etiam a fortuna adiumenta, atque
incitamenta habuit ad summam vir-
tutis laudem, & gloriam, Nam qui
nobilissimis parentibus ortus esset,
honestatem profecto debuit, & vir-
tutis dignitatem cum nobilitate con-
iungere. Ut enim illa cum gene-
ris splendore coniuncta magis elu-
cet, ac splendet; sic hæc nisi virtu-
tis lumen accedat, tenebris facile ob-
funditur, & quasi sordibus obsole-
scit; & quæ una potest virtutis digni-
tate comparari, uno eiusdem virtu-
tis presidio retineri, & conservari
potest. Sed ille tamen, quantum
ipius maiores tum generis clarita-
te, tum virtutis præstantia inter suos
cives auctoritatis, & dignitatis cole-
ctum suat, tantum vite, atque morum
prauis-

Quod for-
tune atque
corporis
bonis ma-
le vult esse

Aliv A
dine

prauitate turpissimè amisit, vt non minus hic flagitijs, sceleribusque insignis fuerit, quàm illi virtutibus, & rectè factis illustres extiterunt. Atque ipsa quidem natura sic illum neruosum finxit, & ad famem, sitim, frigora perferenda robustum, atque valentem, vt facili negotio præclare rebus gerendis insignis existeret, si illà naturæ vim, atque robur ad virtutem, & honestatem, non ad omnes turpissimas suas libidines contulisset. Nam vbi primùm adollescere cœpit, non eas quidem artes, ac disciplinas coluit, quibus vel vitiosa adolëscentum ingenia corrigi, & praua cuiusque natura emendari solet, sed ijs se studijs penitus dedit, quibus & suū ipse animum, & eorum, quibus cum ageret, deprauaret, atque corrumpere. Neque satis illi visum est, si turpis ipse esset, nisi omnibus quoque ætatis suæ adolëscentibus ad omnem

Ab educa
tione.

A vitijs
animi.

se turpitudinem, atque infamiam du-
cem præberet, facemque præferret.
Itaque se omnium scelerum maculis,
ac sordibus ita sœdavit, ut totum il-
lum ex vitijs, flagitijsque constare,
atque conflatum esse diceres. Quæ
enim unquam libido ab eius oculis?
quod facinus à manibus? quod tur-
pitudinis genus à toto corpore ab-
fuit? Cui ab ipsa adolescentiâ nullus
iucundior ludus fuit quam cædes ho-
minum, ac trucidatio; alienorum bo-
norum direptio, expoliatioque for-
tunarum, intestina bella, discordie-
que ciuiles. Cui nulla villo tempore
cogitatio gratior omnino occurrit,
quam quæ in comparandis turpissi-
mis voluptatibus, in alienæ pudici-
tiæ instruendis insidijs, in patriæ uni-
uersæ periculo, atque interitu mo-
liendo versaretur. Iam verò ad ea,
quæ semel expetivisset, assequenda
tam erat audax, tam impudens, tam

amens, vt nunquam eum aut metus à
periculo, aut pudor à turpitudine,
aut deniq; ratio à furore reuocant.
Qui cū talis euasisset ciuis indignus
sanè Romano nomine, ac dignitate,
vt nullum iam in Republica facinus,
sine illo, nullum flagitium nisi per il-
lum existeret, tãto in patriam ipsam
vniuersam odio flagrare, atque arde-
re cœpit, vt de eius incendio, ac to-
tius Romani Imperij interitu cogi-
tarit. Remque tam nefariè atque im-
piè excogitatam proculdubio amē-
tissimus homo transgesset, nisi Mar-
ci Tullij Ciceronis, qui tunc erat
Consul, singularis prouidentia, ad-
mirabileque consilium nefarijs eius,
conatibus restitisset. O portentum
Romanæ Reipub. singulareque pro-
digium! Vix equidem interdum mi-
hi persuadeo huiusmodi hominem
Romano ortum genere, & sanguine,
sed in aliqua immanissimæ gētis re-
gione

gione natū sœuissimis parētibus, atq;
ab ipsis feris immaniter enutritum,
atque educatum, casu aliquo Romā
totius humanitatis sedem esse dela-
tum. Quī enim potuit in tam bene-
moratā ciuitate tam flagitiosus ciuis
existere, nisi cum primo vitæ spiritu
ab ipsis impijs, immanissimis turpissi-
misque parentibus turpitudinem ip-
sam, impietatem, atque immanita-
tem hausisset? Quī potuit, nisi hoc
ita esset, tantum in ipsam patriam
scelus concipere, vt eam euertere,
ac delere vellet, cū in ea tam mul-
ta quotidie clarissimorum viro-
rum monumēta carneret, qui vt eius fines
propagarent vitæ suæ cursum imma-
turo mortis exitu terminarunt? Quā
tum inter est, Deus immortalis! inter
hunc hominem, vel feram potius im-
manē atque illos præclarissimos vi-
ros Fabios, Fabricios, Decios, Camil-
los, Scipiones, ciues eiusdē patriæ
eiusdē

A colla-
tione.

Progymnasmata, siue

eiusdem generis, eiusdem iuris. Illi se pro tuenda patria non dubiæ mortideuouerunt, hic pro eadem penitus delenda suam turpissimè vitam amisit. Illi suo profuso sanguine imperij sui fines amplificarunt, Romanumque nomen multò clarius, atq; illustrius reddiderunt: hic idè ipsum vel cum summo suo periculo prorsus extinguere conat⁹ est. Illi in expugnâdis suæ patriæ infestissimis urbibus fortiter, ac summa cum laude obierunt; hic dum suæ patriæ nefariû bellum inferret, à suis ciuibus in ipsa acie obtruncatus, atque ad feras proiectus interiit. Neq; enim aliter moridebuit, qui tam fœdam, tam sceleratam, tam flagitiosam à prima pueritia vitam instituit, ac deinceps prosecutus est: vt qui dum viveret, tantopere patriam, odisset, idem moriens honore patrio, funere, sepultu

Epilogus. raque caceret, Nos igitur, qui tanti
turpe,

A mortis
ge. iere.

turpe, tamque impium vitae genus omni contumelia dignum, vituperationeque putamus; curemus per Deum immortalem tantò studiosius optimorum virorum præclara gesta, eximiasque virtutes imitari, quantò huius perditissimi hominis, eiusdemque similium flagitia, atque probra vitanda, fugiendaque censemus. Neque verò parum profuerit, improbi hominis turpissimos mores nobis ante oculos posuisse, si eorum detestatio maximarum virtutum, quæ in excellentibus viris clamerunt, ardēs quoddam studium, atque amorem in nostris animis excitaret.

Comparisonis tractanda exemplum.

Diutorum Petri, & Pauli comparatio.

Argumentum.

Patriam unius cum alterius patria comparabis, quæ cum dissimiles fuerint conditione, ac celebritate, æquè tamen ab utroque nobilitate sunt.

Progymnasmata, siue

Eosdem etsi diuerso tempore eundem tamen diuinum spiritum præceptorem, atque vitæ magistrum habuisse, dices.

Vtriusque deinde gesta, Christi imitandi studium comparabis. Petri munus in Christi grege pascendo cum Pauli munere in lupis ab eodem arcendis.

Genus denique mortis vtriusque & si dissimile pari tamen animo, ac voluntate susceptum.

Idem argumentum amplificatum.

CVM Sol ille iustitiæ Christus Opt. Max. veritatis lumen è cælo hominibus attulisset, depulsisque iam magna ex parte dēssimis errorū tenebris, in quibus homines versabantur, ad cælestes sedes reuertisset, duo clarissima lumina in orbe constituit, vt neque eorum mentes, quibus ipsa iam lux veritatis affluerat, tenebris iterū absentia Solis opplerentur; & qui iacerent adhuc in tetra illa caligine tantorum luminū splen-

splendore collustrari possent. Quorum, Petri, videlicet, ac Pauli sic eximie virtutis radij vniuersam orbem illustrarunt, vt nemo qui cæcus esse sponte sua nolle, non posset in clarissima luce, atque in cælestium rerum cognitione versari. Quos quidem ^{A patria.} præclarissimos viros, si alterum cum altero conferre velis, eos inuenies, longè diuersa fuisse conditione nascendi; viuendi tamen præclare, atq; integrè simillimam vtriusque, atque eandem planè rationē. Petrus enim ortus Bethsaidæ humile quidem genus, Paulus verò Tharsi Romanus cuius natus clarissimum duxit: sed qui eos iterum in Christo nasci voluit, pari vtrunq; nobilitate donauit: ijdē verò præclarissimè, atque sanctissimè rebus gestis æquè patriā nobilitarunt suā. In quo nouo vitæ genere, ^{Abvtriusque in cognitione.} nascendique conditione vtrum tandem feliciorem dicam? Petrumne,

Progymnasmata, siue

qui tam longo tempore cum ipso
Christo vitæ magistro, ac sanctita-
tis vni vixit, diuinitus eius præceptis
eruditus, atque institutus est? an ve-
rò Paulin, qui quo tempore ipsius
Christi Opt. Max. sanctissimum no-
men conaretur extinguere; id quæ ut
præstaret, summo quodam furore, ac
præcepta mentia raperetur, eiusdem
vocæ ab ipso cælo delapsa è medio
cursu detergitus est, atque à tanto fu-
rore ad sanctitatem reuocatus? Sed in
eo tamen felicissimus uterque fuit,
quod si non eodem die, eundem ta-
men Spiritum sanctum præceptorẽ,
atque vitæ magistrum habuerit: qui
vtriusque animum cælesti doctrina,
atque omnibus omnium virtutũ er-
namentis instruxit. In cuius divina
schola eam sapientiam didicerunt,
per quam rerum cognitione conten-
ta plerisque hominũ inaniter effe-
re, atque eorum animos in fieri cæto-

gupta,

gantia, atque in solertia solet; sed quæ animos pariter sapienter erudiret, & ad ea, quæ didicissent opere, atque factis exequenda perduceret. Itaque cælesti à divino Spiritu instructi disciplina, sic statuerunt; summam esse sapientiam totius vitæ rationem ad Christi Opt. Max. vitam accommodare, atque eius, quoad possent, vestigijs insistere. Quem, cum scirent, nullum vitæ tempus habuisse laboribus, ærumnis, ac difficultatibus vacuum, nihil item, ut ei similis esset, magis in omni vita Petrus optabat, quam probra, quam ignominias, quam acerbitalē carceris, quam verbera, quam mortem ipsam per summa tormenta, acerbissimosque cruciatus. Oblatam verò occasionem eiusmodi aliquid sufferendi, quam ille, non dicam equo animo, sed libenti, atque alacri excipiebat? De Paulo verò quid dicam? quicum humanā

A recte factis.

gloriam, seque ipsum penitus contempnisset, in vna Christi Optimi Maximi cruce, hoc est, in summis laboribus, in extremo dedecore, atque ignominia, ipsius Christi causa, atque amore suscepta omnem gloriam, laudemque ponebat. Ecquis vnquam Petro dies incundior illuxit, quam is, qui in illo tetri carceris horrido squalore, atque fœtore durissimis vinculis tenebatur astrictus? Paulus verò quem vnquam vidit lætiore diem, quam cum, quo plagis publicè crudelissimè cædebatur? Atque his duobus hominibus, qui præceptoris sui vitam, tam diligenter imitarentur, idem ipse præceptor Christus totius Christiani gregis curam ita commiserat, ut Petrus pastoris munere fungeretur, Paulus verò vocis præconio ab illius pastibus rapacissimos, ac sœuissimos lupos arceret. Iam verò neque ipsa eorum mors

A mortis
genere.

disser-

dissimilis esse potuit, quorum vita pietate, religione, ac sanctitate morum tam similis fuerat. Nam etsi genus quidem mortis, atque cruciatus non idem utrique fuit, fuit tamē vnus atque idem animus, vna atque eadem causa moriendi. Cū enim pul- lis neque minis, neque blanditijs à Nerone tyranno crudelissimo de- terreri possent, quò minùs diuinam Christiani nominis gloriam prædi- carent, eiusdem imperio atrocissi- mè necati sunt. Itaque Petrus in ver- so capite ad crucem alligatus, Paulus capite abscisso iniqui Imperatoris imperio, quam vitam necessitati de- bebant, Christo potius donare, quā naturæ reseruare voluerūt. Nos er- *Epilogus.*
go qui principū Apostolorum san- ctissimā vitam, tāta morum, præcla- rissimarumque virtutum similitudi- ne actam, terminatamque videmus, & admiramur, eos & summis laudib⁹ effera-

Progymnasmata, siue

effe ramus, & tantarū virtutum ima-
ginem in nostris animis conemur
exprimere; vt qui propter eius pul-
chritudinem tanto vtrumque amore
complexus est, vt caelesti eos regno
donarit, idem nos non dissimili vir-
tutū forma decoratos, simili quoq;
& amore, & beneficio cōplectatur.

Ethiopæia tractanda exemplum.

*Quæ verba faceret Beatus Laurentius à ty-
ranno damnatus, vt in craticulam posi-
tus subiecto igni torreretur.*

Argumentum.

Hic, vt in præceptis diximus, tria spe-
ctantur tempora præsens, præteritum,
futurum.

*In præsenti voluptatis affectus, exprimi
potest ex ipsa tyranni sententia, propter eū,
quo vir sanctissimus in Deum amore fla-
grabat.*

*In præteritum illa conferri possunt. Qui
aliquando Deum offenderit, par quidem esse,
cum*

eum non ab hominibus solum, sed ab ipsis re-
bus inanimatis cruciari.

In futurum verò; Magnam esse latendi
causam ei, qui brevissimi temporis cruciatus;
semperterna se speret præmia consecuturum.

Idem argumentum amplificatum.

Tanta est animi mei latitudo, qua A præsen-
ti tempo-
re.
totus ipse perfundor, ut in ea ta-
men illud unum verear; ne si quod
mihi tormenti genus crudelissimus
tyrannus comparavit, in alium diem
deferri velit, mentem ipse, senten-
tiamque commutet. Ignem mihi ho-
mo impius, atque immanissimus ad
terrorem proponit, cratēs tamen
quibus impositus, subiectis flammis
totus ipse combūrar. Sed quæ illius,
ut à proposito me deterreat excogi-
tauit immanitas, & quibus ille tor-
mentis vinci me, ac superari posse
confidit, illa ego sic expecto, ut ne
minimam quidem moram interposui
velim. Egone ignes? ego flammæ?

ego

ego crates perhorrescam? Quid habet flâma? quid carbones? quid candens ferrum? quâ hæc tandem omnia vim habent? me vt torrere possint? vt urere? vt diutissimè cruciari? At hæc mihi omnia hodierno die omni superiori vita optatissima contigerunt. Atque adeo vt si mihi esset tormenti genus quærendum, quo meum corpus, singulaque eius membra discruciantur, vinceret, credo, in eo excogitando, & comparando meum, Christe sanctissime, aduersa quæque pro te patiendi studium, atque cupiditas, ipsius sæuiciem, immanitatemque tyranni. Sed quando hæc mihi facultas nõ datur, subibo & quissimo, ac libentissimo animo quod illius impietas, crudelitasque inuenit. O dies mihi felicissimus, ac iucundissimus, quo idem ignis & mei corporis membra cõburat, & animi simul fordes, atque maculas eluat. Quid melius?

melius? quid optatius potuit evenire? quid meis criminibus dignius, Aperitorem.
quàm ut in eum, qui toties in superiore vita diuinam bonitatem offenderit, non modo iam ipsi homines, sed vniuersæ etiam animantes, atque ipsæ res inanimæ sequantur? Sæpe meum animum Christe sanctissime, inanium rerum cupiditates incendebant, atque vexarunt; & ut corpori seruirem meo, & animo ipsi plurimū nocui, & tui amorem in eo sæperestinxi. Par igitur est hodierno die, ut corporis mei mēbra combusta, & tuā mihi gratiam concilient, & salutarem animo afferant medicinam. Sæpe ego in latebris, atque in tenebris, quasi tu summus atque immortalis Deus non adesses maiestatem tuā minimè veritus: sæpe etiam in lucē atque cōspectu hominū diuinas tuas leges audacter, flagitioseque perfrēgi: nunc ergo mihi iucundissimum,

Prozumnasmata, siue

ac gloriosissimum esse debet, quod,
quia te vnum Deum colendum esse
non occultè, aut obscurè, sed palam,
atque apertè professus sim, ad cru-
cium ducar eiusmodi, quo mea ip-
sius membra inter carbones, ac flam-
mas quasi ardentes quædã faces esse
possint ijs, qui in tenebris adhuc ia-
cent, atque in vmbra mortis sedent;
vt à tenebris ad lucem, à morte ma-
ximo tuo beneficio reuocentur ad
A futuro. vitam. Quod si hæc tormenta, quæ
iam mihi comparata sunt, sempi-
terna futura essent, tamen si ad ali-
quam tuam gloriam pertineret, Chri-
ste Opt. Maxi. ego ipsa pro te eadẽ
animi voluntate, alacritateque per-
ferrem. Sed ô admirabilis clementia
tua! ô liberalitas singularis! Tormen-
torum spatia breuissimis terminis cir-
cumscribi voluisti, præmiorum verò,
quæ consecutura sunt, sempiternis.
Quibus ego meritis summæ pater,
quibus

quibus obsequijs tantam potui beneficentiam promereri? Egone post breuissimi temporis dolorem summis, atq; æternis voluptatibus perfruar? Egone sum ex hac immani satellitum turba ad illum felicissimum beatorum cætū migraturus? Egone mortali corpore extincto, ignique consumpto iam immortalis immortalē ipsum Deum visurus sum? Ego in eius conspectu incredibili expletus voluptatē cōquiescam? cum beatissimis illis mentibus diuinam eius maiestatem, diuināsque virtutes perpetuis laudibus persequar? Vestram iam sæuissimi sateffites negligentiam, ac tarditatem accuso, quo enim vos in me cruciādo negligentiores estis, eò magis futuræ meæ voluptatis, futuræ meæ felicitatis, atque gloriæ tempus differtur: quoque vos ipsi in afferēda mihi morte præbetis tardiores, eò longius à me vera vita abest,

ae sempiterna. Me, igitur cruciatibus,
me igno libenter offero; non mor-
tem recuso, non reformido. Te ve-
rò interim precor, Christe sanctissi-
me, vt quando huc me tui ardentis-
simus amor adduxit, dum carnifices
meo corpori comburendo ignem,
lignaue subiiciunt, meum tu ani-
mum ardentissimis facibus tuæ cha-
ritatis inflammes.

Descriptionis tractande exemplum.

Tota descriptionis venustas in eo est, vt res
non dici, sed geri non narrari, sed cerni vi-
deantur: siue personas, siue loca, siue facta,
siue quid aliud describas. Nos facti de-
scriptionem subijciamus.

Infantum Innocentium internecio-

nis descriptio.

Cum saeuissimus ille Herodes Ju-
dæorum Rex, à Magis didicisset,
natum esse Bethleem diuinum infan-
tem, cui Indæe prouinciæ regnum

inre

iure debetetur, percuffus aſſano, & conſcientiæ ſtimulis agitatꝫ, ut qui per ſummũ ſcelꝫ teneret impẽriũ; verereturq; ne illud ſibi meritò auferretur, quod indigniſſimè poſſidebat, nihil non tentavit, ut diuinum puerum I. E. S. V. M. & intreniret, & interficeret. Cui cum aliæ cogitata perficiendirationes minꝫ proceſſiſſent, aliam excogitat eius planè immanitatè digniſſimam. Omnes infantes, quotquot intra Bethleem fines ad duos uſque annos nati reperirentur, ſine vllò discrimine interfici iubet; ut cum reliquis pueris cæleſtis quoq; infans interiret. Inmanifſimis quibuſdã hominibus negotiũ dat. Illi ut erant feritate barbari, ferisqꝫ ipſis ſeniores, rem tranſigunt multò crudeliꝫ, quàm aut dici, aut excogitari poteſt. Adẽũ omnia oppida, atque vicos, qui Bethleem finibus continebãtur, in ſingulas repẽtẽ

domos irumpunt, innocentissimos
infantes alios à parétum complexu
crudelissimè abstrahunt, atque ad pa-
rietes, aut saxa immanissimè allidūt:
alios iacentes, lectulis pugionibus
confodiunt: alios in ignem ad dome-
sticos vsus comparatum in ipso pa-
runtum conspectu coniiciunt. Ma-
tres interi in ipsæ aliæ aliarum plan-
gore, lamentationibusque admoni-
tæ, cū tantæ calamitatis causam non
nosset, tantum innocentum infan-
tum sanguinem à seivissimis lupis
postulari cerneret, se ad impios car-
nificum pedes supplices, miseræque
proiiciunt, vt innocentum puerorū
misereantur, cum multis lachrymis
rogant, aut in se ipsas potius furorē,
gladiosque conuertant. Vbi nihil
apud immanes illas belluas miseras
preces, nihil lacrymas valere vidēt,
sinu, atque gremio filios, quibus reli-
qui fuerant, complectuntur suos, &
furentes

furentes gladios excipere suis ipsæ corporibus; malunt, quam clarissimorum filiorum vitam satellitum inmanitati committere. Itaque passim cerneret alias vnâ cū infantibus ense transfixas: alias dum eosdem defendūt, plurimis plagis, vulneribusque confectas: alias ante miseram filiorum mortem non iam satellitum gladio trucidatas, sed præ nimio in suam sobolem amore, & charitate, intimo ex ipsius interitu animi sensu, atque dolore consumptas. Illud verò quoties accidit miserum quidē ad spectaculum, ad dolorem maxime luctuosum? vt dum mater filium ex altera parte teneret, atque defenderet, ex altera ad se satellites inmanissimus traheret, pueri membra vtriusque vt inter eorum manus discerperentur, laniatusque ille partim pius, partim sceleratus infantulo vagienti; horribilis vero rei tam atrocis

aspectus eadem matri vitam aufer-
ret. Et tamen leuissimi homines ne-
que mouentur parentum vel lacry-
mis; vel interitu; neque tanta inno-
centum internecone ab inmanitate
deterrentur; neque verò tanto pro-
fuso sanguine saturari, ac sitim exple-
re possunt. Tantum imperandi ce-
ca cupiditas metibus furorem affert;
tanta inmanitas, atque sequitia hu-
manam animam occupat, vbi natu-
re sue oblitus penitus exiit huma-
nitatem.

Thesis tractanda exemplum.

An litterarum studia sint amplectenda.

Argumentum.

EXordium duci potest ab ipso dicentis stu-
dia erant bonas litteras.

Et probet amplectenda illa esse; primum
ab bonis, et ornamenta daces. Nihil esse bo-
num prestantius, & honestius, quam eam
sui partem, que prestantior est, hoc est, ani-
mam ipsam excolere: quod preclara doctri-

namolestiarum aberrationem, diuinarum rerum
cognitionem afferat, & ut sapiens ipsis con-
templandis frui possit. Quæ ratio veteres sa-
pientes ad sapientiæ studium concitauit, ut
Socratem, Zenonem, Platonem.

ii Ab utriusque duces argumenta. Sapientium
hominum præsidia Res ipsas pub. contineri,
qui optimis legibus, & institutis præclaros
mores inducunt, prauos tollunt.

iii A facili. Facile esse sapientes in Republi-
ca, & fieri, & conservari, si præmia propo-
nantur, cum homines ipsi & tam sint appe-
tentes gloriæ, & innata sciendi cupiditate
teneantur.

iv A necessario. Eos autem conservare ne-
cessitas ipsi cogit, cum si à Rep. ii desint, ipsa
Res publica intereat necesse sit, moribus cor-
rupta, atrocibus, homicidijs, intestinis bellis
infesta.

v Epilogus breuem argumentorum enume-
rationem, & litterarum commendationem
continet.

Incipit oratio. X. 443. Hæc
dicit

Idem argumentum amplificatum.

Vellem equidem, Auditores optimi, aliquid in nobis esset ingenij, aliqua vis, facultasque dicendi, ad eius rei causam agendam, partesque defendendas, quæ, ut omnium præclarissima est, sic præstantissimum aliquem, eloquentissimumque oratorem postulabat. Sed si quid hac nostra tenuitate ingenij, si quid exercitatione dicendi consecuti sumus, id certe totum vel imprimis eadem ipsa res, quam defendendam suscepimus, à nobis exigere prope suo iure debet. Nam si è præclaris artibus, ac disciplinis tanquam è perennibus fontibus hauserimus ea, quibus hanc ipsam vocem informare possemus, cum eadem ipsa nostra nunc opera indigeant, atque doctrina, optimo certe iure à nobis repetunt ea, quæ nos ab iisdem ipsis accepimus. In quo illud mihi lætandum esse video; orationem
mihi

mibi deesse non posse de ea ipsa re,
quæ cæterarum rerum omnium de-
fensionem materiam subministrat. Il-
lud enim in deliberationem venit:
Vtrum amplectenda litterarum stu-
dia, an verò negligenda sint. Quæ de-
liberatio & si apud sapientes viros
dubitationem nullam habere potest;
à sapientibus tamen viris, quales ij
sunt, qui me audiunt, quid sit in ea
maximè verum, iudicandum est. Et
quidem, ut dicam ipse quod sentio,
enihil præclarior homini esse potest,
nihil ipsius excellentia dignius, at-
que præstantia, quam si in ea se stu-
dia penitus dederit, quæ ingenium
excolunt præclaris artibus, mœtem-
que ipsam imbuunt optimis disci-
plinis. Cum enim natura nostra ea
sit, ut corporibus animisque conste-
mus, habeantque multa corpora no-
stra cum bestiis ipsis, animi verò no-
stri cum celestibus multa commu-

Ab honesto.

ria: nū nos dubitare possumus quasi in medio positi, in vtram partem inclinare; num vel ad diuinas mentes imitandas erigi, atque excitari, vel ad sequendas immanes belluas abijci, ac deprimi debeamus? Atqui præclara, honestaque doctrina hoc in primis hominibus quidem præstat, ut eorum animi, qui natura ipsa ad rerum celestium amorem rapiuntur, si nanus illis in hac mortali vita frui possint, istem tamen cognoscendis, & contemplandis eximia quadam voluptate pascantur. Quantum verò litterarum cognitio, & studium que sapientiæ valeat ad hanc animi facultatem, ut mortali etiam corpore inclusus inter ipsas beatas mentes possit cogitatione, & contemplatione versari, vel ipsi rudiores homines, atque omnino litterarum expertes testimonio nobis esse possunt; qui quæ ista

cognitione careant, non modo caelestia, sed ne humana quidem, & quae sunt in conspectu proposita, ac neque se ipsi nouerunt. Iam nemo profectò tam rudis reperietur, tam habeti ingenio, agreſque natura, qui nisi mente plane destitutus sit, non sentiat in animo vacuitatem quandam, & eadem explendi insatiabile simul cupiditatē. Quam quidē, quomā celestium bonorum est, humanis rebus expleri vilo modo posse, stultum est dicere: eorum autem desiderium, aut ipsorum, dum mortales sumus, contemplatione aliqua ex parte leniri, aut nulla praeterea ratione profectò potest. Quare si quid est, in quo humanus animus in hac tam misera, & calamitosa vita, aut molestiatum aliquam aberrationem, aut aliquid etiam interdum voluptatis inueniat, est id quidem in primis optimarum artium, ac disciplinarum
studium,

Progymnasmata, siue

studium, quod ipsius quasi pabulum quoddam est, quo eadem illa comparantur, quo suam ipse dignitatem, præstatiamque cognoscit. Quæ vna ratio veteres illos Philosophos mouit, vt se litterarum studijs ita penitus dederent, atque dicarent, vt etiã naturæ, vitæque conseruandæ necessitati tempus eriperent, quod vel rerum commentationi, vel aliorum libris legendis, vel suis scribendis darent; vel suam denique aliqua ratione doctrinam augerent. Quid enim illæ tam longæ Socratis vigilæ? quid Zenonis? quid Aristotelis, multorumque præterea Philosophorum sibi voluerunt? Quid illa Platonis tam longa, tamque diuturna peregrinatio suscepta fuit? nisi vt ille doctissimorum hominum, qui vbicunque terrarum essent, consuetudine quotidie aliquid addisceret, & ad maiorem cælestium rerum cognitionem

peruen-

perueniret? Quid aliorum illius æta-
tis, atque etiam consequentium in
litterarum studijs labor assiduus, qui
dulcedine quadam, ac voluptate ca-
pti in libris in hærentes, aut in rerum
contemplatione fixi dies, noctesq;
in somnes traducebant? Num hi om-
nes tantam contentionem ferre po-
tuissent, si non abundarent incredi-
bili quadam voluptate, eamque ho-
minis dignitate dignissimam iudica-
rent? Et quisnam erit, qui honestissi-
mo litterarum otio negotiorum mo-
lestissimas curas præferendas putet?
qui corpus, quod omnibus animan-
tibus commune est, quàm mentem,
atque animum, quo vno homines à
bestijs maximè differunt, exercere
malit? qui animi ipsius bona, quæ hac
ratione comparantur, non pluris fa-
ciat, quàm omnes diuitias, atq; opes,
quæ corporum sunt potius, quàm ani-
morum ornamenta? Quamuis si vti-
lita-

Ab utili. litatis habetur ratio, vt priuata relinquamus conmoda, quæ doctos viros, atque sapientes consequuntur, quid est, quod in commune bonum plus afferat, quod plus valeat ad tuendam Rempu. & conseruandā, quam illæ artes, ac disciplinæ, quibus ad omnem honestatem erudiuntur ciues, in officioque continentur, ac prauis in Republica mores corriguntur. An parum insipientibus hominibus esse præsidij existimamus, vt & vniuersum imperium, & singulæ ciuitates tranquillo otio paceq; fruatur? Ecquid cogitauerūt maiores nostri, cū litterarios ludos publicè aperiri voluerunt, celeberrimas academias fundarunt, certa præceptoribus stipendia in annos singulos eo nomine decreuerunt, vt omnibus honestis disciplinis, atque artibus iuuentutem imbuerent? Nonne illud sapienter viderunt? qua ratione immanes quondam

quondam homines ad humanitatem tradacti essent, eadē omnino eosdē esse in humanitate retinendos? Nam primò dispersos per agros homines, atque vagos sine ullis legibus, & institutis politioris vitæ, barbaros potius, ac feros benē cordati viri, atque sapientes doctrina mansuetactos in certa loca compulerunt, eosq; & cōmuniter vivere, & ciuitates constituere, & stabilire Resp. docuerunt. Quid igitur verius dici potest, quàm esse quidē sapientes viros fundamēta Reip. sine quib⁹ illa aut cōseruari, aut stare diutius minimē posset. & quēadmodū in humanis corporib⁹ si nervos incidas solutis mēbris, atque dissectis, ipsa cōcidāt corpora necesse est, ita sublati sūt Reip. legib⁹ præclarisq; institutis, & morib⁹, q̄ ei⁹ quasi nervi sūt, atq; robora, ipsa subito occasurā esse Rēp. Ergo quāti interest, Res ipsas publicas incolunt, conseruari,

A facili.

seruari, tanti profectò refert, ne vnquam ab illis sapientes desint, quorum consilio gubernentur, quorum sapientia prauis mores tollantur, honeste conseruetur. Hoc verò tam præclarum Reipub. decus, & ornamentum in quo ipsius Reipub. incolumitas, salusque consistit, quam facili negotio reuineri potest? Ego enim sic existimo, multo facilius magnam sapientium hominum copiam in Reipub. quam artificum in quacunque arte, vel in omnibus simul artibus cõparari posse: si præsertim quæ sapientiæ debetur laus, atque præmium sapientibus viris ab ipsis Reipub. moderatoribus & præponatur, & deferatur. Si enim nihil homines aut studiosius aggrediuntur, aut facilius obtinent, quam quæ sunt cum ipsorum natura coniuncta, cum sciendi cupiditas tam sit humanis mentibus insita, si gloriæ atque præmij stimulus

stimulus adoleſcētibus accedat, quā multos, & quā longē putamus in ſtudiorum cūſu proceſſuros? Itaq; quod alijs rebus ſerē contingit, vt quō præclarioreſ, atque excellentioreſ ſunt, eò plus laboris, ac difficultatiſ habeant, hoc huic omnium præſtantiffimæ contra euenit, quæ quicquid difficultatiſ habet, rerum cognoſcendarum hominum animis innata cupiditas facilē vincit, ac ſuperat.

Quis igitur ille eſt tam auerſus à vero, qui litterarū ſtudioſos homineſ, tanquam otioſos in Rep. ac deſideſ reprehendat? quis eidem Reip. tam infeſtus hoſtiſ, qui quibus eadem & maximē honeſtatur, & continetur, eos vt parum vtileſ negligendos, ac contemnendos putet? Quod ſi quiſ

A neceſſario.

ea mente eſt, vt litterarum ſtudia parum neceſſaria exiſtimet, proponat ſibi Remp. ſapientibuſ viriſ deſtitutam, cuius formam ſubitò compa-

Y

tatam

tatam contempletur: fingat animo,
 quæ sine ipsius Reip. interitu accide-
 re minimè possunt: iuuenes ab acade-
 mijs euocari, magistrorum stipendia
 in ciuiles vsus, atque sumptus impen-
 di: Musis silètium indici, claudi gym-
 nasia, atque etiam, si placet, disturba-
 ri, & adæquari solo: sapientes viros
 nullo pretio haberi, non audiri,
 non viribus præfici; Quid tum?
 nonne, nisi cæcus planè animo est,
 apertè cernet, clausa illa via Reipu-
 blicæ bene gerendæ, atque in eam
 præclaros, atque honestos inducen-
 di mores latrocinij, parricidij, pro-
 ditionibus, ciuilibus discordijs, vitijs
 deniq; omnibus, ac maleficijs com-
 plures vias aperiri? Videat nunc
 igitur vtrum præclaram Rempubli-
 cam, an nullam habere; aut, quod
 est multò deterius, flagitiosissimam
 malit. Quis enim dubitare potest, si
 nulli sint magistri morum, nu- li mo-
 dera-

deratores iuventutis, qui pravas
eorum libidines coerceant, & ef-
frénatis cupiditatibus frænos inji-
ciant, brevi tempore ijs omnibus
vitijs inquinandam, ac deforman-
dam esse Rempublicam. At non om- *Obligatio*
nes, inquis, qui præclarè, honeste-
que vixerunt, huic se litterarum stu- *Solutio*
dio penitus dediderunt. Quasi verò
omnes ego omnium generum ci-
nes litteratissimos esse velim; nemi-
nem, qui res domesticas, qui agro-
rum culturam, qui pecudum pastus
curet, qui arma denique tractet, re-
linquendum putem. Illud potius con-
tendo, ideo plurimos esse in Repu-
blica sapiètes, oportere, ut ad rudio-
res homines, quorù infinitus est nu-
merus, eorum doctrina perveniat, ut
quam virtutis, & honestatis cogni-
tionè per se ipsi nō possint, sapien-
tù beneficio, quod sæpe cōtingit cō-
sequantur. Quæ cum ita sint, mihi *epilogus*

Progymnasmata, siue

quidem videntur & naturę ipsi, & communi bono aduersari, qui adollescentes ineptijs quibusdā aut auocant ab studijs, aut sapientię amore incitatos in medio cursu retardant, dum ea studia mollium, atque otiosorum hominum esse dicunt, & nihil magnum, atque virile cogitantur. Cū reuera nihil sit homine dignius, nihil præclaris ingenijs expetendū magis, nihil cum humana ipsa natura coniunctius, nihil quod æquę Rē ipsam pub. nobilitet, maioresque ei in omni genere vtilitates afferat. Quod quidem viderunt maiores nostri, cum ita sentirent; tum maximē augeri posse res & publicas, & priuatas, cum sapientum virorum consilio, & auctoritate omnia gubernarentur. Ne igitur per Deum immortalem plus apud nos stultitia hominum, qui tam humiliter de animorū dignitate sentiunt, quam prudentum virorum

virorum sapientia valeat, atque consilium, qui experientia ipsi docti magnum esse in litteris, atque doctrina præsidium ad bene honesteque vivendum prædicant; & nos ad tã præclarum studium, tam honestum, tam utile vniuersæ Reipub. amplectendum hortantur.

Legislationis tractandæ exemplum.

Princeps solutus est legibts.

Legis refutatio.

Argumentum.

IN exordio reprehendi potest legislatoris imprudentia qui nō viacerit, quam fuerit iniusta lex.

A contrario. Si ligatus fuerit princeps, & cautius leges decernet, & eadem leges diligentius servabuntur à ciuibz.

A legitimo. Eccle. 32. Rectorem te posuerunt; noli extolli, esto in illis quasi vnus ex ipsis.

A iusto. Aequum est, vt quod princeps

Progymnasmata, siue

ex iustitia decreuerit, id ipse seruet, ne iniquus esse videatur, qui quod sentiat aequum esse, atque alijs imperet, ipse negligat.

Ab vtili. Sic Respub. multò melius gubernabitur, cum principis exemplo leges seruentur diligentius.

A possibili. Multò erit facilius principi leges seruare, cui si adsit voluntas, potestas deesse non potest.

Epilogo concluditur id, quod propositum est. Iniquam esse legem.

Idem argumentum amplificatum.

MIrari satis nō possum Vlpianū illū iuris peritissimū, qui cū in cōdendis legibus admirabili sapiētia fuerit, in ea decernēda, quæ grauissima est, tanta sit imprudentia lapsus, vt principem ijs legibus solum cōstituerit, quas idē Reip. imposuisset. Nisi verò non tam illa imprudentia fuit, quàm calliditas veterata, qua principum fortasse beneuolentiam aucupari

aucupari voluit, dum eos legum la-
 queis, atque vinculis solueret. Quid
 enim, nisi hæc vna ratio, eius ani-
 mum obæcare potuit, quò minus
 videret, quanta ex tam iniqua lege
 consequantur incommoda: quanti
 verò Reipub. interfit, & principem
 ipsum, & ciues iisdem legibus con-
 tineri? Hæc enim mihi videtur vna A contra-
 ratio, quæ principum in condendis ria.
 legibus temeritatem coercere, &
 easdem leges, viles, ac salutare
 Reipub. firmare, ac roborare facile
 possit. Qui enim apud se ita con-
 stituerit, quicquid suis ciuibus præ-
 scripserit, id à se quoque sibi decer-
 ni, non ille quidem ex libidine, non
 ex cupiditate, non ex odio, aut
 malevolentia leges decernet, neque
 solum quid oneris cæteris velit im-
 ponere, sed quid ipse etiam susti-
 nere possit, considerabit. Contra ve-
 rò si princeps solutus legibus sit, po-
 tuit

Proxymasmata, siue

fitque suo arbitratu viuere, grauioribus certè leuissima sæpe de causa suos ciues legibus premet; eritque in eis constituendis multò seuerior, atque interdum etiam immanior. Leges verò ipsæ cò negligentius seruabuntur à ciuibus quò magis eas à suo principe negligi viderint; nihilque feret iniquius, quàm durissimo legum iugo opprimi se ab eo, qui è suis illud ceruicib⁹ depulerit. Quare summus ille legislator Deus Rerū publicarum moderatores pari cum suis ciuibus iure esse debere nō obscure docet; eosque monet, ita quidem existiment non se excelso loco constitutos ad miseros homines suis imperijs, ac legibus opprimendos; sed vt clarissimum lumen, quo virtutis, & honestatis via cæteris illustrior appareat, atque facilior. Rectorem te posuerunt, inquit, per sapientem, noli extolli, esto in illis
quasi

quasi vnus ex ipsis. Quid hoc est? quid hæc diuina lex præcipit? Num inter sceleratos, ac flagitiosos ciues flagitiosum quoque Regem? nū inter immanes ferum? inter impios religionis contemptorem esse debere? Immo verò ne ciues tales existant, cum quasi vnum ex illis esse iubet; vt quam honestos, quā pios, quam religiosos suis eos legib⁹ esse velit; talem se in illis custodiendis, ac seruandis exhibeat. Iam verò quā A iusto. æquum sit, bonum principem ita se gerere, vt suorum ciuium leges suas esse putet, hisque se vt ceteros constringi gaudeat, ipsa legum æquitas docet. Nam si iniquæ quidem sunt, non ex leges, sed libidines principis, flagitiosaque decreta exultari debent: si verò ex vna iustitia, & æquitate constituantur, quæ æquitatem, ac iustiores in sua Repub. male, quàm se ipsum debet? Iniqui verò,

principis quî poterit nomen effugere, si quas leges populo iussissimas, sanctissimasque imponat, eas ipse passim perumpat, ac frangat. Quòd si lex nihil est aliud, nisi mutus Princeps; qua scilicet tacentis principis voluntas ostenditur; eaque tantam vim habet, vt qui eam læserit, ipsum eius latorem læsisse dicatur; Princeps ipse, qui loquens quædam lex est, quantò maiorem vim habere debet; eum id em nō iam alienis verbis, sed suis factis suam explicet voluntatem? Quo igitur animo patietur, ita de se existimari: vt ciues a suo principe æquissimas leges sanciri prædicent, eundem verò iniquum, & ipsarum legum contemptorem conuerantur. Non, inquis, sed cum ille decernat quæ ad præclaram Reip. administrationem sibi pertinere videantur, cæteròs pro sua facultate, atque potentia alligari vult legibus;

sibi ut eorū domino liberas esse vi-
uendi voluntates. Quomodo ita igi-
tur reprehensionem illam fugiat, qua
summus ille princeps eiusmodi legis-
latores in se cecidit, qui imponūt alijs
onera graua, ea verò ipsi ne digito
quidem mouere voluit? Quomodo
non tyranni potius, quam boni prin-
cipis nomen obtinebit? Quomo-
do sibi populi beneuolentiam con-
ciliabit, quæ vna principis equitate,
atque humanitate maximè contine-
tur? Quis ergo suam velit Remp. in pace,
in ciuium amore erga se, & in
charitate gubernare, leges à se con-
stitutas apud suos ciues maximam
vim habere, eisdem gratas esse, ab
illis diligenter seruari, ostendat illas
à se plurimū fieri, non verbis solū,
atque pœnarum metu, quod satis nō
est, sed multo magis ex eplo: ut qui
primus eorum æquitatē vidit, is pri-
mus quoque æquitatis retinēdæ cau-

Ab vlli.

sa iisdē se velit astringi. Quòd si pre-
clara nobiliū exēpla tātū apud mul-
titudinem valent, vt eam in officio
continere possint, quātò plus apud
eandem ipsius principis valebit exē-
plum? Sapientissimè enim dictū est.

Eccl. 10. Secundum iudicem populi, sic &
ministri eius, & qualis rector est ciui-
tatis, tales & inhabitātes in ea. Quid
verò si sua ille decreta negligat? si
suas ipse leges faciliè violet? Quales
tādē principis exemplo ciues exi-
stent? Quid? suas ab alienis fortunis
manus cōtinebunt ciues, si suo prin-
cipi videant communes omnium for-
tunas gratissimam esse prādā? Sibi
illi in sumptibus modum statuent, si
suum principem cognouerint regiū
patrimonium per summum luxum
profundere, ac perdere. Iniusiam illi
alijs inferre verebuntur, si cernant
regiam potentiam in faciendis cēdi-
bus ostentari? Sux illi pudicitiae con-
sulent,

silent, si sciant suum Regem alienā
sine vilo discrimine spoliare? Res ip
sa profecto loquitur, ex principis vi
ta, atque moribus ipsum Reip. statu
maxima ex parte pendere: qui tum
quidem erit felicissimus, cum leges,
quibus illa continetur non minus
diligenter ab ipso principe, quam a
ciuibus obseruentur. Quod quidem
cō studiosius praestare principes, at
que Reges debent, quò magis patet
eorum potentia: quibus si voluntas
non desit, facultas certè deesse non
potest. Nam tenuiores quidem, ac
miseri homines, minus saepe quæ mā
ximè volunt, praestare queunt, & ta
men ad seruandas leges quacunque
ratione impelluntur. Regem verò
quis impediat, quò minus quicquid
velit efficiat, cum & vnus in sua Rep.
potentia sit, & non modò suæ, sed
aliorum etiam voluntatum modera
tor? Quæ cum ita sint, sapientius pro
fecto

A facile.

Epilogus.

fecto Vlpianus statuisset quod dignissimum est principis dignitate, quod cum ipsa iustitia, & aequitate coniunctum, quod utile Reipub. ac salutare; ut quibus legibus ciues, iisdem quoque eorum princeps teneretur, ne qui alijs leges præscriberet, ipse quasi barbarus sine legibus viuere videretur.



Index Capitum, quæ sunt in libro de
conscribendis Epistolis.

Quot sint epistolarum genera fol. 1.
In quo genere eloquentia versentur episto-
lae. fol. 2.

Quot sint epistola partes. 4.

Quid in exordio seruandum. 5.

Quid in confirmatione seruandum. 6.

Quid id epilogo seruandum. 6.

De singulis epistolarum generibus, ac de epistolæ ne-
gotiali. 7. eiusdem exemplum. 24.

De epistola laudatoria. 7. eius exemp.

De epistola vituperatoria. 9. eius exemp. 30.

De epistola expositulatoria. 9. eius exemp. 33.

De epistola expurgatoria. 10. eius exemp. 35.

De epistola suasoria. 12. eius exemp. 36.

De epistola hortatoria. 13. eius exemp. 38.

De epistola quæ ad monendum valet. 14. eius exem-
plum. 43.

De epistola consolatoria. 15. eius exemp. 45.

De epistola impetratoria. 16. eius exemp. 48.

De epistola commendatitia. 17. eius exemp. 50.

Index.

- De gratulatoria. 17. eius exemp. 51.
De gratiarum actione. 18. exemp. 53.
De epist. officiosa. 18. eius exemp. 54.
De epist. iocosa. 19.
De usu locorum. 19.
Index epistolarum Ciceronis, quæ in vnoquoque genere versantur. 52.

Index Capitum, quæ sunt in libro Progymnasmatum.

- P**roæmium. fol. 55.
De origine progymnasmatum. 59.
De usu & utilitate progymnasmatum. 59.
De fabula. 61. eius tract. & exemp. 94.
De narratione. 61. eius tract. & exemp. 99.
De chria. 63. eius tract. & exemp. 102.
De sententia. 64. eius tract. & exemp. 108.
De refutatione. 65. eius tract. & exemp. 114.
De confirmatione. 66. eius tract. & exemp. 122.
De loco communi. 66. eius tract. & exemp. 128.
De laude. 69. eius tract. & exemp. 134.
De vituperatione. 71. eius tract. & exemp. 147.

De

Index.

- De comparatione. 91. eius tract. exemp. 142.
De ethopcia. 72. eius tract. exemp. 155.
De descriptione. 73. eius tract. exemp. 158.
De thesi. 74. eius tract. exemp. 160.
De legislatione. 75. eius tract. exemp. 168.
De ornatu orationis. 76.
De tropis. 77.
De figuris. 81.
De figuris verborum, quæ adiectione fiunt. 81.
De figuris verborum, quæ detractiōe fiunt. 83.
De figuris verborum, quæ similitudine fiunt. 84.
De figuris sententiarum. 86.
De collocatione. 91.
De numero oratorio. 92.
De pedibus orationi maximè appositis. 92.
Qui pedes cuique periodi loco aptiores. 93.

Errata.

IN proœmio ver. 19. quam, leg. quàm si. ver. 21.
 exerceat, l. exerceant. fol. 2. ver. 12. hæc, l. hæ. fol.
 3. ver. 12. concinnatam l. concinnitatem fol. 11. ver.
 14. deprecabimus, l. deprecabimur. fol. 13. ver. 22.
 laudabilis, l. laudabis. fol. 19. ver. 22. commonendum,
 l. commouendum. fol. 21. ver. 3. attingant, l. attingat.
 fol. 41. ver. 6. iocrent, l. iacerent. fol. 43. ver. 3.
 erga, l. erga fol. 59. ver. 25. fateatur, l. fatetur. fol.
 63. ver. 9. fuloribus, l. fuloribus. fol. 71. ver. 1. mo-
 nuta, l. monumenta fol. 75. ver. 1. eiusdem, l. eiusma-
 d. fol. 76. ver. 46. initiores, l. minores fol. 80. ver.
 31. quidem, l. quidam fol. 81. ver. 2. confirmatio, l.
 conformatio. fol. 89. ver. 27. abhurrentem, l. abhur-
 rentem. ver. 29. voluptati, l. voluptati fol. 91. ver.
 11. exercitandos, l. excitandos fol. 102. ver. 42. tibi,
 l. ibi. fol. 103. ver. 2. expositio, l. expositio fol. 108. re-
 stitua, l. restituta fol. 151. carneret, l. cerneret.



i 19352967



